

3

74



in dubio scribo

Ex Bibliotheca
majori Coll. Rom.
Societ. Jesu

23. f

B. 1. 2. 3.
79

63

E



M. 259

2000

IO. IAC. CHIFFLETII
D E
L I N T E I S
SEPVLCHRALIBVS
CHRISTI SERVATORIS
CRISIS HISTORICA.



Ex legat

M. Cocchini

ANTVERPIÆ,
EX OFFICINA PLANTINIANA,

Apud Balthasarem Moretum, & Viduam
Ioannis Moreti, & Io. Meursium.

M. DC. XXIV.

ILLVSTRISS. ET REVERENDISS.

DOMINO

D. IOANNI FRANCISCO

EX COMITIBVS GVIDIIS A BALNEO
ARCHIEPISC. PATRACENSI

IN BELGICÆ ET BVRGVNDIÆ PROVINCIIS

NVNTIO APOSTOLICO

CVM POTESTATE LEGATI A LATERE.



ILLVSTRISSIME DOMINE,
postquam Vefontio-
nem meam tibi placuisse
sciui, ratus apertas mihi
esse *Mæcōn Sūper*, sustuli
animum ad maiora, & funeri CHRI-
STI Seruatoris admoui stylum, vt lineā
inuolucra, quibus illo mortis triduo te-
ctus fuit, posteris euoluerem. Ad hoc
versavi scripta vetustioris æui, &

huius nostri, nec inueni qui rectè ὀθωνιαχὸν
egisset. Itaque ausus sum nouus Tiphys
pandere vasto Carbasæ ponto ; & obire il-
lud munus per hanc Historicam Crism,
quæ crassas in antiquis illis ritibus nu-
bes discussura sit luce suâ : sed non nisi
præuiâ ingenij tui, virtutis & doctrinæ
face, qui in Antiquitatum densâ caligi-
ne, auia quæuis peragraisti, obscura per-
uasisti, superasti difficilia. Prælucebit et-
iam stemma tuum Nobilissimum, quod
ex verè Regiâ Comitum GVIDIORVM
Ducis familiâ, quæ iam inde à Comite
GVIDONE Othonis Magni Saxonis Im-
peratoris nepote, eiusque in Italiâ au-
ctore, maximè floruit ; & etiamnum fa-
uentibus Superis floret, Heroum Martio-
rum, Ducumque præstantissimorum,
qui domi forisque pro S. Sede Aposto-
licâ

licà res præclarissimas gesserunt, & longè lateque per Etruriam & Flaminiam imperitarunt, perpetuum veluti seminarium. Horum vestigia secutus NICOLAVS Marchio Montis-bellifrater tuus, de consensu Maximorum Regum, Ecclesiasticæ militiæ in Valle Tellinà summus Præfectus est constitutus. Tu verò quot iam annis pro eadem Sanctâ Sede operam tuam impendisti? CLEMENTE VIII. & LEONE XI. Pontificibus, Provinciis plerisque per Italiam præfuisi, easque sapientissimè moderatus es. Postèa sedente PAVLO V. Auenioni & Comitatus Venicino Præfectus pro Legato, septennio tui magistratus, Urbem ipsam variè septuplicem nobilitasti, summoque ciuium applausu rexisti. Demum à GREGORIO XV. in Belgium, ad piis-

simum par Principum ALBERTVM & ISABELLAM Archiduces Nuntius missus, altero ad vitam meliorem euocato, annum iam tertium, apud Serenissimam INFANTEM viduam, sub nouo etiam, sed verè Opt. Max. Pontifice VRBANO VIII. munus tuum cum singulâ pietate & prudentiâ obis. Quidni ergo tutanti Pontificis Α'γαθός Α'γέλθ', tuteris hæc velamina, sacrosancto CHRISTI cruore conspersa? Sanè his instructa PETRI Nautis non timebit

— *precipitem Africum*

Decertantem Aquilonibus,

Nec tristes Hyadas, nec rabiem Noti.

Admiranda quippe diuini amoris in iis elucent argumenta. CHRISTVS enim à nobis transiturus ad PATRIS dexteram, & supernas cæli sedes, id eâ ratione præstitit,

stitit, (quæ eius fuit *φιλαγγεωπία*) vt nihilominus nobiscum restaret; re quidem, sed latenter, in Altaris Sacramento; per Imaginem autem, sed expressam ac manifestam, in sepulchralibus linteis. Illa inclyta miraculis *ὁθόσια*, veneranda nostræ salutis pignora, tibi offero, ILLVSTRIS-
 SIME DOMINE, vt antiquissimam eorum dignitatem tuearis, quorum fidem constans ætatum consensus firmavit, & gentium concursus. Agnosces in corporis humani lincamentis, *συγκατάβασις ἀκατάληπτος* incarnati Verbi; in iustâ staturâ, partiumque symmetriâ, speciosum formâ præ filiis hominum; in rubore, sanguinis ac vulnerum notas; in iacentis specie, mortis causâ nostrâ obitæ, ac sepulturæ *μνημόσυνον*; in linteo, resurgentis exuvias; vbique Dei hominis in nostrum
 genus

genus inestimabilem charitatem. Quæ de
iis attuli prodigia antiqua & recentia, in
vnum congesta fascem, inconcussæ veri-
tatis præsidio firmata sunt; nec Opuscu-
lum hoc meum fluctuare sinent, maximè
si fauoris tui aurâ, & beneuolentiæ radiis
afflentur, illustrentur. B. V. ILL^{MA} DO-
MINE. DEVS τε πάντος ἄξιον, cumulo fe-
licitatis beet. Ita voueo, Bruxellæ, Kalen-
dis Maiis anni Domini M. DC. XXIV.

ILL^{MA} ET REV^{MA} D. T.

denotissimus

· Io. Iac. Chiffletius.

ERYCI PVTEANI
ad Clarissimum Amplissimumque V.
IO. IACOBVM CHIFFLETIVM
DVÆ EPISTOLÆ:
De scriptione LINTEORVM
SEPVLCHRALIVM.

CLARISSIME ET AMPLISSIME VIR,

DE LINTEIS SEPVLCHRALIBVS CHRISTI SERVATORIS (ô nobile, & dignum, felicissimâ eruditione tuâ opus!) Iudicium petis? at Elogium longè facilius promam. Ubi legero, ubi laudauero, nec Iudicium requires. Itaque euoluam statim librum, & suauissimam hanc occupationem arbitrabor: expendam singula, ut vehementiùs obleter; & quia obsequio non peccabo, liberiùs ad Encomium accedam. Viri tamen, ut quasi in antecessum, prurientem animi affectum indicem? Hoc uno libro quidquid est librorum vicisti. Viuet ille, quamdiu inter homines Pietas & Religio erunt: in illo nomen tuum, iam profanâ omni scriptione maius; quia sanctissimum argumentum admirabili doctrina solertiâ complexus,

**

plexus, doces, quæ cum damno Sacra & Profana eruditionis tot iam sæcula ignorarunt. O te beatum, qui sic scribis! Deinceps quiescere poteris, æternus es. Poteris, inquam, si in consortium laboris huius (an & honoris dicam?) Optimus Doctissimisque frater tuus PHILIPPVS CHIFFLETIVS Ser^{ma} Infanti à Sacris Oratorijs, adducatur: ut quæ tua sunt, sua ille quodammodo faciat, Gallicæq; vertat. Latina esse LINTEA SEPVLCHRALIA satis non est: legi ab omnibus & intelligi debent, & præsertim ab Aulicis nostris. Fiet id autem, si, ubi Pietatem quisque suam excolet, peregrinus non erit: si, ubi raræ omnia, linguam tamen suam inueniet. Vale. Lo-
uanij in Arce, Kalendis Febr. M. DC. XXIV.

CLARISSIME ET AMPLISSIME VIR,

IVDICIVM meum de CRISI hac HISTORICA deprompturus, redire ad Elogium cogor. Etenim nisi laudem quæ scripsisti, malè Censorem agam; nisi doctrinæ quoddam numen ingenium tuum dixerò, malè laudem. Scripsisti LINTEA, sed SACRA & SEPVLCHRALIA LINTEA; manifesta CHRISTI SERVATORIS LINTEA, quia scripsisti. Felicis (et hac mea sententia est) nobilissimi dignitas argumenti absolui non poterat; in quo & Pietati, & Eru-

Eruditioni satisfactum puto. Hoc profectò fuit, non de Vrbe tantum tuâ, sed de vniuerso Orbe Christiano benè mereri: hoc fuit, Urbem iterum tuam Orbi representare. Dedisti mortalibus oculos, ut, nisi obstinata prorsus mentis cacitas obstet, videre omnes, & in clarâ luce queant, quàm pretioso aternitatis pignore Sequanorum Metropolis beata sit, & quàm indubitato, ut sic appellem, Palladio glorietur. Debent ergo iam tibi SACRVM SVDARIVM Ciues tui, sic explicatum: debent Taurinenses SINDONEM tibi, sic ostensam: debent CHRISTI IMAGINEM tibi Christiani omnes, vero & sanctissimo sanguine eius SINDONI & SVDARIO impressam. Aliquid verò hîc miraculi esse, quid mirum? Deus inuolutus fuit, & in panno lineo circumducto reliquit formæ lineamenta, quæ si in expanso spectarentur, symmetriæ legem non excederent. Itaque vultum suum naturali magnitudine circumscripsit natura Auctor, cùm haberi ab ipsâ naturâ non posset. Hæc pictura Dei est: sic pingitur; qui hominum causâ, quidquid homo non sustineret, passus est: sic pingit, qui ut tormenta sua mortemque ostenderet, cruorem in colorem vertit, & in sepulchro adumbratam simul aromate inueniri voluit imaginem, ab omni posteritate adorandam. Imaginis imago, hæc tua CRISIS est, Doctissime CHIFFLETI, ex umbrâ Antiquitatis eruta, Veritatis luce circum-

fusa,

fusa, & sacrum deinceps pretiosissimis Reliquiis cultum vindicabit. Prodeat Liber: omnis cum publico & Religionis damnomora est. Legant hanc CRISIN, qui in rebus Sacris Profanisque Crisim usarpant, & qua haecenus ignorarunt LINTEA SEPULCHRALIA, intelligent; qua minus coluerunt, venerari incipient, tuum sic quidem in pretio ac deliciis nomen, Pietatis Eruditionisq; causâ habituri. Vale, & hoc siue Iudicium, siue Elogium ama: me ama, qui censere pulcherrimum Scriptum tuum non potui, nisi laudarem. Louanij, in Arce Palladis, Prid. Eid. Febr. M.DC.XXIV.



IN-

I N D E X

C A P I T V M.

CAP. I. *Varij sepeliendi ritus : mandate terre corpora, antiquissimus: studium sepultura fuit argumentum resurrectionis.*

Pag. I.

CAP. II. *Corporaterrâ condita, velis fuisse obducta; ex more, qui à Judæis manavit, & Aegyptiis: horum ritus, & conditura ratio.* 6

CAP. III. *Schema conditorum in Ægypto cadaucrum ob oculos positum.* 10

CAP. IV. *Ritus sepulturae Iudaica duplex: mortui loti, uncti, involuti. Christi funerationi adhibita Sindon, Sudarium, linteamina, infusa.* 16

CAP. V. *Sindonis ac Sudarij*

ἱνυμον, & significatio multiplex: utrumque ad funera traductum. 23

CAP. VI. *Sudarium Vefontinum videri illud ipsum de quo mira narrat Beda, quodque à Virgine Deiparâ in Filij sepulturam concessum dicitur: primi eius possessores.* 27

CAP. VII. *Novatorum sanæ & argumentum duplex in sacra Christi Sudaria: Vefontinum Sudarium cur institarum notas non habeat. Exhibetur Lazarus suscitatus, vinculis nondum solutus.* 33

CAP. VIII. *Sudarium Vefontinum esse illud ipsum, quod S. Ioannes dicit fuisse super caput Domini.* 40

* * 3

CAP.

INDEX CAPITVM.

- CAP. IX. Sudarium Domini
è Palestinâ Vefontionem
perlatum, & quando: of-
tensionis eius ritus anti-
quior: non est cingulum Do-
mini. 50
- CAP. X. Alia sacra pignora ex
Oriente cum S. Sudario Ve-
fontionem allata. 59
- CAP. XI. Sudarium Vefonti-
num miraculis illustre: a-
missum, recuperatum: eius
vi mortuus suscitatus, &
eger persanatus. 66
- CAP. XII. Hæreticus impu-
dens causo absumptus: ci-
uis grauissimè laborans &
Bonus Archiepiscopus cu-
rati. Obiter de Magnatum
donariis. 71
- CAP. XIII. Cæci cum fide vi-
sum recipiunt: ex oculis la-
borantes persanantur: aliis
ad tempus adimitur vi-
sus. 75
- CAP. XIV. Epidemica lues se-
data voto publico. Sodali-
tas S. Sudarij, huius alta-
re Apostolico privilegio mu-
nitum. 80
- CAP. XV. Morbi à veneficio
sublati per imagines S. Su-
darij Vefontini: alia de eo-
dem Sudario mira, & sci-
tu digna. 84
- CAP. XVI. De Sindone Tau-
rinenfi: unde illa proximè
Camberium aduecta. 89
- CAP. XVII. Gaufridus de
Charny Eques Burgundus
Sindonem Christi Ecclesie
de Lireyo in Trecenti Diœ-
cesi à se exstructa attri-
buit: quomodo ibi habita
Sindon. 95
- CAP. XVIII. Transfertur
S. Sindon è Campaniâ in
Burgundiam: multa ne-
quidquam conantur Liren-
ses, ut illam recipiant:
Camberij denique non si-
ne miraculo relinquitur.
 103
- CAP. XIX. Quid pro Sindone,

INDEX CAPITVM.

<i>ex eo tempore à Lirensibus actum.</i>	III	<i>de Cruce recens depositum ; non illud in sepulchro post pollincturam obtexisse.</i>	145
<u>CAP. XX. Camberij religiosissime habita Christi Sindon: miracula per eam edita: flammarum vim ut euaserit.</u>	119	<u>CAP. XXVI. De Sindone Compendiensi.</u>	150
<u>CAP. XXI. Alia Sindonis Allobrogica clariora miracula.</u>	127	<u>CAP. XXVII. Alia othonia pro linteis Christi sepulchralibus habita : eſtypla pleraque: ſanctuaria: brandea : linteamina Martyrum & veterum Chriſtianorum.</u>	160
<u>CAP. XXII. Quae in loca Camberio deportata S. Sindon: Taurinum denique ut uenerit.</u>	132	<u>CAP. XXVIII. De ſepulchralibus Chriſti Domini ſcistiſ distinctius.</u>	162
<u>CAP. XXIII. Aliquid pro ueritate Sindonis Taurinensis, contra ſententiam iniquam Clementis Antipapae.</u>	137	<u>CAP. XXIX. E quo lino texta ſint ſepulchralia linteae Chriſti Domini, & quo textura modo.</u>	176
<u>CAP. XXIV. Sindonem Taurinensem unde Gaufridus de Charny, trecentis paene abhinc annis, accepit.</u>	142	<u>CAP. XXX. De ſmagine Chriſti ſepulchralibus Linteis Veſontino & Taurinenſi impreſſa: ac primùm de ſtatura & ſymmetria corporis ; tum de ſitu eiſdem & collocaſione.</u>	184
<u>CAP. XXV. Sindonem Allobrogicam excepiſſe cruentum Chriſti corpus, &</u>		<u>CAP.</u>	

INDEX CAPITVM.

CAP. XXXI. De vulneribus quinque precipuis, cicatricibus minutis, & cruore, toto corpore sparso.	deffeno.	200
CAP. XXXII. De velo circa coxas : sum de sacrarum Imaginum colore, ratione & modo.	CAP. XXXIV. De Sudario Veronica.	204
190	CAP. XXXV. De aliis Imaginibus Christi Domini non manu factis.	209
CAP. XXXVI. Quis cultus exhibendus Linteis sepulchralibus Christi Domini.		218
CAP. XXXIII. De Sudario E-		



I

IO. IAC. CHIFFLETII
D E
L I N T E I S
SEPVLCHRALIBVS
CHRISTI SERVATORIS
CRISIS HISTORICA.

CAPVT PRIMVM.

Varij sepeliendi ritus: mādare terra corpora, antiquissimus: studiū sepultura fuit argumentū resurrectionis.

SVPREMVS mortalium honos, sepultura semper est habitus, pax & quies defunctorum, solatium superstitem, atque munus; quod actum est & persolutum vario planè ritu: nam si ordine elementa spectes, ex more credita singulis inuenies cadauera. Græcos, Romanos, Gallos, Germanos, & plerasque alias gentes olim flamma consumpsit: Colchi ad arbores in aëre cadauera suspenderunt: senibus Hyperboreis sepulchrum fuit mare, flumina Æthiopibus, Scythis

A

2 DE LINTEIS SEPVLCHR. CHRISTI

1. De Leg. this algidioribus niues. Sed antiquissimum sepul-
 turæ genus illud fuit, Tullio teste, *quo redditum est*
terra corpus, & ita locatum ac situm, ut quasi operi-
mento matris obduceretur. Sanè ab ipsâ naturâ est,
 ut inortuorum corpora terræ mandentur. Sic ho-
 minum illa (Plinio scribente) *ut calum Dei: quæ nos*
 1. Lib. 2. *nascentes excipit, natos alit, semelq; editos sustinet sem-*
 cap. 63. *per; nouissimè complexa gremio, iam à reliquâ naturâ*
abdicatos, tum maximè ut mater operiens, nullo magis
sacramento, quàm quo nos quoque sacros facit, etiam
monumenta ac titulos gerens, nomenq; prorogans no-
strum, & memoriam extendens, contra breuitatem aui.

Omni parens eadē rerum est commune sepulchrum,
 ait Lucretius. Eo ritu *πρωτοτάτης* noster sepultus
 creditur. Rex Numa pariter ad fontis aras. Et ita
 1. Plin. l. 7. *humata est gens Cornelia, quæ priscos seruauit*
 cap. 54. *ritus, usque ad Syllam Dictatorem, qui primus ex*
eâ traditur crematus. Iulium Epigonum ritu illo
sepultum, testatur hic memoriæ lapis, in viâ Laui-
canâ, quinto ab Vrbe milliari:

D. M.

L. IVLI. EPIGONI

VIXIT. ANNIS. XXVI. M. V. D. XII.

CORPVS. INTEGRVM. CONDITVM

L. IVLIVS. GAMVS

PATER. FILIO. PISSIMO.

Alter

Alter eundem morem firmat, qui est Romæ
sic inscriptus:

L. IVLIVS. GAMVS

DIS. MANIBVS.

L. IVLI. MARCELLI

NEPOTIS. SVI

VIXIT. ANN. V.

DIEBVS. XXXXI

CORPVS. INTÈGRVM

CONDITVM

SARCOPHAGO.

Poppæa Neronis coniux (auctore Tacito) *non* 16. Ann.
igni abolita, ut Romanus mos, sed Regum externorum
consuetudine differta odoribus, condita, tumultuq; Ju-
liorum illata. Per Reges illos externos, Ægyptios
intelligo, & Iudæos, quibus ea consuetudo, terræ
corpora committendi; quam amplectitur Iudæus
ipse Philo, libro in Flaccum: Ἀνθρώποις καὶ πᾶσι χερ-
σαίοις οἰκεώτερον ἢ φύσιν χωρὶον ἀπένειμε γῆν, ἔ μόνον
ζῶσιν, ἀλλὰ καὶ δοποτανοῖν, ὡς ἡ αὐτὴ ἐκ τῶν πρῶτων ὑπο-
δέχῃ ἄρεσιν, καὶ τῶν ἐκ ἑξῆς τελευταίων ἀνάλυσιν. Ho-
minibus & omnibus terrestribus animalibus natura
magis propriam regionem terram tribuit; non solum
viventibus, sed etiam morientibus, ut ipsa & primum
susceperet ortum, & à vitâ ultimam resolutionem.

Mos ille à Iudæis ad Christianos postmodum

A 2 transit,

4 DE LINTEIS SEPVLCHR. CHRISTI
transijt, qui mortuos condidere loculis excauatis
in subterraneis & arenarijs cryptis, quas *areas* vo-
cabant, *tumbas*, & *catacumbas*; & frequentissimâ
voce *cæmeteria*, quasi *dormitoria*; quòd doceret eos
fides, non interire Christianos, sed rursus excitan-
dos, in Domino interim obdormire: de quo piè
Prudentius more suo:

De Exe-
quijs.

*Quidnam sibi saxa cavata?
Quid pulchra volunt monumenta?
Nisi quòd res creditur illis
Non mortua, sed data somno.
Hoc prouida Christicolarum,
Pietas studet, utpote credens
Fore protinus omnia uiua,
Qua nunc gelidus sopor urget.*

Et quidem internum venturæ resurrectionis sen-
sum, in Ethnicorum animis viguisse arbitror, cùm
de supremo munere sepulturæ mirum in modum
fuerint solliciti, corporumque reliquias accuratissi-
mè seruarint, quasi rursus futuras domos immor-
taliū animarum. Hinc apud eos tanta funerum
celebritas, extructa mausolea, erectæ pyramides,
arcæ, pilæ; mensæque positæ, quibus incisi tituli
vitam ætheream spirantes, & corporum ad tem-
pus dumtaxat conseruationem. hinc mutos etiam
lapides obtestabantur, ut leuiter super ossa defun-
ctorum

etorum refiderent : sub quibus *deponi* dicebantur, & *collocari*, vt aliquando tandem educenda; *dormire* & *quiescere*, quasi debuissent iterum euigilare, & artuum rediuiuorum beneficio moueri. Eamdem ob causam sepulchra dicta reperies ipsis non modò *conditoria*, sed & *quietoria*, *repositoria*, atque non rarò *ossuaria*; quòd in ijs reliquæ corporum surrectorum, tamquam semina feruarentur, ossa nempe duriora, & ipsi dentes inuicti ignibus, & flammis indomiti. Tertullianus: *Constat non tantum ossa durare, verum & dentes incorruptos perennare, quæ ut semina retinentur fructificaturi corporis in resurrectione.* Vnde & fortassis hominem priusquam genito dente cremari mos gentium non fuit, quòd esset *tunc minor igne rogi*, vt canit Saty-
De Resur.
carnis.
Sat. 15.

Οὐ καλὸν ἀρμονίῳ αἰαλὺοι μὲν αἰθρῶπι οἰο-
 Καὶ τὰ χαῖα δ' ἐκ γαίης ἐλπίζοι μὲν ἐς φάος ἐλθεῖν
 Λείψαν' ὀποιχομένων, ὅπισθ' ὃ θεοὶ τελέειν).

*Non dissoluimus pulchram hominis harmoniam;
 Etenim subito à terra speramus in lucem venturas
 Reliquias defunctorum, qui postea Dijs fient.*

CAPVT II.

Corpora terrâ condita, velis fuisse obducta, ex more, qui à Judæis manauit, & Ægyptijs: horum ritus, & condituræ ratio.

AQVIBVS Gentibus terrâ conditi mortui, ab ijs ferè & condimenta & vela adhibita, quibus nuda corpora regerentur simul, & à putredine vindicarentur. Spartæ Regis Lycurgi statuto, obduxerunt oleæ fronde, velata priùs pūniceo amictu. Nazamones à lotionè & vnctione, album & elegans peplum adhibuerunt: quod & parti Persarum familiare fuit; necnon Ægyptijs & Iudæis, qui abluta & aromatis medicata cadauera linteis candidis inuoluère: quo ritu Christum Seruatorem sepultum legimus in Euangelio, vbi dicitur:

Ioan. 19. Acceperunt corpus IESV, & ligauerunt illud linteis cum aromatibus, sicut mos est Judæis sepelire. qui sanè mos, licet primâ fronte cuius clarus & perspicuus videatur; non pauci tamen Criticis occurrunt nodi circa eum, & in numero linteorum, & in ratione inuolucris; quos omnes soluere intendimus, vt linteorum Christi sepulchralium crisis expeditior sit. Aliquid porrò mutuos in hoc ab Ægyptijs Iudæos Tacitus videtur innuere, vbi de istorum modo,

modo, quem fuisse dicit, *corpora condere, non cremare*, è more *Ægyptio*. Fauet Philo Iudæus, dum asserit non minùs quam decies centena millia Iudæorum *Ægyptum aliquando inhabitasse*. Sed condendi ritum Iudæos ab *Ægyptijs* non accepisse cùm Scriptura sacra satis insinuet, vbi sepulturas Saræ, Abrahami, & aliorum perspicuè narrat; an illum *condendi*, Tacitus intellexit? Sic videtur; & verò scripsisse *condire*, non *condere*; quò scilicet conseruationem cadauerum per vnctionem & condituram, opponeret eorundem destructioni per cremationem: vt alibi, Neronis Poppæam *conditam* dixit, non igni abolitam.

Hist. 5.

Lib. in Flac.

16 Ann.

Ritum *Ægyptiacum* triplicem faciunt Dio-
dorus Siculus, & Herodotus Halicarnasseus. Pri-
mus, in quo argenti talentum infumebatur, fuit locupletiorum, qui myrrham puram, casiam, & alios odores, excepto thure, vnà cum vino Phœnicæo ad condituram. Ἀέσαιτες τὸν νεκρὸν, (inquit Herodotus) κατελίσσιν πᾶν αὐτὸ τὸ σῶμα συνδόνι βυσσίνῃ, τελαμῶσι κατετήμενός τε, ὑποχρίοντες τὰ κόμμι, τὰ δὲ αὐτὴ κόλλης ἀπολλὰ χεῖων Ἀἰγύπιοι. Vbi abluerunt, sindone byssinâ, incisîs lorîs, totum inuoluunt, gummi illinentes, quo *Ægyptij* glutinis loco plerumque vtuntur. Secunda conditura, minoris sumptus (minarum scilicet viginti) fuit medio-

Lib. 2 c. 5.

Lib. 2.

Loc. cit.

Lib. 16.
cap. 11.

mediocrium, qui nitro utebantur, quod carnes tabefacit; & vngvine cedrino, cui tanta vis ineſt (inquit Plinius) *ut in Ægypto corpora hominum defunctorum eo perſuſa ſeruentur*. Tertius modus minimi ſumptus, & è plebe infimorum, ablutionibus tantùm conſtabat, & exſiccatione. Omnes porrò condituræ, præter exenterationem, requirebant ſalituram dierum ampliùs triginta, vſque ad ſeptuaginta; nec enim licebat ſalire diutiùs. Iacob Patriarcha Ægyptio more conditus, vnctus eſt tantùm per dies quadraginta.

1. Tuſc.

Lib. 1. c. 9.

Lib. 3.
cap. 24.

Arte illà condita & exſiccata cadauera, Ægyptij domi ſeruabant. Herodotus: *Εὐθεὺς δὲ ὡς ἀδελφοί μοι οἱ παρσέκοντες, ποιούντι ξύλινον τύπον ἀνθρώπου· δά· ποιῶσι· ἀμφοὶ δὲ, ἐς ἐργάσει τὸν νεκρὸν καὶ κατὰ κληῖσαντες ἔτα, θησαυρίζουσι ἐν οἰκίᾳ αὐτοῦ θησαύω, ἱστάντες ὁρῶντες ὡς τῶν. Εὐ δεῖναις ρεϑετο (cadauere condito) propinqui ligneam hominis effigiem faciunt, in quâ mox inferunt mortuum; atque ita incluſum, reponunt in loco ſepulchrorum oculis dicato, & rectum ſtatuunt ad parietem. M. Tullius: *Condiunt Ægyptij mortuos, & eos domi ſervant*. Pomponius Mela: *Mortuos nec cremare, nec fodere fas putant, verùm arte medicatos intra penetralia collocant*. Sextus Philoſophus: *Ægyptij inteſtina extrahentes, condiunt defunctos, & eos ſupra terram habent*.*

Si-

Silius Italicus:

— *Ægyptia tellus*

Punic. 13.

*Clandit odorato post funus stantia saxo**Corpora, & à mensis exanguem haud separat
umbram.*

Lucianus libro de Luëtto: Ταρχαίει ὃ δ' Αἰγύπτῳ
 ἔτ' ὁ μύθος, λέγω ὃ ἰδὼν, ξεράνας τὸν νεκρὸν, σιμύειπνον
 καὶ συμπότῳ ἐποιήσατο: *Muriâ condit Ægyptius:*
atque hic quidem (rem visam à me narro) desiccatum
cadaver conuiuiam & compotorem adhibet. D. Atha-
 nadius Episcopus Alexandrinus, in Vitâ S. Anto-
 nij, lectis adhibita docet: *Mos est Ægyptijs nobi-*
lium, & præcipuè beatorum Martyrum corpora, lin-
teamine quidem innuoluere, & studium funeri solitum
non negare: terrâ verò non abscondere, sed super lectu-
los domi posita referuare. hunc honorem quiescenti-
bis reddi, inueterata consuetudinis vanitas tradidit.

Hanc consuetudinem vsque adeò detestatus est
 S. Antonius, vt vetuerit ad Ægyptum suas perferri
 reliquias, ne vano illo honore seruarentur, vt au-
 ctor est laudatus Athanasius; cui non absimilem
 atque Antonio suo mentem fuisse ostendit Da-
 mascenus: Ἰσμερὶ τὸν μακάριον Αἰθιοπίαν, ἀπηγορευ-
 κότες τὸ ἐν λαρίναξι ὑθένααι τὰ τῶν Ἀγίων λείψονα,
 μάλλον δὲ προσάτιναι ὑπὸ γῆν ταῦτα καλύπτειν, τὸ ἄτο-
 πον ἐστὶ τῶν Αἰγυπτίων κἀταργῆσαι βελόμηνον, ὅτι τὰς
 ἑαυτῶν νεκρὰς ἔχ' ὑπὸ γῆν ἐκρυπτον, ἀλλ' ἐπὶ κλινῶν καὶ

Orat. 1.
de Imag.

B

σκιμ-

IO DE LINTEIS SEPVLCHR. CHRISTI

σκιμποδίων ἐτίθεν. *Scimus S. Athanasium Sancto-
rum reliquias non in urnis collocandas, sed humi con-
dendas esse eo consilio censuisse, ut absurdum Ægyptio-
rum morem abrogaret, qui suos mortuos non sub terrâ
condebant, sed in lectulis & scimpodiis collocabant.*

Lib 3. Ceterum superstitiosæ illius condituræ causam
fuisse scribit Herodotus, quod persuasum habe-
rent, ignem esse animatam belluam, quæ cuncta
deuoraret, & simul emoreretur: tum etiam ne hu-
mati deuorarentur à vermibus. Verum eam non
tam vanitati & superstitioni tribuit Cassianus,
quàm necessitati, propter frequentem inundatio-
nem Nili. Coll. 15. *Hunc Ægyptiis morem (inquit ille) Nili
cap. 3. fluminis inuexit eluuius; ut quoniam uniuersa terra
illius latitudo, instar immensi pelagi, non paruo anni
tempore, solitâ aquarum eruptione contegitur; ita ut
nulla cuiquam viandi copia, nisi lemborum transue-
ctione tribuatur; corpora mortuorum, pigmentis condi-
ta redolentibus, in editoribus cellulis recondantur.*

C A P V T I I I.

*Schema conditorum in Ægypto cadauerum
ob oculos positum.*

MEDICATA cadauera solebant ad cò exsic-
care pollinctores Ægyptij, ut statuas æneas
solidi-

soliditate adæquarent: linguâ suâ *Gabbaras* appellabant; ait D. Augustinus; quasi *barbaros*, & i. *sul-* Ser. 120.
De diu.
cap. 22.

fos, ex Isidori glossis. Nunc vulgus vocat *Mumias*, servata quævis in Ægypto per condituram corpora; in quorum truncis, frequenter latent icunculae quædam spithameæ, ac etiam minores, quæ corpus, Ægyptio more conditum, & linteis inuolutum egregie referunt. Theuetus, imagunculas Cosm.
Orient.
cap. 42.

illas, vult esse signa Numinum, quæ quis defunctus coluisset in vitâ: à cuius sententiâ non multum abijt Bellonius^a. Goropius Becanus^b Canopi censet esse simulacra; Guichardus^c verò Isidis, vel Osiridis. Ego in tanto discrimine quid affirmem?

verum forsitan, si dixerò, imagines illas esse cadauerum conditorum exemplaria. Fauet Princeps Radziuilus, in Peregrinatione suâ Ierosolymitanâ, scrutatus ipsemet diligenter sepulchra Ægyptiaca: *Idola illa*, inquit, *sunt ex argillâ, carulei vel* De Fun.
med. c. 4.
7. Hieroglyph.
Libro 3.
Fun. c. 10.

violacei coloris, ad unius digiti longitudinem; quadam etiam minora, formam infantuli fasciis circumligati, adiectis multis Ægyptiorum characteribus, exprimentia. Qualia autem sunt idola, tali modo & ipsa corpora linteis sunt inuoluta, quæ ob antiquitatem adèò sunt marcida, ut papyrus combustam, quæ nigrescit, & facillimè diffluit, imitentur. Et antiquior Herodotus, Εἰσὶ, ait, ὅ ἐν αὐτῷ τέτρω κατέα^d), ἑτέριον ἔχον Epist. 3.

ταύτῳ. Οὐτε ἐπεαύσφι κομιθεῖ ἡ ὀνεκρὺς, δεικνύουσι τοῖσι κο-
 μίσασιν ᾠδαδείγματα νεκρῶν ξύλινα, τῇ γραφῇ μεμιμη-
 μένα. Καὶ τὴν μὴν παρὰ δαίοντά τῳ αὐτέῳ φασι εἶναι, ὅτι
 ὅσιον ποιεῖται τὸ εἶναι αὐτὸν τὸν αὐτὸν πρῆγμα πειομαζεν
 τὴν δὲ δαυτέῳ δεικνύουσι ὑποδεξέρῳ τε αὐτῆς ἐδύτελε-
 σέρῳ. τὴν δὲ τρεῖς, διτελεσάν. Φεράδωτες δὲ, πυνθά-
 νον παρ' αὐτέων, καὶ ἡ πινὰ ἐλόνταί σφι σκιδναδῆται τὸν
 νεκρὸν. Οἱ μὲν δὲ ἐκ ποδῶν, μιῶν ὁμολογῶντες, ἀπαλ-
 λάσσον, ④ δὲ ὑπολειπόμηνον ἐν οἰκίμασι, ὥδε τὰ παρ-
 δαυτά ταλαιχθύνσι. *Sunt certi ad hoc ipsum constituti,*
qui hoc artificium faciunt: ad quos cum cadaver por-
tatum est, ostendunt his qui portauerunt, exemplaria
mortuorum materialia, pingendo assimilata; & unum
eorum accuratissimè fabrefactum esse aiunt, cuius ego
nomen si nuncupauero, haud faciam sanctè: alterum
illo infertius, ac vilioris pretij: tertium vilissimè. Ea di-
cētes, sciscitantur ab his, ad quod exemplar velint effin-
gi mortuum suum: isti conuento de pretio illinc abeunt,
& qui relinquuntur in adibus, hunc in modum con-
diunt corpus, &c. Illa ᾠδαδείγματα νεκρῶν ξύλινα,
 Valla interpres vertit, *exemplaria mortuorū lignea:*
 ego, ni fallor, accuratiùs *materialia*; tum quia ξύ-
 λον Græcis quamuis dolabilem materiam sonat,
 ἀπὸ ὅτι ξύλον τὴν ὕλην: tum quòd in corporibus condī-
 tis, eiusmodi parua statua, ex argillâ, aut aliâ soli-
 dâ materiâ reperiuntur; ad indicandum posteris;

vri

vticenſeo, quonam condituræ ritu, cadauera ſingula fuiſſent medicata; an cum hieroglyphicis ſignis & notis, in modum ſepulti Oſiridis, cuius nomen *ἀνερπαύων* ob reuerentiam præterit Herodotus; an alijs duabus minoris ſumptus condituris; quòve pigmenti artificio, rubrone, ſubuiridi, an cæruleo: cuiuſmodi Gabbaras illos fictitios pleroſque vidimus, & domi habemus, in quadrangulam baſim deſinentes, cui tota effigies reſta inſiſtit. Vnicum hîc exhibemus, abſque notis hieroglyphicis, vt inuolucris ratio meliùs percipiatur.

Sindone primùm byſſinâ, ab imâ ceruice uſque ad pedes, corpus inuolutum eſt: & loris incifis circumligatum, quæ tamen ob gummi denſius illitum non apparent: cubiti decuſſatim ſe premunt ſub linteo, ita vt manus dextra in ſiniſtro pectoris latere, ſiniſtra in dextro videatur: ſupremo capiti ve-



B 3

lum

Plur. de
Iſide &
Oſiride.

lum est superinductum, quod hinc inde propendet in ipsum medium pectus; in posticâ verò parte, à vertice inter scapulas definit: mento supposita est propendens ὀθόνη, fascia barbata, quâ constrangebant genas & maxillas mortuorum, ne os haret ipsis, vt auctor est Lucianus: sola facies nuda restabat, auribus etiam extantibus. Παρεθιδόασι (ait Diodorus) τοῖς ὑψιτέσι ἔτελεθαι τὸν ὄθον, ἕτας ἕκασον τῶν ἑσώματος μέλων ἀκέραιον τετηρημένον, ὥστε καὶ τὰς ἐπὶ τοῖς ἐλεφάντι καὶ τοῖς ὀφρύσι διαμύρειν, καὶ τὴν ὅλην περιέχειν τὸ σῶμα ἀσάλλακτον εἶναι. *Curatum cadaver Aegyptij cognatis tradunt defuncti, ita singulis eius partibus, etiam superciliorum palpebrarumque pilis integrè seruatis, vt omnis corporis species integra perduret.* quod arguit, omnia in facie lineamenta seruata, larvis etiam quandoq; adhibitis, Principe Radziuilo teste oculato. *Corpora, inquit, quæ in tumbis deposita reperimus, habebant in facie personas coloribus vel auro depictas; ex quibus apparebat, lineamenta faciei eorum, qui depositi ibidem fuerant, ea ratione ad viuum fortassis expressa fuisse.* Tales Gabbarum imagunculas circumferre in conuiujs solebant, vt de fati extremi necessitate præsentibus admonerent. Herodotus: Εἰ δὲ τῆσι πᾶσι τοῖσι θιγαίμοσι αὐτέων, ἐπεὶ δὲ τὸ δέειν γούων, ἀεὶ φέροι δὴν νεκρὸν ἐν θρῶζύλινον πεποιημένον, μεμιγμένον ἐς ταμά-
λιστα

Lib. de
Luſtu.

Lib. i.

Loc. cit.

λιστα καὶ γεαφῇ καὶ ἔρῳ, μέγαθ' ὅσον τε πλῆτη πη-
χυαῖον, ἢ δ' ἰπηχυ. Δεικνύς δ' ἐκάστω τῶν συμποτέων λέγει·
Εἰς ἔχον ὀρέων, πῦνς τε καὶ τέρπον· ἔπειτα γὰρ δὲ πειθανὸν τοῦ-
τ'· *Apud locupletes eorum, cum multi conuenerunt,*
et à cœnâ discessum est, circumfert aliquis in loculo
mortuum è durâ materiâ factum, sed picturâ et opere
verum maximè imitantem, longitudine cubitali om-
nino, aut bicubitali; ostendensq; singulis conuiuiarum,
ait: In hunc respiciens pota, et oblectare, talis post
mortem futurus. Simile quid mobile, & ex argento
exhibitum à seruo in conuiuio Trimalcionis, apud
Petronium: Potantibus, et accuratè lautitias nobis
mirantibus, laruam argenteam attulit nobis seruus, sic
aptam, ut articuli eius, vertebraq; locata, in omnem
partem flecterentur: hanc cum super mensam semel
iterumque abiecisset, et catenatio mobilis aliquot fi-
guras exprimeret, Trimalcio adiecit:

Heu, heu, nos miseros, quàm totus homuncio nil est!

• • • • •
Sic erimus cuncti, postquam nos auferet orcus:

Ergo viuamus, dum licet esse, benè.

Græcis, testandi luctus causâ, solemnis fuit eiuf-
modi simulachrorum in publicum expositio: nam
Plutarchus in Alcibiade tangit Atheniensium
mulierum morem, quæ festo Adoniorum die col-
locabant in vicis τὰ εἰδῶλα νεκρῆς ἐκκομιζομένης
ομοίαι,

ōmnia, imagines mortuis qui efferruntur similes, quibus Veneris dolorum, ex morte Adonidis, publicâ mœstitiâ meminissent.

CAPUT IV.

Ritus sepulturae Iudaica duplex: mortui loti, vincti, inuoluti: Christi funerationi adhibita sindon, sudarium, linteamina, insita.

Genes.
cap. vii.

Baronius
anno 34.
n. 36.

In Thuri-
rim Iora
Degha,
cap. 35 l.

MODVM cadauera curandi apud Iudæos, duplicem inuenio: primum antiquiorem & omnino parem Ægyptio, eorum qui vixerant, aut viuebant adhuc in Ægypto; vt Patriarcha Iacob, cuius corpus iubente filio Ioseph, *aromatibus conditum est, per quadraginta dies, deinde repositum loco in Ægypto.* Alterum Iudæis Palæstinam incolentibus familiarem, minoris sumptus, & à priori multum diuersum; ex præcepto Gamalielis Senioris, cuius tam in Sacerdotibus quàm in populo potissima auctoritas erat: is cum vidisset (referente Rabbi Iacob) excreuisse tantum apud Hebræos impensam funerum, vt eius magnitudine cognati perterriti, relicto cadauere aliquando se subducerent; eius sententiâ (quam vidit à posteris inuiolatè seruata) factum est, vt nonnisi lincis linteaminibus, ijsque non magni pretij, corpora defunctorum

etorum obuoluerentur; in quo nullam voluit haberi rationem cuiusvis ordinis aut dignitatis, etiamsi regali effulgeret amplitudine; eoque modo seipsum sepeliri mandauit. Clarius ritum explicat idem Rabbi Iacob, ex Rabbi Moyse Ægyptio, vbi docet viros virorum, & feminas feminarum curare consueuisse cadauera, in hunc modum: oculos imprimis claudere defuncto, & ora stringere fasciâ, tondere capillos, corpus lauare, vnguentis vngere, cadauer delibutum obuoluere linteis; sicque curatum ponere in sepulchro.

Primum igitur in ritu fuit, oculos defuncto occludere, quod Ouidius *condere*, Virgilius *premere*, Varro *sigillare* dixit; vnaque maxillam inferiorem, (quæ sola mobilis est) ne hiaret, stringere tenui fasciâ ad verticem alligatâ. A beatissimâ Virgine matre id muneris Christo præstitum credimus, quod à matribus olim filiis exhiberi solitum. Polynices ad matrem apud Euripidem:

Συναρμοῖς ὃ ἐλέφαρέ μιν τῇ ᾤχεϊ μᾶτερ.

In Phœniss.

Iam claude mihi palpebras manu tuâ mater.

& extant querelæ matris Euriali apud Maronem, quòd filius eâ muneris parte caruisset:

— *nec te tua funera mater*

9. Æneid.

Produxi, pressive oculos, nec vulnera laui.

Secunda fuit capillorum incisio: à quâ tamen

C in

in damnatis abstinebant Iudæi, vt notat Baronius, *quòd maledictioni legis obnoxij essent*. ideò capite intonso sepultus est Christus Sèruator, quòd à perfidis illis sententiam esset passus.

Tertio loco fiebat corporis lotio, adèò vulgaris apud priscos, vt pigeat eorum verba hîc aduocare. *Scriptit Metaphrastes, B. Virginem matrem lacrymis Christi plagas emundasse: quod mihi reuocauit in mentem illa Ennij, in Ctesiphonte, apud Macrobiū: Neque terram iniicere, neque cruenta conuestire mihi corpora licuit; neque misera lauere lacryma falsum sanguinem.* Lotioni corporis Dominici plures fuisse adhibitos, innuit Chrysostomus ex antiquioribus: *Dum peteret eum à Pilato (Ioseph,) & dum lauarent, iam vespera aduentarat.* Sordes pretiosas ac mundas, ex abluto corpore mortui Christi collectas, Balduinum Ierosolymorum Regem ad suos Flandros è Palæstinâ misisse per Abbatem S. Bertini, Lorinus in Commentarijs tradidit.

Lotionem secuta est vnctio, seu conditura; in quâ aliter Ægyptij, aliter Iudæi. Illi corpore enterato, & cerebro per nares extracto, intrinsecus condimenta adhibere soliti; vt est apud Herodotum, qui hoc ipsum appellat *ταρχύειν*. Hi verò, Iudæi inquam, aromata & vnguenta applicabant extrin-

extrinsecus, quod in Sacris litteris dicitur Græcè ἐν ταφιάζειν, vel ἀλείφειν. Vñtionem vulgò receptam indicauerat viuens Christus, cùm Maria acceptâ vnguenti pistici pretiosi librâ, vnxisset pedes eius: *Sinite illam*, dixit, *ut in diem sepulture meâ seruet illud.* Et ad vngendum cum mortuum, venit primùm *Nicodemus ferens mixturam myrrhæ & aloës, quasi librascentum*: & iterum postquam transfisset sabbatum, Maria Magdalena, & aliæ piæ feminæ emerunt aromata, ut venientes vngerent illum. Ioan. 11. Ioan. 19. Marci 16.

Quintò, delibutum cadauer inuoluebant linteis: quæ pars ritus contineri videtur hoc Ecclesiastici præcepto: *Fili, in mortuum produc lacrymas*, Cap. 38. *& quasi dira passus, incipe plorare, & secundum iudicium contege corpus illius, & non despicias sepulturam illius, & luctum secundum meritum eius.* Illa verba, *secundum iudicium contege corpus*, explico, iuxta morem funebrem obuolue linteis. Ioannes de Christo: *Acceperunt corpus IESV, & ligauerunt*, Cap. 19. *illud linteis, cum aromatibus, sicut mos est Judæis sepelire.* Morem indico sigillatim è Sacris scriptoribus. ita primò Matthæus: *Cùm autem serò factum* Cap. 27. *esset, venit quidam homo diues ab Arimathæâ, nomine Ioseph, qui & discipulus erat IESV; hic accessit ad Pilatum, & petiit corpus IESV: tunc Pilatus iussit reddi*
C 2 corpus;

corpus; & accepto corpore Ioseph inuoluit illud in SINDONE munda, & posuit illud in monumento suo nouo, quod exciderat in petrâ, & aduoluit saxum magnum ad ostium monumenti. Sic deinde Marcus:

Cap. 15. Cùm iam serò esset factum (quia erat parasceue, quod est ante Sabbatum) venit Ioseph ab Arimathæa nobilis Decurio, qui & ipse erat expectans regnum Dei, & audacter introiuit ad Pilatum, & petiit corpus IESV. Pilatus autem mirabatur, si iam obisset, & accersito Centurione interrogauit eum, si iam mortuus esset: & cùm cognouisset à Centurione, donauit corpus Ioseph. Ioseph autem mercatus SINDONEM, & deponens eum inuoluit SINDONE, & posuit eum in monumento, quod erat excisum de petrâ, & aduoluit lapidem ad ostium monumenti. Tum Lucas hoc mo-

Cap. 23. do: Et ecce vir nomine Ioseph, qui erat Decurio, vir bonus & iustus: hic non consenserat consilio, & actibus eorum, ab Arimathæa ciuitate Iudææ, qui expectabat & ipse regnum Dei: hic accessit ad Pilatum, & petijt corpus IESV, & depositum, inuoluit SINDONE, & posuit eum in monumento exciso, in quo nondum quisquam positus fuerat.

SINDONEM, de quâ Matthæus, Marcus, & Lucas, interpretor lintea omnia, quæ ad Christi sepulturam quoquo modo adhibita sunt, siue quæ intra sepulchri septa conclusa fuere; quæ distinctiùs expressit

pressit Ioannes; siue quo cruentum Christi corpus
& à cruce recens exceptum est, obiectumque,
vt honestè ad pollincturæ locum deferretur; quod
lintheum esse Allobrogicam sindonem, infrà
ostendam; videturque illud primò & præcipuè
significari mundâ sindone, quâ depositum Chri-
sti corpus inuoluisse Ioseph dicitur à tribus Euan-
gelistis. Nunc Ioannem audiamus: *Exijt ergo Pe-* Cap.20.
trus, & ille alius discipulus, (de seipso loquitur
Ioannes) *& venerunt ad monumentum: curre-*
bant autem duo simul, & ille alius discipulus præcu-
currit citius Petro, & venit primus ad monumen-
tum: & cum se inclinasset, vidit posita LINTEA-
MINA, non tamen introiuit. Venit ergo Simon Pe-
trus sequens eum, & introiuit in monumentum,
& vidit LINTEAMINA posita, & SVDARIUM,
quod fuerat super caput eius, non cum lintheamini-
bus positum, sed separatim inuolutum in unum lo-
cum. Tunc ergo introiuit & ille discipulus, qui vene-
rat primus ad monumentum; & vidit, & credidit.
Ecce sudarium capitis, & alia lintheamina, de qui-
bus etiam indeterminatè Lucas: *Petrus autem sur-* Cap.24.
gens cucurrit ad monumentum, & procumbens vidit
lintheamina sola posita, & abiit secum mirans quod
fuerat factum. Verbum *LIGAVERUNT* apud Ioan-
nem, *FASCIAS* indicat, siue *INSTITAS*, quas ex- Cap.19.



pressè memorat in funere Lazari: *Et statim prodijt, qui fuerat mortuus, ligatus pedes & manus institis, & facies eius sudario erat ligata.* Quia verò addit Ioannes, *ligauerunt linteis*; meritò dubitari potest, num idipsum sint *instita*, quod *linreamina*; & an in Christi funeratione, præter *institas*, alia adhibita sint *linreamina*, quod puto probabilius, & fauet S. Augustinus: *Neque hic repugnat quidquam rectè intelligentibus*, (inquit) *nec enim illi* (Matthæus, Marcus, & Lucas) *qui de Nicodemot acuerunt, affirmauerunt à solo Ioseph Dominum sepultum, quamuis solius commemorationem fecerint: aut quia illi vnâ sindone à Ioseph inuolutum dixerunt, propterea prohibuerunt intelligi, & alia lintea potuisse adferri à Nicodemo, & superaddi; vt verum narraret Ioannes, quòd non vno linteo, sed linteis inuolutus sit: quamuis & propter sudarium, quod capiti adhibebatur, & institas quibus totum corpus alligatum est, quia omnia de lino erant, etiamsi vna sindon ibi fuit, verissimè dici potuit, ligauerunt eum linteis: lintea quippe generaliter dicuntur, quæ lino texuntur.* Hæc Augustinus pro linteorum pluralitate: de quâ nos infra plura; vt & de fascijs, sudario, sindone, ac totâ Dominicæ sepulturæ serie & ritu.

CAPVT V.

*Sindonis ac Sudarij ἔτυμον & significatio multiplex:
utrumque ad funera traductum.*

SCIO geminas has voces *Sindonem* & *Sudarium*, promiscuè sumi ab Auctoribus: quæ tamen strictè consideratæ, diuersa habent ἔτυμα & significationes. Sindonis ἔτυμον hauriunt Grammatici à Sidone, maritimâ Palæstinæ vrbe, quòd in eâ primùm Sindon cœperit fieri. Iustinus eam Lib. 18. vrberem à piscium vbertate sic dictam censet, *quia piscem* (inquit) *Phænices Sidon vocant.* in nummo veteri Annæ Faustinae nominatur COL. AVR. PIA. METROPOLIS. SIDON.

Significatus Sindonis varius est, & multiplex. & quidem primò, quoduis lineum textum, quod velaret & amicaret, dictum est sindon. Baysius ex Polluce docet, sindonem esse *amictum ex lino Ægyptiaco*. Isidorus strictiùs capit: *Anaboladium sic dictum*, inquit, *amictorium lineum feminarum, quo humeri operiuntur, quod Græci & Latini sindonem vocant.* Alij pro integro vestimento capiunt; vt Strabo, qui scribit *Indos sindonibus candidis, & car-* Lib. 15. *basis uti, contrà quàm ab his tradatur, qui dicunt eos vestes coloribus infectas gestare.* Glossæ veteres: Σινδών,

δὼν, *tunica lineæ*. Galenus: Μὴ γυμνὸς κομιζέσθω, ἀλλὰ
 Ἰππεβλημύθ' σινδόνα μὴ ψυχρὰν, ἢ ἕτερον Ἰππελη-
 μα. *Ne nudus feratur, sed opertus sindone non frigida,*
vel alio vestimento. Martialis, de Endromide Se-
 quanica:

Lib. 4.

*Ridebis ventos hoc munere tectus et imbres,
 Nec sic in Tyriâ sindone tutus eris.*

Theod. &
Pall.

Hinc in Historiâ Lausiacâ, inuenies Patrē quem-
 dā, *Serapionem*, cognomine *Sindonitem*, quòd lineâ
 veste tantum tectus obambulet. Denique narra-

Cap. 14.

tur in Marci Euangelio, quòd cùm militum co-
 hors ad radices montis Oliueti Christum oran-
 tem inuasisset, discipuli omnes relicto eo fugerunt;
 & qui sequebatur eum adolescens, Ἰππεβλημύθ'
 σινδόνα Ἰπ γυμνῶ, *amictus sindone super nudo*, cùm te-
 neretur à militibus, eâ relicta nudus aufugit. Hunc
 fuisse Ioannem Euangelistam, volunt Ambrosius,
 Gregorius, Beda, & alij Patres. *Ille autem cœnato-*

Anno 34.
n. 39.

riâ veste adhuc indutus erat (inquit Baronius) qua
 solebat esse sindon, eademq̃, proluxa, ut meritò fugam
 arripiens abiecerit eam adolescens ille, existimatus
 Ioannes; qui quòd, ut creditur, mœrore oppressus non
 recepisset vestimenta sua, ut erat in mensâ, remansit
amictus sindone super nudo. Transijt quoque sin-
 don ad funera, ita ut esset linteum sepulchrale ad
 cadauera non secus atque vestimento tegenda &
 inuol-

inuoluenda. Herodotus de Ægyptiis: *Vbi abluerunt corpus, sindone byssinâ, incisus loris totum inuoluunt.* Lib. 1.

Sudarium Nonnus Poëta Græcus vocem Syriacam esse dixit, nec immeritò; nam in libro Ruth, vbi-Hebræus habet, *חֲבִי הַמִּטְפָּחַת* *Hauī hammitpabat*, dato linteum; Chaldæus dicit, *חֲבִי סוּדָרָא* *Hauī sodara*. Alij passim omnes Latinis tribuunt, quod apud ipsos clarius sit vocis etymon; *sudare* enim & *sudarium* affinia sunt. Ergo *sudarium* vocant *lintheum quoduis*, quod *suda* siue *sicca reddit corpora*, *sudorem detergendo*. Inclino in sententiam Nonni; etsi nihil vetat idem vocabulum duabus linguis natium esse, vt asserunt quidam de nominibus *Missa, sephas, Iesus, & Pascha*. In Iosm. cap. 11. & 20. Cap. 3. v. 15.

In Mediâ comœdiâ *σῦδαριον* vocatur *καψιδάριον*, quasi *sudorem absorbens*. vetus etiam Onomasticum habet, *sudarium, καψιδάριον*. Apud Quintilianum *Vatinius reus, agente in eum Caluo, sudario candido frontem deterisit*. Et apud Tranquillum Nero plerumque prodiit in publicum, ligato circa collum sudario; tum aliò, tum forsan ad sudatoria perrecturus, vbi ferè loco strigilum vsurpata sunt sudaria: quæ Martialis linteorum nomine comprehendit, vbi de strigilibus ferreis: Cap. 5. r.

*Pergamus has misit curuo distringere ferro,
Non tam sapè teret linteas fullo tibi.*

D

Dio

Ad Ag-
nium.

Dio in Nerone , pro eo quod Suetonius *sudarium* dixit, extulit *συνδόνιον*, quod est idem atque linteum tenue , quia erant texta lino sudaria . Catullus vtrumque sumit indiscriminatim , quando petens surreptum linteum, ait:

— *mihi linteum remitte,*
Quod me non mouet astimatione,
Verum est συνδόνιον mei sodalis:
Nam sudaria Setaba ex Iberis
Miserunt mihi muneri Fabullus
Et Veranius: hoc amem necesse est,
Et Veraniolum meum, & Fabullum.

Epist. 2.

Setaba vocabantur sudaria , à Setabi oppido Hispaniæ, in edito monte Regni Valentini sito, nunc dicto *Xatua*, cui olim in Europâ, lini palma. Sudarium quod ori maximè tergendò paratum esset, dictum est etiam *Orarium*. Hieronymus: *Non absque amictu lineo incedere laudabile est: ridiculum est, referto marsupio, quòd sudarium orariumque non habeas gloriari.* Etymologicum sic habet: *Ὁ ἐγχείριον, φώσων, φωσώνιον, ὡς ὅτι ἐκ λευκοῦ γένεον.* *Orarium, velum linteum, linteum quo facies detergitur, mantile vultus.* Alcuinus mappulam Sacerdotum , quâ pituitam oculorum & narium detergent, vocat *sudarium*. Gemma animæ: *Sacerdos fanonem in sinistrum brachium ponit, qui & mappula, & sudarium*

De Dia.
off.

rium vocatur. Durandus in Rationali: *Sudarium* Lib. 3. cap. 16.
est lineus pannus, quem ministrans Episcopo semper
paratum habet, quo ille sudorem & omnem su-
perfluum corporis tergat humorem. *Sudarium, quo*
Christus Dominus in monte Oliueti sudorem
sanguineum deterfit, in summâ veneratione habe-
tur in Monte sancto Bauariæ. Iam *sudarium* in re
funebri vsurpat Ioannes in Christi & Lazari se- Cap. 11. & 10.
pulturâ, & alij communiter, vt ex sequentibus ali-
quot Capitibus planum erit.

CAPVT VI.

Sudarium Vefontinum videri illud ipsum de quo
mira narrat Beda, quôdque à Virgine Deiparâ
in Filij sepulturam concessum dicitur: primi eius
possessores.

DE sudario quod fuerat super caput Christi,
 hæc Venerabilis Beda, libro de Locis sanctis Cap. 5.
 ab ipso conscripto, ex relatione Arnulphi Episco-
 pi, quem iisdem ferè diebus, quibus hæc gesta sunt,
 loca sancta visitasse testatur: *Sudarium capitis Do-*
mini, post resurrectionem eius, mox Christianissimus
quidam Iudæus furatus, vsque ad obitum diuitiis sibi
affluentibus habuit; qui moriturus interrogat filios, qui
Domini sudarium, qui ceteras patris velit accipere re-
liquias:

liquias : maior thesauros rerum , minor elegit sudarium : & mox illi decrescunt opes usque ad paupertatem ; fratri autem cum fide crescunt & opes , quod usque ad quintam generationem fideles tenuere. Hinc ad impios perueniens , diuitias tantum auxit , ut Iudæis , & hoc multo tempore : donec post longa litigia , quibus Christiani Iudæi se Christi , infideles vero se patrum suorum affirmabant heredes ; Mahumias Sarracenorum Rex , qui nostrâ ætate fuit , Iudex postulatur , qui accensâ grandi pyrâ , Christum iudicem precatur , qui hoc pro suorum salute super caput habere dignatus est. Missum ergo in ignem sudarium , veloci raptu effugiens euolat , & summo in aëre diuissimè quasi ludendo volitans , ad ultimum , cunctis utrimque intuentibus , sese leniter in cuiusdam de Christianâ plebe sinum deposuit ; quod manè mox totus populus summâ veneratione salutabat , & osculabatur . habet autem longitudinis pedes octo. Hæc Beda. Incombustibilem facri sudarij virtutem , non aliunde promanasse arbitror , quàm imputribilem ligni sanctæ Crucis qualitatem ; quam de illius carnis sanguine bibisse ait S. Paulinus , *qua passa mortem non vidit corruptionem*. Non absimile miraculum (quod Baronius refert ad annum M. XIV.) narrat Leo Ostiensis de linteo , quo Christus præcinctus pedes discipulorū terfit. *His diebus* (inquit) *Monachi quidam ab Ieroso-*

1014.

Chron.
Cass. l. 2.
cap. 31.

Ierosolymis venientes, particulam lintei cum quo pedes discipulorum Saluator extersit, secum detulerunt; & ob reuerentiam sacri huius loci (Cassinenfis Monasterij) hic deuotissimè obtulerunt, sexto Idus Decembris. Verùm cum plurimi fidem derogarent, illi fide præditi particulam istam ardentibus imponunt prunis; qua mox in colorem ignis versa est, amotis tamen carbonibus, ad pristinam speciem admirabiliter redijt: cùmque cogitarent quomodo vel ubi pignora tanta locarent, dispositione Dei contigit, vt eodem die mitteretur huc locus ille mirificus, ubi nunc condita est lintei ipsius particula, argento & auro gemmisq; opere Anglico subtiliter & pulcherrimè decoratus.

Sudarium Vefontinum credimus esse illud ipsum de quo Beda: & quamuis nullis antiquorum historiis satis probari possit, quomodo ab illo sæculo, quo inuictum flammis apparuit, ad Vefontinos denique deriuatum sit; ratione tamen ducimur, quæ viris iudicio præditis non videbitur parui momenti; nempe quia Sudarij Vefontini longitudo & celebritas, Bedæ narrationi apprimè quadrant. Sudarium illud Bedæ, longum fuit pedes octo, vt est etiam Vefontinum; & eam fuisse sepulchri Domini longitudinem, asserit Adrichomius. Longitudo verò Sindonis Taurinensis est pedum duodecim: quo fit, vt mihi probari non

possit sententia Palæoti, qui eam Sindonem dicit esse Sudarium capitis Saluatoris, de quo egit Beda, cum longitudinum diuersitas contrarium euincat; neque enim octo pedes, etiam Anglicani, (de quibus fortasse locutus videri possit Beda) æquare possunt longitudinem Sindonis Taurinensis, quamuis ea tantum esset duodecim pedum communium. Cum ergo illud Christi Sudarium octo pedes longum, quod è medijs flammis diuina virtus eripuerat, ex eo tempore perijsse non sit credibile; neque aliud in Ecclesiâ Dei reperiatur huius mensuræ, cuius celebritas & sanctitas priscis illis quæ Beda refert miraculis respondeat, præter Vefontinum; vehementer adducimur vt existimemus; illud ipsummet Bedæ æuo celebre Christi Sudarium, ex alijs in alios, ad Vefontinos denique peruenisse. Primos eius possessores Beda facit Iudæos, qui in Christum credidissent; atque vsque ad quintam generationem: exinde infideles, vsque ad tempora Mahuuiæ Sarracenorum Principis, quem Baronius refert anno DC. LXXVIII. vitâ functum, Gizid filium suum Regni heredem reliquisse.

Ann. 678.
a. 16.

Nec verò etiam temerè quis existimet, hoc ipsum esse Sudarium, quod ad Christum honestè
15. Aug. & piè componendum, refert Metaphrastes bea-
tam

tam Virginem genitricem porrexisse Iosepho funeris curatori. *Mortuum videns Filium* (inquit) *eo motu animi usa est, ut oportuit; quin etiam in eo de cruce deponendo maternis manibus inferuiuit, & clauos qui extrahebantur in sinu suo accepit, & membra illius amplexa est, partim quidem vlnis astringens, partim suis lacrymis plagas emundans: deinde tota toti corpori circumfusa, Ecce tibi ab omni saculo prafinitum mysterium ad finem usque venit, ô Domine, placidâ voce dixit: & Iosepho in manus tradens SVDARIVM, ait: Tibi autem deinceps cura erit ut sepulchra tradens, hoc eum honestè componas, myrrhâ condias, & ei iusta facias.* Hæc Metaphrastes, cuius auctoritate ex antiquioribus desumpta monumentis vtitur Baronius.

Anno 34.

Neque textile illud munus per beatissimam Virginem solum concessum credimus, sed & fuisse monumentum manuum eius non immeritò suspicamur: illa quippe (vt est in Prouerbijs) *quæ* Cap. vii.
fuit lanam & linum, & operata est consilio manuum suarum.

*Cum primum dulces infans proferre loquelas
Cæpit, & aduersis vestigia figere plantis;
Mater ei tunicas habiles ordita nouumq;
Vestis opus niueo puerum velauit amictu,
Suspiciensq; polos, inquit, Date Numina vesti
Incre-*

Bapt.
Mant.

*Incrementa mea pueri cum corpore semper
Crescat, & ad sanctos vltro se accommodet artus:
Non gladium tineamve ferat non trita senectæ
Cedat, & hæc nostri durent monumenta laboris.*

Inconfutilem enim tunicam Filij, operâ mirabili
texuisse creditur; nec non lineam eius adhuc pueri
subuculam consuisse, quæ è crassiore lino facta,
Romæ seruatur in æde sacrâ S. Ioannis Latera-
nensis. *Aliud quoque à Sudario capitis Domini ali-*
quantò maius linteum fertur ab ipsâ contextum, duo-
decim Apostolorum, & ipsius Domini continens ima-
gines, vno latere rubro, & altero viridi. ex venerabili

Loc. cit. Beda. Ἀρχαῖον eius, siue

— quem pollice torquens

Libratum tereti versabat turbine fusum,

Lib. 14.
cap. 2.

Pulcheria Augusta soror Theodosij collocavit
olim in templo τῷ Ὁδηγῶν, auctore Nicephoro. Et
in oppido Aduaticorum Huo, seruatur etiamnum
eiusdem B. Virginis glomus, filo sacris digitis di-
ducto & presso decorus. ita vt non temerè credi
possit, eam, quæ inter Ægyptios λινέργης καὶ λινο-
πλόκῳ vixerat aliquamdiu, obnubendo filio sepul-
chrale sudarium proprijs manibus laborasse; vel
saltem è linteo duplici, acu sacrâ per medium
consuisse; sic enim confectum cernitur Vefontio-
ne, futurâ per medium excurrente. Et sanè moris
fuit

fuit antiquissimi æui matronis, vela funebria texere propinquis & amicis. Penelope apud Homerum Laërti Heroi texuit simile linteum : & pretiosissimas vestes defuncto Pallanti,

—— *lata laborum*

*Ipsa suis quondam manibus Sidonia Dido
Fecerat, & tenui telas discreuerat auro.*

C A P V T V I I.

Novatorum sanña & argumentum duplex in sacra Christi sudaria : Vesontinum sudarium cur institutarum notas non habeat. Exhibetur Lazarus suscitatus, vinculis nondum solutus.

VBIQUE proiectus ad calumnias Calvinus, in Christi præcipuè & Sanctorum reliquias virum suum euomuit. De sindone siue sudario Christi ita loquitur : *Ex hoc modo (sepulturæ Iudaicæ) luce clariiores fiunt impostura Papistarum : ostendunt enim linteum, in quo effigies integri hominis, unà cum capite impressa appareat. at sindon tegumentum corporis, solum Christi corpus tegebat, usque ad caput. unde ergo, vel à quo effigies illa cum capite; cum Christi caput non hac sindone, sed sudario fuerit velatum? Mirum quàm hoc argumento Calvinus exultet, insultetque Catholicis sacrorum Sudariorum cultoribus.*

ribus. Addunt alij eiusdem farinæ, institas quoque debuisse in sindonibus repræsentari; quippe Iudæi soliti sunt mortuorum manus ac pedes, tænijs quibusdam ac fasciis siue institis religare, vt clare exprimitur in Lazari sepulturâ: *Et statim prodijt, qui fuerat mortuus, ligatus pedes & manus institis, & facies illius sudario erat ligata.* Ab his omnibus se expedit Pingonius, pro Sindone Allobrogicâ pugnans, dum ait, eâ non fuisse inuolutum Christi corpus in sepulchro, iam ablutum & perunctum, sed tantum cruentum, & de cruce recens depositum, ante pollincturam. Et verè hoc quidem ille, vt infrà pluribus confirmabo. Nobis verò de Sindone Vefontinâ, quam in sepulchro fuisse dicimus, incumbit explicare, quomodo caput simul cum reliquo corpore exhibeat, nullas autem ostendat institas, quibus manus pedesque reuincti sint. Et quidem Gretserus videtur ad miraculum confugere, etsi illam quoque quam Calvinus objicit sepulturæ Iudaicæ formam, in dubium reuocari posse asserit. *Sed demus* (inquit) *id quod Calvinus tamquam certum sumit, Sindonem seu corporis inuolucrum, ad solum vsque caput pertinuisse, solumque sudarium, totius capitis tegumentum fuisse, de quo fortassis aliquis non immerito dubitet: sed tamen demus hoc; an putat Calvinus Christum vel resurgentem,*
vel

Ioan. c. 11

1. de Cru-
cec. 85.

*vel in sepulchro iacentem, tanta non fuisse potentia, ut sindoni totam suam effigiem imprimeret, licet totum corpus sindon non complecteretur? Fortè Calvinus crassâ quadam cogitatione ductus sibi persuadebat Christum esse similem plastis & fictoribus, qui ut ceram imagine alicuius insigniant, necesse habent totum exemplar cera applicare; vel pueris, qui totam corporis speciem dum in niue effigiare volunt, totum quoque corpus niui superinijciunt. Hæc ille, & magnâ ratione: non enim metienda est modulo nostro diuina virtus; & cùm certum sit, aliquid miraculi interuenisse in illâ sacrorum linteorum ad totius corporis similitudinem delineatione, tam facile Christo fuit plura simul edere miracula, quàm vnicum. Quia tamen in rebus fidei ac religionis, non sunt nisi ex necessitate inuehenda miracula, maximè ut illorum imbecillitati consulatur, qui sunt *tardi corde ad credendum*, etiam in mysterijs ad salutem necessariis; duo mihi declaranda suscepi, quibus impiarum ratiocinationum tota vis infringatur: alterum, institas, siue fascias sepulchrales, in sepulturâ Iudaicâ non extremis manibus dumtaxat & pedibus religatas fuisse funiculorum instar, sed totum cadauer, vno capite excepto, complecti solitas, & circum illud conuolui: alterum, quòd sudarium capitis, ex ritu funeris Iudaici, totam ante-*

36 DE LINTEIS SEPVLCHR. CHRISTI
riorem corporis partem obtexerit. De hac posteriore quæstione agam capite sequenti ; nunc de priore.

Igitur, quòd fasciæ sepulchrales, siue institæ, toti corpori circumuolutæ sint, planè sicut fasciæ infanti in cunis iacenti circumduci solent, indicat Herodotus in Euterpe. Λέγαντες, inquit, τὴν νεκρὸν, κατελίοντο πᾶσι αὐτῷ τὸ σῶμα συνδόνει βυσσίνης, τελαμῶσι καὶ ἀτεμνυμένοι. *Mortuum ubi abluerunt, totum corpus eius in sindone byssinâ, incisís lorís, obligant.* Hæc ille de Ægyptijs, ex quibus plerisque ritus suos hausere Iudæi : & significat non obscurè

Cap. 19. S. Ioannes, ubi dicit : *Acceperunt ergo corpus IESU, & ligauerunt illud linteis cum aromatibus, sicut mos est Judæis sepelire.* Ecce non pedes tantùm, aut manus, sed corpus ligatum dicit ; & quidem non angustis tænijs, & quasi funiculis, sed linteis ; nempe fascijs sepulchralibus, iustæ latitudinis, ex linteis, seu lineâ telâ in longum recto filo abscissâ. Firmat Augustinus loco iam suprâ citato : *Propter sudarium*, ait, *quod capiti adhibebatur, & institas, quibus totum corpus alligatum est.* Non ergo manus solæ cum pedibus, institis colligari solitæ.

Sed quid ad illud Ioannis de Lazaro, qui voce
Cap. 11. Christi excitatus, statim prodijt ligatus manus & pedes institis ? hic vnus locus plerosque omnes mouit,

vt

ut Iudaico ritu manus pedesque extremos proprijs vinculis seorsim à corporis trunco colligari solitos existimarent: sed propiùs intuenti aliud omnino videbitur; non enim mihi dubium est, quin institæ seu fasciæ, etiam Lazaro cum manibus pedibusque totum corpus adstrinxerint, ut pueris, qui fascijs inuoluti, Plinio dicuntur *iacere manibus* Proem. lib. 7. *pedibusque deuinctis*. Nonnus de Lazaro:

— καὶ ἐν ποδὸς ἄχευ καρήνεν

In Ioan.
cap. 11.

Σφιγθῆναι πλετῆσιν ὅλον δέμας εἶχε κερείαις:

Es à pede ad caput usque, habebat totum corpus constrictum nexilibus institis, seu fascijs sepulchralibus. Quid clarius? sciebat scilicet Nonnus vetustus Auctor, quas institas ad manus & pedes Iudaica consuetudo admitteret; nimirum quæ manus ad truncum complicatas, simul cum reliquo corpore, adeoque crura ipsa ac pedes inuoluerent. Cur ergo cum totum corpus fascijs constrictum esset, manuum dumtaxat ac pedum meminisse voluit Ioannes? quia id solum exprimi par erat, ut noui miraculi constaret ratio. Bina in Lazaro suscitato illustria miracula agnoscunt Patres, & quòd iam quartum diem mortuus reuixit, & quòd vocatus à Christo, victis licet manibus & pedibus, statim prodijt. *O maximum*, inquit Euthymius, *ac duplicem miraculum: non solum qui iam olebat resur-*

rex,
E 3

In Homil.
de Gratia-
rū actio-
ne, To. 1.

*rexit, sed etiam quī vinctus erat exiuit de monumen-
to.* Et S. Basiliius, Ο νεκρὸς, inquit, ἐξωποικίτο, καὶ ὁ
δεδεμμένον ἐπεπάτει. Θαύμα ἐν θαύματι, καὶ οὐκ ἐ-
δέωξεν τὰς πόδας, καὶ μὴ κωλύεσθαι τὴν κίνησιν. *Ecce
mortuus à morte rediuiuis fit, ligatus quoque ambu-
lat. Admirare miraculum in miraculo; pedes institis
habebat vinctos, neque interim à motu prohibebatur.*
Aptissimè igitur S. Ioannes de pedibus tantum
& manibus Lazari vinctis meminit, quia à corpo-
ris trunco fascijs ligatum egredi de monumento
mirum non fuit: at surgere in pedes, & à tumulo
exilire, manibus ac pedibus constrictis, id enim ue-
rò insolens fuit, & *miraculum in miraculo*, vt ait Ba-
siliius: quia ne viuus quidem & firmis viribus, si
toto corpore iaceat, artubus ligatis eriget se vm-
quam in pedes, cū ad surgendum varia manuum
pedumque iactatio ac libratio necessaria sit, vt
docet experientia, & probant mechanici. Addo
rem in hoc negotio magnà obseruatione dignam.
Apud eruditos, per manus & pedes, artus integri
intelliguntur. Χειρ Hippocrates & Galenus di-
uidunt in brachium, cubitum, & ἀπὸ χειρὸς, siue
extremam manum; pedem autem in femur, ti-
biam, & ἀπὸ πὸς, seu pedem extremum. Ergo
Lazarus ligatus *manus & pedes institis*, hoc est, *to-
tos artus superiores & inferiores.* at quomodo quæso
artus

artus integri ligari potuerunt, nisi truncus quoque corporis ijsdem fascijs coërcitus est? Sensum nostrum iuuabit hæc pictura, Lazarum voce Christi suscitatum, & vinculis nondum solutum exprimens.



IESVS voce magna clamat, Lazare veni foras. et statim prodijt, qui fuerat mortuus, ligatus pedes et manus iunctis, & facies eius sudario erat ligata. Jon. n.

Ad illud igitur quod aduersus Vefontinum Sudarium affertur, nego institas in eo notari debuisse, aut

40 DE LINTEIS SEPVLCHR. CHRISTI
se, aut etiam absque nouo miraculo potuisse; cùm
nec solos, nec nudos pedes extremos, manûsve
adstrinxerint, sed toti corpori, quibusdam iam
vtrunque linteis obtecto, circumuolutæ sint.

C A P V T V I I I.

*Sudarium Vefontinum esse illud ipsum, quod S. Ioan-
nes dicit fuisse super caput Domini.*

IAM illud videmur non contemnendis conie-
cturis assecuti, Sudarium Vefontinum esse illud
sudarium capitis Saluatoris, de quo mira refert
venerabilis Beda, quodque ait longum esse pedes
octo. Sed ridebit Calvinianus & Bedam & Ve-
fontinos: illum, quod tam longum linteum puta-
uerit soli Christi capiti adhibitum; hos verò insu-
per, quod linteum, anteriorem totius Christi cor-
poris partem referens, pro capitis sudario osten-
tent, cùm sudarium capitis in sepulturâ Iudaicâ
non nisi caput obuelarit, vt ex Ioanne manifestè
haberi videtur, qui vndecimo capite de Lazaro,
& facies illius, inquit, sudario erat ligata. & capite
vicesimo: *Et introiuit in monumentum, & vidit lin-
teamina posita, & sudarium quod fuerat super caput
eius, non cum linteaminibus positum, sed separatim
inuolutum in vnum locum.*

In

In hac causâ, quæ Bedæ cum Vefontinis communis est, duo habeo quæ dicam, ex quibus constet nec illum ineptè locutum, nec hos insulsè ratiocinatos. Primum est, in sepulturâ Iudaicâ fuisse sub institis lintheamina quædam toti corpori partim substrata, partim superextensa, super quæ fasciæ adstrictæ sint; non autem ipsas institas nudo corpori circumductas. Hoc indicant Ioannes & Lucas, qui de lintheaminibus, etiam à capitis sudario distinctis meminerunt, quæ non satis commodè quis explicet de solis institis; quamvis dixerit Ioannes, *ligauerunt illud lintheis*: hoc enim non tam sonat, *ligauerunt illud fasciis ex lino*, seu *lineâ telâ*, quàm, *corpus lintheis & sudariis comprehensum institis obligarunt*; alioqui Ioannes illis verbis sepulturam Christi non satis aptè explicasse videretur; ait enim, *acceperunt ergo corpus IESU, & ligauerunt illud lintheis, cum aromatibus, sicut est mos Iudæis sepelire*. Sepulchrales omnes pannos vnâ *lintheorum* voce exprimit: non ergo per *linthea* solas institas significat, sed & *sudarium*, cuius ipsemet expressè meminit capite vigesimo; & *sindonem*, hoc est vnum aut plura lintheamina, quæ totum corpus sub institis obtegerent. Nonnus, quæ Ioannes appellat *lintheamina*, vocat ipse *λαφίας ὀθόνας*, & *λινθεὺς χιτῶνας*, In Ioan.
cap. 20. *sepulchralia linthea*, *lineas tunicas*, siue *amictus*; quæ

F postre-

postrema vox de institis etiam lineis accipi non potest, nisi valdè improprie. Age verò, quí fieri potuit vel commodè satis, vel satis honestè, vt nudo cadaueri fasciæ circumuoluerentur? num periculum fuit, si solæ institæ adhibitæ sunt; ne quid intectum in corpore remaneret? Omnino, cum pleræque gentes, ac nominatim Ægyptij, Herodoto teste, totum cadauer sindone ac linteis omni ex parte conuestierint. Quin id quoq; à Iudæis factitatum sit, nemo iure dubitauerit, idque sub institis, quæ ad coërcenda potiùs linteamina, totum corpus obtegentia, quàm ad corpus ipsum operiendum excogitatæ sunt.

Alterum addo, linteum illud, quod totam superiorem corporis iacentis partem à capite ad pedes obtegeret, rectè dici posse *sudarium capitis*, aut *faciei*. Docet Pollux in Onomastico, *sudarium* quandoque dictum priscis ἡμιτύμβιον; talemque videri sententiam fuisse Aristophani dum dixit: Ἐπὶ τῇ καθαρῇ ἡμιτύμβιον λαβὼν, τὰ ἐλέφαρα περιέψης: *Deinde mundumprehendēs semitymbium, palpebras deterfit.* ita interpres Pollucis penuriâ Latine vocis: quam si finxeris, ἡμιτύμβιον audacter verteris *semisepulchrale*; quasi dicas, linteum alteram tantum cadaueris partem contegens in sepulchro. Sed cur *sudarium capitis & faciei*? certum est, bonis

nis Auſtoribus caput præcipuam animæ ſedem, pro toto homine plerumque ſumi, & caput nōmine frequenter homines venire, quia (vt ait Ambroſius) *totus homo in capite reſidet*. Inter Græcos Libris Hexæm. Sophocles dixit φίλῳ τὸν κάρα, Plutarchus φίλας κεφαλὰς, Homerus θείην κεφαλὴν, Synefius ἱερὰν καὶ θείαν κεφαλὴν, Virgilius *dulce caput*, alij Latini *charum caput*, *feſtiuum caput*, *lepidum caput*; haud dubiè pro toto homine: *nemo enim ore contempto* (ait In Terēt. Donatus) *ex aliis membris hominem velit ſignificare*.

Sed propiùs: Anatomici caput humanum in duas partes diuidunt, capillatam vnā, τριχωτὴν, glabram alteram, ὤψωπον: illa ſincipite, vertice, & occipite conſtat; hæc, facies eſt, (quam Ruſſus Ephēſius ab exordio anterioris capillitij ad mentum vſque definiuit) ſoli homini conceſſa, per quam Deo ſimilis eſſet. In homine viuente & recto, partes capitis capillatæ ſunt ſuperiores, & ob eas Veſtales Virgines, & matronæ ſacris operantes, rectè dictæ ſunt *velari*, & capita earum *velamine tegi*. Veſtalis velatæ typum habes in gemmâ veteri, apud Gutherium: Auguſtarum tectis Lib. de Iure Pont. peplo verticibus, in nummis Liuiæ, Paulinæ, & Fauſtinæ vtriuſque: etiam Neronis Poppæa, Tac. 14. Annal. *cum egrederetur in publicum, velabat partem oris, ne ſatiaret aſpectum, vel quia ſic decebat*. De Iudæis id notat

Tertullianus: *Apud Iudeos tam solemne est feminis earum velamen capitis, ut ritè dignoscantur.* Virgines Deo sacratæ flamine Virginali sanctum operiebant caput, Hieronymo auctore, & aliis, De *ῥεχῶτες* in Sacerdote operto, Virgilius disertè:

Ep. 8. ad
Demetr.

3. Æneid.

Purpureo velare comas adopertus amictu.

Verùm in mortuis, & iacentibus supinis ad pol-
lincturam, ratio longè diuersa est; facies enim est
suprema, cæloque illuminatur, donec tegatur fun-
nebri peplo. Hinc Lazari resurgentis faciem Ioan-
nes appositè dixit *sudario ligatam*: & alibi de Chri-
sto, *Petrum uidisse sudarium, quod fuerat super caput
eius*, hoc est, super faciem eius, partem capitis in
iacente superiorem, potiore & nobiliorem.
Namque obseruandum est ex allatis, operimenta
ῥεχῶτες, propriè dicta fuisse *vela*, & *velamina*; *δεσ-
ῶτες* autem *sudaria*. Velum Veronicæ, postquam
ex eius capite detractum est, & vultui Dominico
admotum, illicò vocatum reperies *sudarium*. Ve-
lum capitis, quod Plautilla Paulo Apostolo ad
mortem properanti porrexisset traditur, quo fe-
riendus gladio, ex more obduceret oculos, expleto
ministerio, illud ipsum nomine *sudarij* recepit;
quia scilicet Apostoli faciem tetigisset. sacrum
mantile, quod suo vultui Christus applicuit Edes-
senorum Regi mittendum, exinde dictum est *su-
darium*.

Baronius
anno 69.
n. 10. & 13.

In lectum imponentes, linteo subtili texerunt

A capite usque ad pedes, desuper autem albâ veste.

Forſan & de ſimili velo capiendus eſt Senecæ locus in Conſolatione ad Marciam: *Tiberius Caſar pro roſtris laudauit filium, ſtetitque in conſpectu poſito corpore, interiecto tantum velamento, quod Pontificis oculos à funere arceret.* Funebria eiufmodi velamenta priſcis fuiſſe ſymbola noctis & mortis, ex anti-

Ann. 337
n. 19. 20.

quis marmoribus probauit Baronius: ego in ſardâ veteri expreſſam habeo feminam ſtolatam, quæ manu ſiniſtrâ velum prætendit, dextrâ inuerſam facem extinguit, hoc pacto. Per id velum, non modò dici finem, quo caligo terris inducitur, ſed & lucis vitalis terminum ſignificari puto; maximè cùm auctor ſit Pauſanias, mortem eſſe noctis *παῖδα*

Lib. 5.

λαβὼν, puerum album; planè quòd abſente animâ corpora palleſcant; quodque albo linteo mortui contegantur, quale hæc femina præfert in gemmâ.

Stringo in aperto campo. Dixi, ſudarium capitis & faciei dici poſſe, quod anteriorem & ſuperiorem reſupini corporis partem à vertice ad calcem obtegeret: habe alias rationes duas; quia ea ſolùm linteipars extabat ſupra inſtitas in cadauere com-
poſito,



posito, quâ caput velatum erat: & quia sudarium caput totum complectens à collo religabatur: Lazari facies *sudario erat ligata.* & pro illo Ioannis, *sudarium quod fuerat super caput eius, reddit Testamentum Syriacum, quod ligatum fuerat in capite eius, siue, vt habent Biblia Regia, quo comprehensum fuerat caput eius.* Sic igitur Christi corpus inuolu-



Acciperunt corpus Iesu, & ligauerunt illud linteis cum aromatibus, sicut mos est Iudæis sepelire. Ioh. 19.

tum

tum puto: postquam lotum, & vnguentis delibutum est, substratum est sacro corpori linteum vnum, aut plura; iacenti ac resupino proximè superpositum sudarium, quod habetur in Ecclesiâ Vefontinâ. Alia fortassis adhuc adiecta linteamina, quæ anteriorem corporis faciem operirent: circumuolutæ deinde institæ à collo adusque imas calces: illa denique sudarij Vefontini pars, quæ à capite eminebat, vultum caputque totum complexa, tænijs ad collum religata est; & ob eam rem, hoc sudarium capitis & faciei dictum, quod Petrus monumentum ingressus vidit separatim inuolutum in vnum locum; quod Beda dicit fuisse pedes octo longum, quo nunc Vefontina Metropolis gloriatur. Neque quidquam prohibet, quò minùs supra Vefontinum sudarium, alia quoque linteamina adiecta sint, quæ etiam caput obuelarint, & toto corpore extensa sub institis coercita sint, quæ fortassis asseruantur in varijs Ecclesijs, de quibus alio loco.

Græci Sacerdotibus mortuis (vt est in Euchologio) faciem velabant aëre, hoc est breuiori velamine, quo in Mifsâ τὰ ἄγια, panis scilicet & vinum ad futurum sacrificium tegebantur. Corpus Caroli Magni defuncti *vestitum est vestimentis Imperialibus, & sudario sub diademate facies eius operta,*

ex

ex Monacho Engolismensi. Et non absimilem in morientibus superinducti minoris panni morem

In Vita
Caroli.

notauit Gregorius. *S. Cassius Narniensis urbis Episcopus moriturus*, inquit, *assistentibus ipse suis manibus linteum dedit*, quod ex more morientium sibi

Hom. 37.
in Euang.

contra faciem tenderetur: quo tenso spiritum emisit; sicq; sancta illa anima ad gaudia aeterna perueniens, à carnis corruptione soluta est. Sic affirmare nolim non fuisse breuius aliquod linteum, seu mantile foli capiti Christi velando vltimò omnium & extrinsecus adhibitum, quod fortasse habent Moguntini, vt infrà referam ex Serario: sed nego vllo Scripturæ vel probi Auctoris testimonio hoc satis probari; cùm quidquid de sudario capitis legimus in Euangelio, rectè possit explicari de linteo, quod supra totam anticam corporis partem immediatè extensum, ad caput religatum, supra institas extabat. Et quamuis constaret talem breuiorem pannum adhibitum fuisse, quod valdè dubium est: stat tamen suus honos, & præcipuè faciei seu capitis Christi appellatio Vespontino sudario, quod nudo Domini vultui applicitum, distinctissima eius impressa lineamenta prudentissimo cuique persuadent.

CAPVT IX.

Sudarium Domini è Palæstinâ Vefontionem perlatum, & quando: ostensionis eius ritus antiquior: non est cingulum Domini.

POST illustre & memorandum flammæ, quas euasit, miraculum, sudarium Domini in ciuitate Sarracenorum prouinciæ Palæstinæ maximo in honore est habitum; ibi enim *totus populus*, inquit Beda, *summâ veneratione illud salutabat & osculabatur*, cùm ratione miraculi perpetrati, tum propter Theandrici corporis effigiem, quam è Christi demortui contactu refert. Tandem verò è Palæstinâ perlatum est Vefontionem, vel eo nomine ter beatam. Sed translationis rationem, tempus, auctorem, inuidit sæculis posterioribus luctuosum illud incendium, quo Vefontina S. Stephani Ecclesia de cælo tacta anno MCCC.XLIX. miserabiliter deflagrauit: cuius cladis triste monumentum habes ex æneâ tabulâ, parte secundâ nostræ Vefontionis, in Hugone Sexto. De his certè translationis adiunctis parum refert, vbi de sacri pignoris sanctitate constat, ex diuinis præcipuè testimonijs, & miraculorum magnitudine, ac frequentia de quâ posthac aliquot Capitibus agam.

Ecquid

Ecquid enim facit ad Vefontini sudarij commendationem, si scias Titium illud emisse à Sempromio anno Christi millesimo, tertio Kalendas Maij? annon rursus quæres vndenam haberet Sempromius? Apage mihi has hæsitantias, & malè sani cordis palpitaciones. *Ritus Ecclesiæ, mores & traditiones*, inquit Gregorius Nazianzenus, *non tam humanis ingenijs, quàm vi divinâ & temporis firmitate vigorem obtinuerunt.* Cùm de Reliquiarum veritate agitur, maiorum traditio, consensus populorum in publicum cultum, sacer horror spectantium & in melius mutatio, cacodæmonum fremitus, morborum immedicabilium depulsio, mortuorum denique fuscitatio (quæ omnia, & alia insuper non pauca, Vefontino sudario patrocinantur) syngropharum, omnium & publicarum tabularũ fidem superant. *Ea quæ vulgò recepta sunt*, inquit Fabius, *hoc ipso quòd incertum auctorem habent, velut omnium fiunt.* Neque tamen de sudarij sui origine nihil sciunt Vefontini: rem accipe certam, mihi quæ multorum testimoniis exploratissimam. Tenent Marani è Galliâ Occitanâ (quibus in eo minimè sublesta fides, cùm pignus illud sacrum penes se diutissimè habuerit gens illa *Ἰεσοῦ* & vt suprâ retulimus) *turbatis in Oriente rebus, & impietate Turcarum profanatis venerabilibus*

locis, eiectisq; inde cultuum diuinorum ministris, vt loquitur Tyrius, sacrum hocce linteum à feminâ quadam Iudæâ Christianâ, quæ illud in arculâ reconditum sedulò asseruabat, largâ satis numerorum copiâ redemptum, per quemdam Vefontinum primæ notæ virum, eumque Ecclesiasticum. nomen viri obliuione sepultum est: de conditione, cùm sacrum sudarium Vefontina S. Stephani Ecclesia post omnem memoriam possederit, non autem Ecclesia S. Ioannis, dignitate nihilo inferior, antiquitate etiam venerabilior, nihil dubitem id muneris Vefontionem deportatum à quopiam Ecclesiæ S. Stephani Canonico, qui tactus amore piæ militiæ, ad Terræ sanctæ recuperationem Hugonem Quartum Archipræsulem Vefontinum fuerit comitatus: in illâ enim primâ in Palestinam profectio, non erat in Regnis Occidentalibus (verba sunt Tyrij) qui aut atatis, aut sexus, aut conditionis vellet esse memor, omnes indifferenter manus dabant, omnes unanimiter corde & ore votum profitebantur, ipsi etiam Prælati & Presbyteri, dummodò (addidit Pontifex) Ecclesia per eorum absentiam enormiter non laderentur, essentq; futuri utiles Terræ sanctæ, verbo pariter & exemplo.

Tempus autem perlato sacri muneris, vix aliud esse posse existimamus ab initio duodecimi sæculi,
quo

quo hieroftrata Vefontini, ſocij Hugonis Quarti Archiepiſcopi noſtri, Stephani Comitſ Burgundia, Rainaldi fratris eius, Vicecomitum Aſſonæ & Grayaci, Petri de Domnipeſtrâ, Gilberti de Treuâ, & aliorum Sequanica Prouincia Nobilium, rediere ex illâ populosa, duce Gottefrido Bullionæo, in Palæſtinam profectione. namque ſæculis expeditionem illam præcedentibus, nulla extat ſudarij Dominici apud noſtros memoria. Quin & ipſe S. Leo IX. Pontifex Maximus, qui anno M. XLVIII. Eccleſiæ S. Stephani maius altare cõſecrauit, in Diplomate, quod deinde anno M. LI. Canonicis conceſſit, ait, *vidiſſe ſe, & in altari baſilica S. Stephani condidiſſe pretioſiſſimum S. Stephani brachium, iectibus lapidantium Iudeorum quaſſatum;* nullâ prorfus ſacroſancti lintei factâ mentione; quod tamen ſi illic iam fuiſſet, & ipſe oculis luſtraſſet, non videbatur omiſſurus. Statim verò poſt initium ſæculi decimitertij, tangitur ritus oſtenſionis S. Sudarij, ex altari S. Stephani, die Paſchæ, in quodam Rituum codice, quem ſcriptum cõſtat ante vnionem Eccleſiarum S. Ioannis & S. Stephani, factam anno MCC. LIII. prout in noſtrâ Veſontione fuſiùs declarauimus, cùm in eodem codice mentio fiat Stephani illius Burgundia Comitſ, *virĩ inſlyti*, vt ait Tyrius, & *nobilitate inſignis*,

54 DE LINTEIS SEPVLCHR. CHRISTI
in Terrâ sanctâ defuncti. Quæ cùm ita habeant, si
chronologicam normam adhibeas, comperies,
sacri muneris ad nos perlationem non aliud in
tempus meliùs referri, quàm in annos millesimo
centesimo circumiectos: qui annus vt Leone No-
no posterior est, ita integro scsquisæculo antece-
dit ætatem codicis Ritualis; qui morem ostensio-
nis, non vt planè nouum videtur describere, sed vt
aliquot annorum decursu iam celebratum, & qui-
dem pio mysterio, quod tale fuit:

In die sancto Paschæ, inter Matutinas preces,
prodibant è Sacrario tres Canonici simul canen-
tes: *Quis reuoluet nobis lapidem ab ostio monumenti?*
ad quos, cùm ad Altare maius accederent, alati
pueri, eo amictu redimiti, quo cælestes genij depin-
gi solent: *Quem queritis?* illi verò: *IESVM Nazarenum.* rursus alati pueri: *Surrexit, non est hic.* deinde
Cantor ad priorem è Canonicis: *Dic nobis Maria,*
quid vidisti in viâ? tum respondebat Canonicus:
Sepulchrum Christi uiuentis, & gloriam vidi resur-
gentis. mox secundus: *Angelicos testes, sudarium &*
vestes, ostendendo S. SVDARIUM quod gestabat.
tertius demùm: *Surrexit Christus spes nostra, præcedet*
vos in Galilaam. ad quæ Chorus dexter: *Credendum*
est magis soli Maria veraci, quàm Iudeorum turba
fallaci. Chorus sinister: *Scimus Christum surrexisse*
à mor-

à mortuis, &c. omnes denique vnà ritum clauderant Ambrosiano Cantico, *Te Deum laudamus.*

Vaticinium quidam agnoscunt in Abbate Ioachimo, de sudario Christi aliquando euoluendo. sic enim ille in Psalterium: *Satis est nobis videre sudarium, quod fuit super caput IESV. illud autem explicare nobis non licet, nisi forte in illum diem, in quo constituit Dominus.* Sed mysticè loquitur, alludens ad sudarium quod Petrus vidit in monumento, separatim inuolutum, quasi dicat cum Apostolo: *Videmus nunc per speculum, & in enigmate, tunc autem facie ad faciem.*

Ceterum ab omni sensu & historiæ veritate prorsus aliena est eorum coniectura, qui gratis volunt in Ecclesiæ Vefontinæ monumentis, vbi recensentur pia Theodosij Secundi munera, per *cingulum* siue *balteum Dominicum*, intelligi debere S. Sudarium Christi: quam sententiam hoc mihi fortius reuellendam putavi, quòd à nonnullis absque fundamento iactata induxit R. P. Iacobum Gauterium, vt in suâ Chronologiâ diceret, Sudarium Christi anno Domini c. d. xxxix. missum fuisse Vefontionem à Theodosio Secundo. Igitur (vt taceam de anno sacrorum munerum Theodosij, qui probari non potest, quòd sit quadringentesimus trigessimus nonus, ex his quæ in
historiâ

historiâ nostrâ Vefontinâ retulimus) clarum est, præcipuum Theodosij munus fuisse brachium S. Stephani Protomartyris, cuius corpus per Lucianum Presbyterum, in villâ Palæstinæ Caphargamalâ fuerat repertum anno C D. x v. alia verò ipsi tantum addita tamquam paradora, hoc ordine: *B. Mariæ pectinem, & tantillum de capillis eius; cingulum quoque Dominicum; necnon sanctorum martyrum corpora Epiphaniij & Isidori, & caput S. Agapiti.* vt vel hinc maximè appareat, *cingulum Domini* non esse *sudarium* eius, aliis quibuscumque muneribus prænotatis alioquin anteponendum. Deinde Hymnus perantiquus à nobis in Celidonio relatus, cingulum illud per Theodosium missum, zonam Christi fuisse clarè indicat:

*Magnificemus Virginem,
Cuius habemus pectinem,
Crines, cingulum filij,
Sui cumulum gaudij.*

Alludit pius Poëta ad sensum voluptatis, quo perfusam par est credere Virginem Deiparam, quoties puerum IESVM filium suum, speciosum formâ præ filiis hominum, zonâ illâ præcingeret, quæ constantissimè in omnibus Ecclesiasticis lectionibus, vbi fit mentio munerum Theodosianorum,

fianorum, vocatur *cingulum*, vel *balteum Dominicum*; nusquam autem *findon*, aut *sudarium*; quod alioqui matri amantissimæ, vulnere potius refricatio quàm gaudij cumulus fuit. Tertiò, (quod omnem dubitationem tollere debet) *Sudarium Christi* religiosissimè custoditur in Ecclesiâ S. Stephani; *cingulum* verò *Dominicum*, per Theodosium missum, seruetur (saltem pars eius) in S. Ioannis Euangelistæ Sacratio, argentæa hierothecâ conclusum, palmaris longitudinis, latitudinis pollicaris, Orientalis texturæ, coloris purpurei subobscuri, cum hoc titulo præfixo, DE CINGULO DOMINI. Sed pergamus, & ipsas voces, quas ab Auctoribus vim sumere Fabius censet, pensiculatiùs examinemus. Iampridem colimus litteras, necdum nobis occurrit Auctor aliquis, qui voce cinguli absolutè, pro findone aut sudario sit usus. *Cingulum* à cingendo dici volunt Varro, Nonius Marcellus, & alij Latini: Hebræi חָגוֹר *chagor* vocant: Chaldæi חֲגוּרָא *chunara*, Græci ζώνη, ζώνη, ζώνη; & verbum ζώνω, quod est *cingere*. Zonarum verò quædam latæ sunt, aliæ strictæ, mediæ nonnullæ. Isidorus, *Cinctus*, inquit, *est lata zona; & minùs lata, semicinctum; & utrisque minima cingulum: nam à cincto per diminutionem cingulum nominatur*. Zonâ strictâ

H siue

siue cingulo Christum esse vsum, extra contro-
uersiam est: nam Hebræi, qui laxiores vestes ge-
stabant, eas cingulis constringebant. *Præcepit ipse*
discipulis suis, ne as ferrent in zonâ. & Ioannes eius
prodromus, *erat vestitus pilis cameli, & zona co-*
riacea circa lumbos eius. Balteus etiam, *cingulum mi-*
litare Isidoro, pro sindone aut sudario numquam
est vsurpatus; pro zonâ verò sacerdotali, quæ erat
inter vmbilicum & pectus, sæpissimè, vtè Sacro
contextu referunt ^a Hieronymus, ^b Sigonius,
^c Adrichomius, ^d Ribera, atque ^e Benedictus A-
rias Montanus, qui præterea producit summi
Sacerdotis sanctis vestibus & ornamentis instru-
cti figuram ex descriptione Moyfis, cum tunicâ,
superhumerali, balteo, vittis, & reliquo apparatu.
Vnus est locus Nonni in caput Ioannis vigesi-
mum, quem vltro aduersarijs porrigo, ne cui vi-
dear consultò dissimulasse:

— Υ' πς' δαπέδοιο δὲ γομνῷ

Σύζυγας ἀλλήλοις λινέας ἐνόησε χιτῶνας,

Καὶ κεφαλῆς ζωστῆρα παλίλλυτον ἀμμιπ χαίτης,

Συδάρον τ' ὅς τις εἶπε Σύρων Ἰπιδήμι & αὐδὴ: id est,

Super nudum autem solum vidit coniunctos inter se
lineos amictus, & capitis cingulum resolutum nexu
coma, quod popularis Syrorum vox dixit Sudarium.
Sanè ζωστῆρ, cingulum est siue balteus; & cum ad-
iuncto

^a Ep. 128.

^b Lib. 5.

Reip He-
br. cap. 2.

^c In Thea-
tro n. 85.

^d De Tem-
plo lib. 3.

cap. 17.

^e Ant. Iud
lib. 6.

iuncto *κεφαλῆς*, potest significare sudarium, quippe quod ad caput religabatur; at sine illo adiuncto ineptè pro sudario vsurparetur: nusquam autem Vefontinæ tabulæ docent missum Vefontionem à Theodosio *cingulum capitis Christi*; sed absolutè *cingulum Dominicum*: & alia quæ attuli rem satis probant.

CAPUT X.

*Alia sacra pignora ex Oriente cum S. Sudario
Vefontionem allata.*

VT nemini mirum videatur Hierostratam Vefontinum, pretiosum Sudarij Dominici munus è Palæstinâ ad suam Ecclesiam attulisse; sciendum est, vigente immani & barbarâ Turcarum persecutione, & imminente Christianæ religionis in Oriente naufragio, eduçta è Sacra-rijs, & per Christianos quouis modo recondita Ecclesiarum pignora. Post captam Antiochiâ, tertiâ mensis Iunij, anni M. XCVIII. *effosâ terrâ, in Ecclesiâ Principis Apostolorum*, ait Tyrius, *lan-* Lib. 6.
ceam, quâ Christi latus fuerat perforatum, sacri mili- cap. 14.
tes repperunt. & sequenti anno M. XCIX. captâ Ierolymâ, die decimâ quintâ Iulij, per eisdem inuenta est *portio Dominica Crucis*; idq; monitu &

H 2 bene-

beneficio cuiusdam hominis Syri, qui tam pretiosi depositi conscius fuerat. Hisce planè diuinis opibus illecti præ alijs Galli, sacra λείψανα quâ vi quâ pretio à detinentibus hac illac extorserunt. Girardus Hallianus ex antiquioribus refert, eos sanctæ illi prædæ adeò intentos fuisse, vt nihil prætereà è bello sacro in patrium solum retulerint. & verò sacris eiusmodi rebus, Ecclesiæ Gallicæ sunt ditissimæ. Eamdẽ Vefontinis mentem fuisse quis neget? Henricus præclarus Comes, Vefontione natus, qui Regum Lusitaniæ parens extitit, ad sacrum illud bellum profectus, ab Imperatore Byzantino plures Diuorum reliquias accepit, & in his *brachium S. Luca*, quod magnâ religione seruatur Braccaræ in Regno Lusitaniæ; *ex Actis Regum Vasconcellij recens editis*. Ita munificus noster Ecclesiasticus (cui æquus est remunerator Deus) sacrosanctum D. N. IESU Christi Sudarium nobis attulit, quo Vefontio nostra felix æternùm seruaretur. Alij eiusdem sacri exercitus Proceres tunc ad nos etiam aliquid *de praputio Domini, de spinâ corona, de spongiâ, de fimbriis vestimentorum eius*, quæ aureis & argenteis hierothecis conclusa singula, habentur in Sacrarijs Metropolitanis; vbi prætereà seruantur Græca duo notatu dignissima. Primum est in Eccle-

Ecclesiâ S. Ioannis, quidam vetustatis adorandæ liber, textus Euangeliorum continens, qui solet in publicis Supplicationibus per aliquem è Canonici ante pectus gestari; *Sapphirum* vulgò vocant, credo ob varias quibus exornatur gemmas. An sapphirus quasi Euangelium? nam סֹפֶר *sopher* Hebræis *Notarium & Euangelistam* sonat, à radice סָפַר *saphar*, quod est *narrare & scribere*. Eburneo tegumento quasi diptychi veteris est opertus, in quo imago Christi media est, hinc inde sunt coniuges per eum vniti, Flavius Romanus Diogenes Augustus, & Eudocia vidua Constantini XII. Ducæ Imperatoris. Ecce tibi iconis finem paginâ proximè sequenti.

Hi supremū Thraciæ diadema sumpserē simul (teste Baronio) Idibus Ianuarijs anni M. LXVIII. annis tantū duobus supra triginta, ante annum M. C. circa quem proximè Hierostratam nostrum Sudarium Dominicum nobis credimus attulisse: & eò magis indicare id videtur quodammodò prænotati libri veteris tegumentum, quod in angulo sinistro inferiori decoratur æquæuo margaritinæ conchæ fragmento, in quo Christi vultus (qualis in S. Sudario) in expanso per Angelum linteo expressus egregiè cernitur.

H 3 Alte-



Alterum militum nostrorum munus seruat in Ecclesiâ S. Stephani; Caput S. Ioannis, Christi causâ mendici, cognomento Calybitæ, de quo Martyrologium Romanum editum cum Notis Petri Galefinij, sic habet: xv. *Ianuarij, in Bur-* An. 1583.
gundiâ, S. Ioannis Calybitæ, cuius sacrum corpus multis clarum miraculis. Constantinopoli quiescit, caput Chrysopoli religiosè asseruatur. Molanus idem notat eadem die: *S. Patris Calybitæ, cuius pretioso capitis thesauro, urbs Chrysopolitana incomparabiliter ditatur.* Cranium illud, cum allatum est ex Oriente, thecâ æneâ recondebatur, cum argenteo circulo, cui inscripti erant Iambici Græci duo: pro quorum explicatione (admirare simplicitatem æui) anno M.CCC.XXI. Auenionem profectus Ioannes de Corcondrayo Canonicus Vesontinus, chartam quamdam à Græcis duobus Episcopis obtinuit, quam quia omisimus in Vesontione nostrâ, hîc ad longum exhibemus.

Nos Olinanus Dei gratiâ Episcopus Amazondo, Visitator de Limezo & Correo in insulâ Cypri: & nos Leondios Dei gratiâ Episcopus Solia, ac Visitator Nichocia, in eadem Cypri insulâ: notum facimus uniuersis, quod ad præsentiam nostram accedens vir venerabilis & discretus D. Ioannes de Corcondrayo Scholasticus & Canonicus Bisontinus, quem-

quemdam bacinum cupreum , cum quodam circulo argenteo , quasdam literas Gracas in se continente , nobis Avinione in nostro hospitio presentavit , asserens quoddam caput esse in Ecclesiâ Bisontinâ S. Stephani , quod inuentum esse dicebat in bacino pralibato , nobisq; supplicavit humiliter , quatenus dictas literas Gracas exponere , siue transferre de Graco in Latinum siue Gallicum dignaremur. Visi igitur per nos cum diligentia literis antedictis , bacinum & circulum predictos , cum magnâ devotione ac reuerentiâ , iteratè ad osculum , propter auctoritatem sanctissimi capitis , quod ibi describitur , recepimus , predictasq; literas Gracas , unâ cum Nicholino Lyonciue Rhodensi , Magistro Hospitalis S. Ioannis Ierosolymitani , Protonotario , ac Thesaurario dicti Hospitalis , scribâ , de Graco in Gallicum exposuimus , siue transtulimus , per modum subsequenter. Ha sunt litera Graca circuli argentei :

XEIP MEN BEBHAOC TIMIAN CTNΘAA KAPAN:

AAA'ETCEBHC XEIP IQANNOT CTNΔEEI.

Sequitur dictarum literarum Gracarum expositio:

Les mains de la maule persone, & hereige,

Ceste sainte teste de S. Iean Callybiti despira:

Et les mains dou iuste, & vray proud homme,

Ceste sainte teste de S. Iean Callybiti adorera & prisera.

Sanè

Sanè sciant omnes & singuli, quòd iste gloriosus Dei Sanctus, videlicet beatus Ioannes Calliuiti, cuius caput gloriosum per prædicti circuli literas Græcas describitur, cuiusq; corpus sanctissimum in ciuitate Constantinopolitanâ sine capite feliciter requiescit, in tot & tantis miraculis resulget, & in tantâ reuerentiâ in dictâ ciuitate & per totam Græciam habetur ab vniuersitate fidelium, quòd inter Sanctos Dei, iste beatissimus Dei Confessor, post gloriosum Ioannem Baptistam, à Christi fidelibus totius Græcia & partium circumadiacentium præcipuè veneratur, & etiam communiter adoratur; Festum cuius annuatim quintâ decimâ mensis Ianuarij solemmniter celebrari consuevit, & in ipsius Vigiliâ ieiunium communiter obseruatur. In cuius rei testimonium, ad gloriosi Confessoris laudem, & eius sanctissimi Capitis reuelationem, sigilla nostra vnâ cum sigillo prædicti Nicholini ciuis Rhodensis, presentibus literis duximus appendenda. Datum, translatum, siue expositum, Auinione, in multorum fide dignorum præsentia, anno à Natiuitate Domini M. CCC. XXI. Indictione IV. die XVII. mensis Aprilis, Pontificatus sanctissimi Patris & Domini, D. Joannis diuinâ prouidentia Papa XXII.

Huc vsque charta Græcorum Antistitum, in quâ quia versus illos Iambicos Gallicè dum-

I taxat

66 DE LINTEIS SEPVLCHR. CHRISTI
taxat, & periphrasticè reddiderunt, sic nos ad ver-
bum Latinos fecimus:

*Manus quidem profana venerandum contundit
caput;*

Sed pia manus Ioannem veneratur.

Constat, (ex eius historiâ apud Metaphrastem)
eum, cùm mater tamquam ignotum mendicum,
& aspectu horridum, domo egrediens summo-
ueri mandasset, per vim abreptum fuisse; & pro-
babile est tum pugnâ caput eius contusum à fæce
feruorum. Potest etiam dici, vocem ἰωάννης in se-
cundo versu, ad κάρα referri; adeoque verti,

Sed pia manus Joannis [caput] colligat.

alludendo sic ad circulum argenteum, quo capsâ
capitis ænea cincta erat.

C A P V T X I.

*Sudarium Vesoninum miraculis illustre : amissum,
recuperatum; eius vi mortuus suscitatus, & ager
persanatus.*

VIDIMVS suprà ex Bedâ, Sudarium Domini,
cùm adhuc in Palæstinâ seruaretur, magno
miraculo medijs è flammis intactum euasisse,
Mahuiâ Rege Sarracenorum spectante, circa
annum incarnati Verbi D C. LXXV. Superest vt
aliquot

aliquot illustriora ostenta, quibus voluit Deus sanctitatem eius omnibus gentibus, & maxime Vespotioni conspicuam esse, breuiter commemorem; eaque solum quæ indubitata sunt fidei, ne lapsu sæculorum consenescant, & ex hominum memoriâ obliterentur. Ordiam autem à mortui cuiusdam anastasi.

Basilica S. Stephani fulmine icta, anno Domini M. CCC. XLIX. incendio latè grassante deflagrauit; & plurima Ecclesiastica supellex, plurimæque hierothecæ flammis absumptæ: quod superuit sacrorum pignorum, collectum sine ordine, & in scriniolum congestum est, quod exinde *Capsa omnium Sanctorum* est nuncupatum. Sudarium Domini, quia sedulò inquirentibus non occurrerat, creditum est vnà cum alijs diuinis rebus exitium passum. Tantæ iacturæ fides apud omnes paulatim creuit, ac tandem obfirmata est; ita vt memoria S. Sudarij fermè iaceret. Sed Deus non est passus pretiosissimi sui Sanguinis in illis latebris diu remanere vestigia: etenim post aliquot annos insperatò repertum est, & magno miraculo. Aduerterunt non semel è quodam abditiori Ecclesiæ loco splendorem inusitatum emicare, Clerici choro ministrantes; qui subinde diuinæ virtutis significationem esse, & ibi π̄ 9̄̄̄̄ latere

68 DE LINTEIS SEPVLCHR. CHRISTI
arbitrati, rem totam Canonicis denuntiarunt. Horum iussu citra moram inquisitum, nec irritò labore: nam Sudarium Domini illuc temerè iniectum, in extremo ignis casu (vti solet) integerrium detectum est, illæsum flammis, nec vllò situ labefactatum. Stupere omnes hoc viso prodigio; multi tamen adhuc addubitare, num hoc reperi-
tum, legitimum Sudarium, an verò supposititium esset censendum. Ad hoc accersiti eximij pictores duo, qui effigie sacrâ inspectâ, eam nullis colorum pigmentis aut fucis adumbratam, nec hominum manibus exaratam asseruerunt; sed sanguineis omnino vestigijs & vnguentis diffusum colorem, vno ore semper professi sunt. Accessere noua in dies prodigia, quæ vim cælestem indicabant; unde magis magisq̃ celebrari cœpit & credi, non aliud esse, quam quod fuerat à maioribus acceptum. *Hac ex auorum traditione & chartis antiquis:* quibus non absimilia habentur in vetusto quodam codice Ecclesiæ S. Iacobi Rhemensis, vbi postquam narratum est Vespitionem Christi Sudario insignem esse, idq̃ aliquanto tempore deperditum fuisse; asseritur deinde tandem reperi-
tum, & ob agnitam in eo diuinam Christi imaginem, ipsissimum Christi Sudarium iudicatum, & verò comprobatum miraculo, quandoquidem

dem contactu eius homini demortuo, ac proximè terrâ condendo, vita est restituta; eo planè modo, quo cadauer ad sepulchrum Vatis Elisæi, cùm terigisset ossa eius, *reuixit homo, & stetit supra pedes suos*. Fidei suæ stabilitorem aduocat Rhemensis il-^{4. Regum cap. 3.}le codex, quemdam Robertum Sunellam in allegoriâ de obitu B. Mariæ Virginis; *Nec defunt*, addit, *oculati testes, quorum chirographa in Ecclesia Bisontina archiujs habentur*. Volutanti animo mihi, & seriò pensitanti, quisnam illius libri Rhemensis acephali auctor censerî posset; vnus occurrit Richardus Pica, Vefontione oriundus, qui sæculi illius decimiquarti anno septuagesimo septimo, octauo supra vigesimum ab incendio S. Stephani, Rhemensẽ Archiepiscopatum est assecutus: quo tempore credibile est S. Sudarium recuperatum miraculo illo percelebri, quod quia in patriâ suâ contigèrat, scriptis consignari voluerit ille Richardus Archipræsul, quem Historici Rhemenses fato functum scribunt Rhemis anno Domini M. CCC. LXXXIX. Vnicum eius *μνημόσυνο* reperi Vefontione, argenteum cuiuspiam S. Præsulis sesquipedale signum, quod Ecclesiæ S. Petri obtulit, nomine suo sub gentilitijs scutis adscripto.

Ab hoc miraculo, & plerisque alijs, maiorum neglectu minimè consignatis, in magno cultu

S. Sudarium fuit: & toto sequenti sæculo decimo quinto, votorum feruor & numerus cœpit augeri, magnâ vndeque multitudine concurrente, ad illud spectandum & adorandû, in Ecclesiâ S. Stephani: quâ tandem admittēdis populis angustiore visâ, theatrum extra illam excitatû est, primò temporarium & ligneum, anno M. D. XXII. ex Capituli regestis; dein verò perenne & lapideum, è quo bis quotannis, scilicet die Paschæ, & Dominicâ post Christi Ascensionem, Matutinis horis, populo spectandum proponeretur, in Cælio, siue S. Stephani monte, qui ad id aptissimè videtur à naturâ compositus: deexus quippe, & ita sensim decliuus in vertice, vt exinde tamquam ex immenso theatro circumstantes omnes sacra stigmata distinctissimè cernant, nec à primis postremi; nec remotiores à proximioribus vllo pacto impediantur.

Anno eiusdem decimiquinti sæculi trigésimo primo, Leonardus de Grueriis Canonicus & Officialis Bisontinus, dum ancipiti morbo conflictaretur, à Collegis suis adferri sibi & ad-moueri S. Sudarium postulauit: quo impetrato, cum pristinæ valetudini illicò restitutum fuisse, Capituli Acta testantur. Pollebat dubio procul eadem fide, quâ olim hæmorrhoißa mulier, quæ *fimbriam vestimenti Saluatoris contingens, salua facta est ex*

Marth. 9.

est ex illâ horâ. Idem aliàs in Oriente factum ostendimus inferiùs, virtute cuiusdam imaginis Christi *ἀρχιεπισκοπῆς*, in ædes Mariæ Patritiæ languentis importatæ. Non diu tamen inualuit mos ille deferendi S. Sudarium in priuatas ægrotantium domos; cum quippe circa annum M. D. XL. abrogatum legimus: quò etiam tempore, cùm miraculorum & beneficiorum fama commoueretur, vt pretioso linteo maior exhiberetur veneratio, è veteri *ἱερατεῖῳ*, quod altari maiori subiacet, ad amplius sacellum translatum est, & ibi decentissimè (argenteo scriniolo gentilitiis insignibus Nobilium *de Vasis* & *de Vilet* àornato conclusum) super altari in armario est collocatum. Extruxerant pridem hoc sacellum S. Maimbodo Martyri Comites Môtis Beligardi, quod deinde Garnerius & Monriuellius Canonici pictis tabellis & cancellis, vnà cum prædicto Leonardo de Gruerijs locupletarūt.

CAPVT XII.

Hæreticus impudens causo absumptus: ciuis grauissimè laborans, & Bonus Archiepiscopus curati: obiter de Magnatum donarijs.

ADEFVNCTI suscitatione, nullum miraculum illustrius eo quod è Codice manuscripto didici:

72 DE LINTEIS SEPVLCHR. CHRISTI
 didici : nimirum cùm tantæ erga S. Sudarium religionis & celebritatis frequentia offensus quidam externus hæreticus fremeret, & odium, quod in Christum ipsum non poterat, in eius Sudarium profunderet, affirmavit, si facultas esset, se protinus illud flammis iniecturum, & in cineres redacturum. Non diu nec impunè id tulit impius: etenim repentinè correptus est intestino causi incendio, & arsit flammis vlticibus, qui talia ore sacrilego in diuinum Sudarium fuerat debacchatus. Tempus Codici minimè est adscriptum, verùm è scripturâ apparet eum esse peructum. Incerto quoque tempore ibi narratur aliud vetus, de Bisontino quodam ciue, qui vniuersi corporis turbatâ *regis*, diuturnis omnium membrorum doloribus adeò miserè torquebatur, vt attingi se vel mollissimis digitis vix pati posset, quin erumperet in clamores, & ægrè dolentium querelas: occurrit ei S. Sudarij pia cogitatio, votum Christo nuncupat, seque beneficij non immemorem pollicetur. nec mora, sentit vires sibi restitui, sedantur dolores, & perit morbus. sanus & voti reus montem conscendit, grates peragit, tabellâ miraculum testatus, in quâ rem gestam versibus Gallicis, pijs magis quàm bonis, etiamnum descriptam habes.

Anno

Anno deinde M.D.XLI. xvii. Iunij, Antonius de Vergeyo Bisontinus Archiepiscopus, à profusiori in egenos liberalitate *Boni* cognomentum fortitus, cùm annum ætatis quinquagesimum septimum iam attigisset, Giaci in castro suo, forti apoplexiâ correptus est: ἀπνοία & ἀφασία laborantem, & ab assidentibus pro desperato habitum, domestici Christo Seruatori in Sudario Bisontino diuinitus depicto calidè vouent: illorum preces & vota exaudit Deus, & ad cultum Sudarij sui magis magisque promouendum celebre patefacit miraculum: ecce enim sospitem inopinatò virum summum, qui postquam gratias Deo Vesontione persoluit, statuam habitu Præsulis supplicantis collocauit in S. Sudarij sacello, quò patratum in se miraculum posteris testaretur. Obiit postea placidè, & integris sensibus vsque ad ultimam periodum xxix. Decembris eiusdem anni M. D. XLI.

Cleriadus de Vergeyo Aurei velleris Eques, & inpræsentiarum liberæ Burgundiæ pro Catholico Rege Gubernator, à cultu & veneratione maiorum erga S. Sudarium nullatenus deflexit; etenim quotiescumque præsentit publicè euoluendum, e castro Grayacensi Vesontionē pergit, vt illud veneretur; quin & anno elapso M.DC.XXI. lam-

K

pa-

74 DE LINTEIS SEPVLCHR. CHRISTI
 padem argenteam benè grauem (insigne munus)
 inibi obtulit, adiectâ numeratæ pecuniæ summâ,
 cuius prouentus annuus oleo ministrando abundè
 suppeteret. aliam ex eodem metallo affabrè labo-
 ratam pridem appenderat Claudius de Rye Baro
 à Balançon, legionis Burgundicæ in exercitu
 Belgico Catholici Regis Dux veteranus. Alij
 huiusce nostri æui Magnates muneribus votiuis
 affectum erga S. Sudarium maximè sunt testati,
 quæ loci religionem faciunt insigniorem. Nimis
 longum esset singula hîc recensere: vnum inter
 alia memoratu dignissimum est, vexillum mili-
 tare vetus & lacerum, quod à nobis ibi visum,
 cum hac suppositâ epigraphe:

*Enseigne du Conte de Hornes, gagnée par les Mo-
 res en la Gollette de Thunes, & depuis recourée par
 les Chrestiens à la prise dudit Thunes, & vouée
 au saint Suaire de Besançon.*

Golleta arx est Tuneti in Africâ munitissima,
 quam anno salutis M. D. xxxv. cum oppido ipso
 expugnauit Carolus V. Imperator, pulso Barba-
 rossâ, cæsoque magno Turcarum numero.

Lotharingiæ Principes feminæ non ita pri-
 dem S. Sudario præsentis vota reddiderunt, ac
 præclara munera postmodum miserunt, magni
 pretij sacra indumenta. Adfuit etiam cum votis
 nuper

nuper è Galliâ Condæi Principis mater Princeps. Sed munificentîâ præcelluere ceteris Serenissimi Archiduces Austriæ Albertus & Isabella sanctissimi coniuges, tum missis ad altaris S. Sudarij decorationem sericis ornamentis auro intextis; tum magnâ pecuniæ summâ collatâ, ad Odei sublimis & marmorei in Ecclesiâ S. Stephani exstructionem, cuius primarius lapis positus v. Idus Maij, anni præsentis M. DC. XXIII. procurante Ill^{mo} ac R^{mo} D. Francisco de Rye, Archiepiscopo Cæsariensi, Archiducum prædictorum magno Eleëmofynario, Metropolis Bisontinæ maiori Decano.

CAPVT XIII.

Cæci cum fide visum recipiunt : ex oculis laborantes persanantur : aliis ad tempus adimitur visus.

ANNO Domini M. D. XXXVI. instabat Festum Paschatis, quo numerosa populi turba, S. Sudarij visendi causâ, Vesontionem confluit; Nicolaus quidam Rozius de Milleyo pago, prope oppidum Iussæum, iam pridem oculorum cassus lumine, illuc proficisci optat : ille eò redactus erat egestatis, vt neminem qui gressum regeret, duceretque ad illud celeberrimum perfugium, nan-

76 DE LINTEIS SEPVLCHR. CHRISTI
cisci posset. Quid agat infelix? gnarus quâ horâ
S.Sudarium aduenis spectandum explicari solet,
eo ipsissimo tempore versus Vespertionem geni-
bus aduolutus, absens corpore, præsens animo
fundit preces, & lucem petit. Rem miram! ape-
riuntur ei oculi è vestigio, & clarè cernere inci-
pit: recepto visu ad votum exsoluendum sine
præuio scipione, vt solebat, sacellum adit, & tan-
tum miraculum voce clarâ & oculis proficitur;
quod testes quamplurimi, sensibus arbitris, fide
datâ, signoque apposito confirmarunt, vt ex in-
strumento publico constat.

Non absimile contigit anno M.D. LXXII. præ-
sente Cardinali & Archipræsule Claudio à Bau-
mâ: cùm enim ostenderetur publicè S.Sudarium,
in gratiam Antistitæ cuiusdam Augustodunen-
sis, adfuit ibi, inter promiscuum vulgus, annosa
quædam mulier, vtroque lumine orbata, quæ
S.Sudarium cultu religiosissimo venerata, viden-
di facultatem protinus recuperauit, ipsumque
S.Sudarium dilucidè perspexit.

Illud porrò crebris exemplis est comproba-
tum, eos qui ex oculis laborant, S.Sudarij inspe-
ctione, aut contactu subinde sanari; eorumque
aciem vix hebescere, qui debitâ vallati fide, id
multoties inuisant: è contrario, quibus vacillans

ac dubia fides, iis non semel hebetata visio. Addo exempla.

Burgundiæ Comitatum aggressus Tremblecurius, & ingressus anno M.D.XCV. aliquot è militibus suis Vefontionem misit, vt aduerterent quibus artibus vrbs ea posset occupari. Illi dicto audientes, ficto nomine & habitu Vefontionem subintrant, vbi dies circiter quindecim immorati, agnitis ciuium animis, & curâ vigili, castra repetunt, & oppugnationem illam Duci suo referunt difficillimam fore. ille grauiter in eos stomachatus, *Quasi verò, inquit, animo sit despondendum; denuò Vefontionem pergit, & si nihil aliud, saltem Sudarium quod ibi colitur subdolè arripite, & ad me quamprimum adferte.* Redeunt impij animosiores, & Gallus nobilis eorum ductor, Ecclesiam S. Stephani sub vesperam ingressus, ad altare S. Sudarij accedit, illud conscendit, atque vt in arculam, quâ sacrum pignus reconditur, sacrilegas manus possit iniicere, modos omnes inuestigat. Sentit illicò miser vindices Dei manus, cæcutit exanimatus metu, totisq; artubus contremiscit; videt se in diuinam iustitiam delapsus: bono tandem genio mentem pulsante, ad clementiam confugit; sacris aris, quas paulò antè calcauerat, postmodum adgeniculatus, adnuissi facinoris veniam apprecatur, Religio-

78 DE LINTEIS SEPVLCHR. CHRISTI
nis ineundæ votum vouet, si vxori superstes fiat,
tum demum diuerforium repetit, & inde rectâ
patriam domum, vbi ex eo tempore vitam incul-
patam tranſegit. Hæc ex ore ipsius Blaſius Mahon
Biſontinus è Societate I E S V: quod deinde literis
ſignificauit, datis Carlopoli, vltimâ Iunij an-
ni M.DC.XV. Aliud exemplum habemus in ſcri-
ptis authenticis, hoc ſenſu.

Anno M.DC.IX. Fridericus Martini Comes Pa-
latinus, & Iuris Canonici in Academiâ Friburgi
Briſgoiæ Profeſſor primarius, miſſus Veſontio-
nem à Rudolpho II. Cæſare, cuidam demandato
muneri obeundo, ſacrum Domini Sudarium ſibi
euolui à Canonicis flagitat: reſpondetur eius vo-
tis, & Februarij vndecimâ, in Sacratio S. Stephani
pretioſum linteum explicatur. Mirum! ita per-
ſtriſti ſunt eius oculi, vt ſolum linteaminis can-
dorem affirmarit ſe videre, nec effigiem Chriſti
apprimè in eo delineatam, nec ſtigmata, quamuis
luculenta, vlllo modo conſpicere: oculis eius in-
tentioribus imago ſacra iterùm & propiùs inſpi-
cienda proponitur, nec vllatenus ea cadit ſub
aſpectum: obſtupescunt adſtantes omnes, ille verò
omnium maximè; qui tandem excæcationis ſuæ
cauſâ cognitâ, & fidei hæſitantix adſcriptâ, ante
Chriſti Θεανδρῶν imaginem in genua denuò
pro-

prouolutus veniam poscit, quòd de illo Sudario hætenus addubitasset. En aliud miraculum; aperiantur ipsi caligantes oculi, videtque distinctissimè Christi velut super terram cum Apostolis ambulantis (ita loquebatur ille) diuinam imaginem: miraculum in se patratum prædicat domi & foris, simulque S. Sudarij Bisontini veritatem; missis deinde aureis ducatis decem, pro incruenti Sacrificij in altari S. Sudarij celebratione annuâ, ad perennem accepti beneficij gratiarum actionem.

Aliud habe in dissimili occasione non absimile. Philippus II. Rex Catholicus monitus per Cardinalem Granuellanum, seruari Vefontione Sudarium Domini, postulat à Canonicis tanti depositi custodibus, vt exemplar doctâ manu exceptum ad se quamprimùm transmittant. Regiæ voluntati citra moram obsequi cupientes Mystæ sacri, pictorem peritissimum accersunt, qui sacræ iconis linteo impressæ exemplar ordiatur: quod cum primùm luminibus accensis ab eo cœptum, fassus est se fulgorem è linteo micantem, oculis vix pati posse; modò breuior & angustior imago, modò longior & latior ipsi visa; sanguineæ notæ quandoque rubicundiores, aliàs pallidiores obseruata; donec per salutare Sacrificium pacato

Numi-

Numine diuino, discussaque oculorum caligine, imaginem Christi penicillo subtili adumbravit, quæ deinde in Hispaniam ad Regem missa. Pictor ille *ab Argento* cognominatus, aliquot alias imagines ex archetypo Bisontino in linteis eiusdem longitudinis & latitudinis tunc expressit: quarum vna est penes Nobiliss. Dominum Henricum de Varick Marcgrauium Antuerpiensem; aliæ in priuatis quorundam potentiorum per Europam domibus asseruantur: quod moneo, ne errandi ansam aliquando præbeant, veraque Christi Sudaria in posterum censeantur.

CAPVT XIV.

Epidemica lues sedata voto publico : Sodalitas S. Sudarij; huius altare Apostolico priuilegio munitum.

ANNO supra sesquimillesimum quadragesimo quarto, quædam epidemica lues, generis humani insolescentis verè tonsura, Vefontionem inuaserat, per quam ingens capitum messis in dies decerpebatur. Nihil cura publica, nihil priuata proderant remedia, donec in S. Sudarij asylum & clientelam ciuitas tota confugit: emissio enim publico voto, cessauit quamprimùm funesta illa pestis,

pestis, sub Caniculæ ardoribus, cùm tunc ferociorem populus vereretur:

*Nos tabulâ facer
Votivâ paries indicat omnibus
Suspendisse suprema
Morbi signa potentia.*

tabulâ inquam novâ in veteris ac puluerulentę locum substitutâ, Vefontionis quàm latè patet iconismum referente, cum subiunctis hisce notis,

S. P. Q. B.
EX VOTO.

Vt verò tanti beneficij nusquam periret memoria, erecta est omnium votis S. Sudarij Sodalitas, quæ exinde quotannis ita celebratur tertiâ die Maij, vt ante Sacrum mysticum & concionem, per Ecclesiam & claustrum S. Stephani, solemnis fiat Supplicatio cum S. Sudario argenteâ thecâ concluso. Neque modò illi Supplicationi interfunt Gubernatores, viri Patricij, & xxviii-Viri; sed etiam Officio Vespertino, quod pridie in Sacello S. Sudarij suauissimâ vocum harmoniâ recitatur: quo peracto, ritè & ex veteri more fiunt Processiones extra Ecclesiam: vbi denique ventum ad crucem, quæ prostat ad Reclusi eremum, ibi sistunt Clerus & populus, vnde vasta ciuitatis amplitudo sub precantium oculos cadit: inde Canonicus cui

L con-

82 DE LINTEIS SEPVLCHR. CHRISTI
contingit hebdomade illâ Sacris præesse, triplici
signo Crucis benedictionem ciuitati impartitur:
inprimis eleuato S. Stephani brachio, in aëre Cru-
cem exprimit, prolatis hisce verbis;

Per merita beati Protomartyris Stephani,

Liberet nos IESVS Christus filius Dei.

tum acceptâ maiore cruce, iterato Crucis signo
hæc subdit;

*Per Crucis hoc signum, fugiat procul omne ma-
lignum.*

denique assumptâ hierothecâ, quæ S. Theo-
doli ossa continet, idem præstat, & sic conclu-
dit;

Per merita beati Theodoli,

Liberet nos IESVS Christus filius Dei.

Has S. Theodoli Sedunensis Episcopi reliquias ad-
uersus fulgura & tempestates non exiguâ vi pollere,
vetusti Rituum codices docent. Illi S. Sudarij So-
dalitati postea dedere nomen liberæ Burgundiæ
vrbes *Dola* & *Salina*, viciq; quamplurimi, qui
voto simili à graui pestilentia liberati fuerant. Aliis
etiam locis cultus S. Sudarij Vefontini viguit: ete-
nim Tornodori in Galliâ habetur eorum congrega-
tio, qui aliàs illud peregrinatione coluerunt; fit-
que singulis annis Sodalium conuentus, qui eâ ipsâ
die quâ Vefontione expanditur, in cœtum coale-
scunt,

scunt, & solemnem Officio Ecclesiastico peragunt festiuitatem.

Ad votorum famam latè diffusam accessit priuilegium, quo summus Ecclesiasticæ hierarchiæ Princeps Gregorius XIII. altare S. Sudarij muniuit: sic habet in marmore muro Sacelli inserto:

Gregorius Episcopus seruus seruorum Dei, ad perpetuam rei memoriam. Omnium salutem paternam charitate intenti, inter tam multa pietatis officia, quæ nos pro munere nostro conuenit exercere, sacra interdum loca spiritali priuilegio insignimus, ut inde fidelium animarum salutem amplius consulatur. Quocirca ut Ecclesia Bisontina simili usque adhuc priuilegio minimè decorata, & in eam altare S. Sindonis nuncupatum, quod maius non est, hoc speciali dono illustretur, auctoritate nobis à Domino traditam concedimus, ut quoties Missa defunctorum ad prædictum altare celebrabitur pro animam cuiuscumque fidelis, quæ Deo in charitate coniuncta ab hac luce migrauerit, ipsa de thesauro Ecclesiæ Indulgentiam consequatur: quatenus D. N. Iesu Christi, & beatissimæ Virginis Mariæ, beatorum Apostolorum Petri & Pauli, aliorumq; Sanctorum omnium meritis suffragantibus à Purgatorij pœnis liberetur. Datum Romæ apud S. Petrum, anno incarnationis Dominicæ M. D. LXXIX. XI. Kalendas Ianuarij, Pontificatus nostri anno VIII.

CAPVT XV.

Morbi à veneficio sublatis per imagines S. Sudarij Vefontini: alia de eodem Sudario mira & fcitudo digna.

NON vulgare miraculum illud cenferi debet, quo Sudarij Bifontini imagunculæ in propulfandis morbis per maleficiũ illatis maximè enituerunt. Mulier nobilis, coniux Domini à Capellâ, arcis & oppidi Macerienfis (*Maisieres*) in Campaniâ Gubernatoris, mense Iunio anni M. DC. XIX. morbo prodigiofo vexabatur, vnâ cum filiâ Carolottâ, & famulo Ludouico Brisfionne. In caufis ægritudinis inueftigandis defudabant Poliatri, fed fruſtrâ: illis enim ignota morbi ſpecies perpetuò fuit: detecta tandem à Ioanne Prineto Societatis IESV Sacerdote à Rhemenſi Collegio illuc miſſo: qui ſuſpicatus veneficio torqueri ægro- tantes, exorcifmorum ope certiùs id agnoſcens, languentium veſtimenta in ignem coniici iuſſit, quæ dum arderent, faſcinatę mulieres præ doloris cruciatu propemodum iacuerunt exanimes. Famuli thorax & pileus ignibus etiam traditi ſunt, eo abſente ac planè inſcio; qui nihilominùs tempore combuſtionis, quaſi morbo ſacro fuiſſet correptus, in terram corruit, cum horribili artuum con-

concussione. Blasius Mahon Vefontinus P. Pri-
 neti socius, in aulam vbi Ludouicus pronus iace-
 bat progressus, ad tantas cum angustias redactum
 conspicatus, quamdam S. Sudarij Vefontini ima-
 gunculam, prototypi contactu sanctificatam, se-
 cum gestare recordatus, eam iacentis capiti ad-
 mouit; cuius virtutem illicò persentiens semiani-
 mis, in has voces prorupit, *Ah, ah, Domine, tu
 me vis.* postque tantillum spatij, à capite mor-
 bus in pectus descendit: admotâ denuò parti la-
 boranti imagine illâ, sæuiit dolor atrociùs; tum
 saluberrimæ iconis præsidio depulsus, ad tibias
 prolapsus est. Ecce dum exorcismorum solemnes
 ritus iterantur, & tibialia illato per strigas malefi-
 cio infecta flammis absumuntur, ad humani cor-
 poris molem tibiarum intumescunt; impositâ verò
 imagine, confedit doloris ardor, & post mini-
 mum temporis nulla molis ingentis nota residua
 fuit. Eiusdem imaginis beneficio nobiles femi-
 næ, mater & filia à similibus morbis euaserunt in-
 columes: quæ postmodum palàm & publicè fassæ
 sunt, quantam Christus Dominus imaginibus
 Sudarij sui virtutem esset impartitus; qui olim
 apud Ephesum, sudarijs à S. Pauli corpore delatis
 super languidos, inesse tantam voluit, vt eorum
 contactu *recederent ab agris languores, & spiritus.* Aa. 19.

86 DE LINTEIS SEPVLCHR. CHRISTI
nequam egrederentur. Illa porrò prodigia sanationum in Campaniâ tam multi fidelibus oculis v-
surparunt, vt nullus dubitandi superesse possit lo-
cus. Inuisibiles potestates aliàs Vefontione non se-
mel dilaniari visæ, admotis sudariolis ex diuini ip-
siusmet Sudarij contactu sanctificatis: (quidni
enim si magnes vim suam cum applicto ferro
communicat, hoc possint & sacra lipsana?) Ra-
rò certè Sudarium publicè explicatur, quin toto
monte circumsonent terribiles energumenorum
voces, dæmone vim illam diuinam non ferente.
Habe alia de Sudario admiranda, & supra fidem
captumque humanum.

Scriniolum quo reconditur, laminis argenteis
conflatum, præ vetustate attritum & exesum, de
nouo resectum est; linteum toties attrectatum
nusquam defecit, & perdurat integerrimum. Sa-
cellum S. Sudarij ingredienti tangit loci religio
& sanctimonia; & vbi ad conspectum eius in
monte Cælio ventum est, ita se piis mentibus su-
perfundit Deus, vt omnes haustâ cælestis gratiæ
vbertate, maximum quamuis laboriosæ peregrina-
tionis fructum se accepisse fateantur.

Visum illud non semel in theatro, vt dum ex-
plicatur, serenetur pluuium cælum, & sacro
ostensionis mysterio dentur induciæ. Ibi multi
reli-

religione perfuncti soluuntur in lacrymas, & è flagitiorum emergunt cœno, dum ipsis oculis, eius Sanguinis capeffunt vestigia, quem profusum sol inhorruit, terra gemuit, petræ senserunt. *Miles ferocioris animi litem quam consanguineo intentarat, morte ipsius finiturum se, deinde ad Mauritiana in Hollandiam castra profecturum dictitans, uti apud se antè decreuerat, statim atque vidit S. Sindonem, planè à seipso mutatus redire in gratiam cum aduersario cœpit.* Annales Societatis IESU ANNO M.DC.VI.

Præsenti diuino Numine semper affulget, quod in inspectantes vsque adeò redundat, vt pios insolito gaudio, impios horrore perfundat: ægris est remedio, mœstis solatio, torpentibus incitamento, periclitantibus saluti.

Mirus est ad illud videndum & adorandum concursus, & affluentium ardor, etiam à longinquis locis, & quà se Christianorum fines pandunt: quodque etiam maximè mirum, omnes eo viso lætiori & pacatiori animo reuertuntur ad suos lares, cum ingenti desiderio illud iterum videndi & adorandi.

Explicatur bis quotannis publicè ex theatro, die Paschæ, & Dominicâ post Ascensionem Christi, matutinis horis, & nusquam prætereà, nisi in gratiam Principum & Magnatum. Frequentes
ad

ad illud fiunt quadraginta horarum preces, vel ad hanc deuotionem aptissimæ, quòd pari horarum numero Christus iacuerit in sepulchro, sudario tectus; iterumque quadagesimo post resurrectionem die ad cælos euolarit.

Rarissimè templo id efferunt; quandoque tamen sanctificationis causâ, atque roboris, per ciuitatem supplicando gestatur, vt arca fœderis altera (imò arcâ sanctius) sub diuite conopeo; sed non nisi in magnis periculis, & necessitatibus publicis: quod tamen & anno M.DC.XXII. factum magnâ pompâ, Iulij xxiv. in celebritate Canonizationis SS. Ignatii de Loiolâ Societatis IESV Fundatoris, & Francisci Xauerij Indiarum & Iaponiæ Apostoli; ad quorum cultum impensiolem, peractâ generali Supplicatione explicatum est publicè in theatro, in quod admissi soli Societatis IESV Patres, cum sacrorum Antistitibus, & ciuitatis Gubernatoribus. Iterum xxix. Septembris eiusdem anni, die Archangelo Michaëli festo, in pari pro S. Teresiâ festiuitate, in nouum Sanctimonialium Carmelitarum templum delatum est; & præter morem, ad cancellos sacris Virginitus imago diuina proposita est adoranda.

Nunc de Taurinensis Sindonis historiâ & miraculis.

C A-

CAPVT XVI.

*De Sindone Taurinensi, unde illa proximè
Camberium aduecta.*

SIUE id iniquitati temporis adscribi debet, quæ rerum originibus caliginem offundere solet, siue etiam paucorum calliditati, quibus sacrum hoc pignus è longinquo, quàm è vicinorum Principum ditione arcessere tutius visum est; aut quos fortasse incessit metus (inanis utique, ut ex dicendis constabit,) ne illud quippe non à legitimis Dominis traditum, præter ius fasque obtinere viderentur; varia sanè ac multiplex in vulgus sparsa est, eius Camberij accepti ratio. Nam ut omittam leuiore rumusculos; eam nempe Sindonem ab Aegyptiâ Iudæave feminâ, captiui apud Ducem Sabaudum coniugis pretium relictam; & alia id genus, quæ nonnulli vel certis in Commentariis legisse, vel à maioribus fando accepisse se dictitant; Franciscus Adornus Genuensis è Societate IESV, in epistolâ de Votiuâ peregrinatione anno salutis M.D.LXXVIII. à S. Carolo Borromeo. ad Camberiensem Sindonem institutâ, quam Pingonius ex Italico Latinam fecit, hæc habet: *Familiam Lusignanam, regnum Cyprium*

M

C

& Ierofolymitanum multos quondam annos obtinuisse, memoria proditum est: ex eâ Carolotta orta postrema in Cypro regnavit. hæc Ludonico, alterius Ludonici filio, Allobrogum, quos Sabaudienses appellant, Duci in matrimonium collocata, familiam hanc & gazæ regie & regni Cyprij reliquit heredem. Hinc in inclytam hanc domum præclarissimum & sacrum hoc monumentum peruenisse, superiores Duces à suis accipere, & eius rei memoriam per manus traditam, posteritati reliquere. Nonnulli etiam Insulam Rhodum à Turcis maximâ multitudine circumfessam, vehementissimeq; oppugnatam, Amadeum Allobrogum Comitem summis obsidionis periculis eripuisse, & conservasse ferunt; ob eamque causam cum cruce albâ, quâ ille sua ipsius insignia exornavit, tum sacro linteo à summo Equitum Ierofolymitanorum Magistro, qui animum memorem & gratum in benemerentem prestare studuit, donatum fuisse. Multò his plura Philibertus Pingonius Sabaudus, Cusiensis Baro, libro eâ de re scripto, quem Sindonem Evangelicam inscripsit, ediditque anno M.D.LXXXI. Dum anno M.CCCC.LVIII. (mendum est, hæc enim gesta anno M.CCCC.LIII.) Orientis Imperij sedes vi & armis à Mahumete Turcarum Rege expugnaretur, eade omnia diriperentur & vastarentur, Constantinus Palaologus ipse truncatus capite, regni simul & vitæ finem

finem fecisset, nihil in Graciâ, nihil in Asiâ aut Syriâ tutum restaret, aufugerent omnes atrocissimi tyranni crudelitatem, illustris quedam matrona, Margarita à Carni nomine, sarcinis collectis, inter quas hanc raram Sindonem reposuerat, Graciâ mouerè, calumq, mutare constituit, atque in Galliam proficisci. Hanc à Regibus Ierosolymitanis prodisse ex eo constat, quòd Ierosolymitana in historiâ Cypriâ vocetur, nupta Hectori Lusignano Philippi filio: quibus omnibus tempora conueniunt. Carnim autem denominatam puto, quod Carina urbi Joniæ in Asiâ minori dominaretur, aut Carna Aolidis, siue à Carnâ oppido Phœnicia, quod ad montem Libanum reponitur. Burgundam alij ferunt, quòd eius nominis illustris ibi sit familia, siue in Asiam illa migrarit, siue ab Asiâ in Gallias deducta fuerit. Vbi ergo in Galliam Carnâ appulit, & magnis itineribus Alpes superauit, Camberij (quæ Sabaudia Ducum Regia est) à Ludouico & Annâ Cypriâ Ducibus splendidissimè, ut tantâ Principem matronam & affinem decebat, excepta est, quibus tandem hoc sacrosanctum Sindonis munus discedens, non sine magnis obsecrationibus contulit. quid^{*} verò intercesserit, quid donationi causam dederit, non hoc loco absonum sit paucis enarrare. Instructissima ad longum viaticum omnia Princeps illa habebat; equitatus, muli dossuarij, cista, signa, vasaque suppetebant;

* Ex donationis tabulis antiquis Camberij 22. Martij, anno 1452.

*Ex veteri tabella Sindonis templo affixâ, & notis Petri Pinguini proavi.

bant; nec as ingens deesse videbatur; liberalitate ipsâ teste, quam erga omnes exercebat. His* copiis fures allekti, negligentiore Græco famulitio, scrinia aliquot effringunt, & nocte intempestâ quantum possunt suppellectilem subducunt: inter quam veneranda Sindon capsulâ deauratâ includebatur. Ceterum fures dum rapta inter sese partirentur, nec isti satis demirari possent elegantem Sindonis texturam nulli telarum comparabilem; hanc per medium abscindere statuunt; sed forsices tenenti, tentantique, contorta sunt manus, conuersumq; protinus collum, & quasi clinicus obstupuit. Alter usurpato sibi integro linteo, dum sudoris & cruoris humani stigmata undis abluere conatur, ut res venaliior redderetur, eò magis utraque pars hominis impressa apparebat; cuius radiis etiam utroque est orbatus lumine. Interea præconis voce per compita graue supplicium receptatoribus indicitur; at furtum indicantibus aut restituentibus, non modo impunitas, sed præmium promittitur. Ipsa quoque Carna, reddito sibi solo linteo, cetera quamuis pretiosa munificè concedebat. His rebus adducti prædones, furto restituto, religione se exoluant, & ad pœnitentiam stimulat, voto soluto salutem præsentissimam consequuntur. Nullus non latitiâ singulari affectus est, & Principi matrona à nostris Principibus impense gratulatum est, de insigni inuentâ Sindone. Denique maiori in veneratione

1. Miraculum.

2. Miraculum.

3. Miraculum.

ratione haberi cœpit, ob factum diuinitus in respiscen-
tium pradonum gratiam miraculum; idq̃ Camberij,
vel eo nomine celeberrimo futuro oppido. Quapropter
Dux Anna Cypria ardens animo, audaciorq̃ à gen-
tili suâ & Gracâ munus illud familiariter & obnixè
postulat: sed promptam efflagitationem promptior se-
cuta est recusatio; quodcumque illa aliud poposcerit,
non denegaturam se, profusuram potiùs omnia, uno
hoc excepto, in quo animi solatium, corporis requiem,
spem denique & salutem reposuerit. Factum est satis
Duci modestissima, nec sine reditus desiderio Graca
officiosè dimittitur. At dum mulis criniis onerantur, co-
gunturq̃ à veterinariis in ipso urbis egressu; numquam
adduci cogrue potuit mulus clitellarius, cui sacrum
onus impositum fuerat, portarum valuas pratergredi,
ut alios sequeretur: ac proinde existimatum est diuinâ
id fieri prouidentia, diuinum illud pignus Sabaudis
Principibus & Camberio deberi. Itaque à Ludouico
& Annâ Ducibus exoratur tandem Margarita: ip-
sa rei miraculo non parum ad eam, quam diximus,
donationem munificentiamq̃ exercendam adducta
est. Tantum ob donum gratias immortales Duces
egerunt, Supplicationes Superis indixerunt, arcis mar-
moreo Sacello perpetuò conseruaturi reposuerunt: quod
Sacellû Paulus II. Pontifex Maximus in Ecclesiam
collegiatam erexit. Hæc Pingonius, cum his ad

4. Mira-
culum.

*marginem notis : atque ex illo ferè recentiores quotquot legi; Ioannes Tonsus libro secundo de Vitâ Emmanuelis Philiberti Allobrogum Ducis; Ioannes Boterus in Ludouico Sabaudio secundo Duce, qui tamen translationem Sindonis è Cypro in Gallias refert in annum M. cccc. xliii. Alphonsus Palæotus libro de Stigmatibus Sindonis, cum Commentariis Danielis Mallonij; Prosper Bonafamilia Italico libello eiusdem argumenti; Iacobus Gautherius è Societate IESV, in Chronologiâ suâ; & nouissimè Petrus Monodus ex eadem Societate, Tractatu Gallicè scripto de Franciæ & Sabaudix affinitatibus.

Ceterum quod Pingonius obiter tantum & ex alienâ sententiâ refert, quodque eam ob rem à recentioribus, qui ex illo acceperè, omissum neglectumque est, nempe Margaritam à Carni, à quâ diuinum illud in Allobroges deriuatum munus, Burgundam fuisse; hoc apud Burgundiones extra controuersiam est : nam vt omittam, quod ipse secum pugnat Pingonius, cum Margaritam è Græciâ mouisse narrat, captâ Constantinopoli, & cæso Constantino (quæ facta constat anno M. cccc. liii.) ac deinde anno M. cccc. lii. Camberij Sindonem reliquisse; norunt Burgundi, Humbertum Comitem à Rupe, Dominû de Villario-

lariofel, Sequanum (cuius opes venire in Marchionem Varambonium ex illustri familiâ *de Rye*) coniugem habuisse Margaritam illam Charniensem, Gaufridi *de Charny* Burgundi Equitis, & Philippi quondam Valesij ac Ioannis Francorum Regum Regij Signiferi neptem. Illud quoque in Campaniâ maximè & Burgundiâ notum peruulgatumque est, sacrum Linteum, proximè antè quàm Camberium inferretur, nec in Cypro, nec in ullâ Græciæ Asiæve parte, sed in Burgundiâ per annos quatuor circiter supra triginta asseruatum, quo venerat è Campaniâ; vbi habitum annis minimùm sexaginta, in Sacriis Capituli beatæ Mariæ de Lireyo, Tricassinæ Diœcesis: quæ omnia operæpretium facturum me existimo, si altiùs repetam, & indubitatæ fidei testimoniis affirmem.

CAPVT XVII.

Gaufridus de Charny Eques Burgundus Sindonem Christi Ecclesiæ de Lireyo in Trecenti Diœcesi à se extructæ attribuit: quomodo ibi habita Sindon.

REFERT Froissartes volumine primo Historiarum, aliique rerum Francicarum Scriptores, Calitio (*Portus Iccius* est nonnullis, aliis *Por-* Cap. 150.
151. 152.

Portus Morinorum) ab Anglis deditione recepto, die vltimâ Augusti anno M.CCC.XLVII. Gaufridum *de Charny* Burgundum Equitem prouinciæ Picardiæ (quâ imminebat hostis) à Philippo Valesio præfectum, eidem Regi vltro pollicitum fuisse anno M.CCC. XLVIII. se Calitium primo ipso die sequentis anni M. CCC. XLIX. pro xeniis ei oblatum: ac deinde astu & proditione Aymerici Papiensis, Caletanæ arcis pro Anglis Præfecti, qui cum Francis amicitiam simulauerat, cæso fusoque Gallorum exercitu, Gaufridum Ducem, contrario quàm sperauerat euentu, captum ab Anglis, & in custodiam datum Kalendis ipsis Ianuariis, quam ille diem vrbi potiundæ dixerat: non absimili fortunâ, (etsi causâ meliore) ei, quam anno M.CC.XIV. expertus fuerat Ferdinandus Flandriæ Comes, qui nobili pugnâ Bouinensi, à Philippo Augusto, Francorum Rege profligatus, Lutetiam, quam ex magicæ statuæ fallaci oraculo, ouantem se ingressurum crediderat, in hostis triumpho vel inuitus inductus est: aut ille de quo Saluianus: *Dux nostra partis eandem urbem hostium, quam eodem die victorem se intraturum esse præsumpsit, captiuus intrauit. Et mox: Habens predatoris fiduciam, prada factus est; triumphum præsumens, triumphus fuit.* Captum porro Gaufridum,

L. 7. de
Prouid.

dum, non mediocri Regis Anglicani lætitiâ, qui eius virtutem bellicam sæpius magno rerum suarum detrimento expertus fuerat, refert Nicolaus Camuzatius amicus noster in Castro Caletano coniectum in arctissimam custodiam: *Vbi, cum*

In Præpt.
Sacrar.
Antiq.
Tricass.
Diocesis.

ipse Gaufridus, inquit, ut nonnulla antiqua Ecclesia de Lireyo monumenta referunt, gravi animi anxietate angeretur, quod Rex Angliæ eum pecuniariâ redemptione liberari prorsus abnucret; ad diuinam opem & præsidium confugit, Deiparâ Virgine intermediâ sibi ascitâ; voto sese obstringens, construenda eius nomini basilica, si à dictâ custodiâ eductus pristinam libertatem recuperaret. Is cum votum emisisset, statim sub humanâ specie duo Angeli ei apparuere, qui cum prius sciscitati essent, an votum quo se obligarat persolueret, firmusque & constans in eo persisteret; iteratoq; ex animo & repetito voto, actutum carceris fores ei diuinitus patuerunt: & à dictis Angelis, armis decenter circumcinctus, equoque generoso donatus; ita expeditus adiunxit se Anglicis copiis, quæ extemplo è Caletanâ ciuitate in prælium cum nonnullis Gallis, qui propius ad eam urbem accesserant, exiuerunt. Ibi acriter pugnatum, & in ipso conflictu dictus Gaufridus, Deo ita volente & disponente, in manus incidit Gallorum: à quibus cognitus, benignè & alacriter susceptus est; cunctis ad tanti miraculi relationem non

N tam

tam mirantibus, quàm stupefcentibus. quod quidem alibi scriptum non offendi. Verumenimverò, siue factum siue fictum sit miraculum præsignatum, liquidò constat, præfatum Gaufridum peculiari quadam deuoti animi religione in sacram Virginem affectum fuisse; quam cum piè coleret & veneraretur, Ecclesiam eius nomini consecratam, non multò post carceris euasione, excitandam procurauit, in oppidulo de Lireyo, cuius erat Dominus, tribus leucis ab urbe Tricasinâ dissito; eamque tantis redditibus locupletauit, quanti Canonici, qui ibidem diuini Officii munus in perpetuum obirent, sustentandis erant suffecturi. Subiicit Camuzatius Instrumentum dotationis Ecclesiæ B. Mariæ de Lireyo, datum à Gaufrido anno Christi M.CCC.LIII. Indictione sextâ, die vigesimâ Iunij. Sanè de Gaufrido Angelicâ ope ex hostium manibus erepto, verbum non faciunt Historici, vel Anglicani vel Franci; quin potiùs asserunt, eum ab Anglis Calitio deportatum in Angliam, eiusque caput anno M.CCC.LI. regnante iam tum in Galliâ Ioanne, magnâ pecuniæ vi redemptum. Neque idcirco fidem abrogo historiæ illi, quam ex Lirensis Ecclesiæ Commentariis quibusdam refert Camuzatius; cùm expressa iam olim videatur fuisse in Lipsanothecâ argenteâ illius Ecclesiæ, quæ describitur in litteris Humberti Comitis à Ru-

à Rupe, sequenti Capite referendis. Angelus est capillū beatissimæ Virginis vasculo clausum manu gestans, ac turri tribus columnis impositæ insistent; quâ in turri statua Equestris Charniensibus Insigniis decora conspicitur, Gaufridum opinor repræsentans, Angelicâ ope, voto Deiparæ nuncupato, carceribus ereptum. Satis constat, sæpè aliàs captiuos diuinâ virtute solutos ergastulis, & è custodiâ subductos; vt Gerardum S. Bernardi fratrem, eiusdem precibus; Carolum Prouinciæ Comitem beatæ Magdalenæ ope; complures votis diuo Leonardo nuncupatis; alios aliâ ratione: vt mirum videri non debeat id quoque Gaufrido beneficij diuinitus impensum; quod ab Anglicanis illis, Francisque, bellorum potiùs quàm rerum sacrarum Scriptoribus, aut ignorari potuit, aut de industriâ prætermitti. Verum quacumque tandem ratione Gaufridus ex hostium potestate euaferit, constat illum ad suos reducem, sacram eadem beatæ Mariæ de Lireyo extruxisse, ac in eâ adorandum linteum, corporis Christi notas & lineamenta referens, perhonorificè collocasse, vt expressè habetur ex plurimis Campaniæ Burgundiæque consentientibus monumentis, atque instrumentis publicis infrà citandis; vbi perpetuò *Sudarium* appellatur. Quomodo autem sacra

100 DE LINTEIS SEPVLCHR. CHRISTI
Sindon à Trecensibus habita sit , paucis enar-
randum.

Cùm magni ad Lirensẽ Ecclesiã visendæ
Sindonis causâ concursus fierent, Henricus de Pi-
ctaviã Trecensis Episcopus, circa annum Chri-
sti M.CCC.LV. ratus non esse illam veram Christi
Sindonem, quòd Theologi quidam affirmarent,
id alioqui non omittendum fuisse ab Euangeli-
stis, si hæssissent linteo diuini corporis notæ; aua-
ritiæ Decanorum & Canonicorum Lirensium
adscribens, & redigendæ pecuniæ, ac donario-
rum cupiditati, quòd ij populorum excirentur
conuentus; habito priùs concilio, aduersus Li-
renses pro suâ auctoritate agere cœpit. Tunc ergo
aliò translata est Sindon, etiam vt ferebatur, extra
Diœcesim; nec vñquam publicè proposita per
annos ferè quatuor & triginta: quibus elapsis, se-
dem Trecensem obtinente Petro de Arceys, ite-
rùm productum est Sudarium à Gaufrido *de*
Charny, Gaufridi fundatoris filio, Lirensis oppi-
duli Domino, & Ecclesiæ Lirensi restitutum, vt
veteri more populo exhiberetur. Quod vt secu-
riùs fieret, obtinuit Gaufridus à Petro tituli S. Su-
fannæ Presbytero Cardinali de Thureyo, Cle-
mentis VII. Antipapæ ad Carolum Francorum
Regem Legato, facultatem Sudarij illius in Ec-
clesiã

clesi à Lirensi honorificè custodiendi, non petità
 licentiâ ab Ordinario loci, nec obstante eius pro-
 hibitione vllâ, cò quòd à patre suo Gaufrido, eius
 Ecclesiæ fundatore, in eâ collocatum esset. Eo in-
 dulto commotus Petrus de Arceys Episcopus;
 quodque insuper vltrà quàm concessum erat, Su-
 darium maximâ pompâ, cum facibus & sacris
 vestibus è celfo pegmate ad idipsum extructo spe-
 ctandum omnibus proponeretur; intentato se-
 uerè anathemate, vetuit pannum illum proferri
 populo adorandum, donec Summus Pontifex
 super hoc aditus, rem definiuisset. Gaufridus
 contrà rescriptum quidem tulit à Carolo Rege
 (dicto *Sexto*, cognomento *Beneamato*, Caroli Sa-
 pientis filio) quo Lirensibus Decano & Canoni-
 cis Sudarium de more publicè explicare liceret:
 agente tamen Episcopo, & Regi exponente,
 quòd ex eâ solemni exhibitione, idololatriæ sce-
 lus in credulas mentes irreperet, nouo edicto
 Rex concessionem suam irritam fecit, sanxit-
 que dato instrumento Lutetiæ Parisiorum,
 quartâ Augusti, anno regni sui nono, Chri-
 sti M.CCC.LXXXIX. vt Sudariũ extra Lirensẽ Ec-
 clesiam priuatim asseruaretur, donec aliud super
 eâ re fuisset constitutum. Prouocatur interim ad
 Clementem, existimatum à multis Pontificem;

N 3 à quo,

à quo, agente Gaufrido, rata habetur permissio à Cardinali S. Sufannæ Lirensibus facta, perpetuumque silentium Episcopo Trecenti imponitur. Quo audito Petrus de Arceys, libellum supplicem adornat prolixissimum, vbi re totâ altius repetitâ, & gestis in causâ enarratis, contendens Sudarium illud humanâ arte depictum esse, nec esse illud ipsummet, quod sacrosancto Christi corpori adhæsit; ac eius publicâ ostensione, hinc saniores offendi grauissimè, inde rudem atque imperitam plebeculam vanis religionibus implicari; abstulit à Clemente diploma, datum Auenione, octauo Idus Ianuarij, Pontificatus duodecimo, hoc est anno Christi M.CCC.XC. (sedit enim Auenione Antipapa, ab anno M.CCC.LXXVIII.) quo diplomate sanxit, vt pannum quidem illum palàm omnibus explicare liceret, sed absque facibus, cereis, lampadibus, aut sacro ornatu, & celebritate vllâ; vtque is qui populo linteum exhiberet, publicè & clarâ voce proclamaret, *quod figura seu representatio prædicta* (Clementis verba sunt) *non est verum Sudarium Domini nostri Iesu Christi, sed quedam pictura, seu tabula, facta in figuram, seu representationem illius.* His ita constitutis sensim minui cœpit religio erga sacrum linteum. Neque vltrâ super eo disceptatum lego inter

ter Trecentos. De illius ab Antipapâ prolatae sententiae inanitate agam infra ex professo; nunc quâ ratione diuina bonitas, pretiosissimum illud nostrae redemptionis pignus, honori suo reddiderit, amplius exponendum est.

CAPVT XVIII.

Transfertur S. Sindon è Campania in Burgundiam: multa nequidquam conantur Lirenſes vt illam recipiant: Camberij denique non ſine miraculo relinquitur.

INDIGNI erant Trecentos diuino dono, cui fidem cultumque omnem derogarant. Ardebant Galliae bellicis tumultibus, ac Ioannes Burgundiae Dux Lutetiam ipsam regni Francici caput magnâ editâ strage occupauerat, anno Christi supra millesimum quadringentesimum octauo decimo, mense Maio exeunte. Ergo Lirenſes à loco minùs tuti, dum rebus suis cautum esse volunt, Humbertum adeunt Comitem à Rupe, Dominum de Villarios excel & de Lireyo, qui Margaritam Charniensem, Gaufridi Ecclesiae suae institutoris neptem, in matrimonio habebat; rogantque vt vasa sua, sacrumque instrumentum reciperet in custodiam; atque in tuto collocaret,

inte-

104 DE LINTEIS SEPVLCHR. CHRISTI
interim dum Galliæ pax redderetur. Id enim uero non grauatè se facturum recepit Humbertus: atque ut fides constaret, litteras illis manu suâ ob-
signatas dedit sextâ Iulij M. CCCC. XVIII. quas è Gal-
lico vulgari idiomate sic expressi.

*Nos Humbertus Comes à Rupe, Dominus de Vil-
lariofexel & de Lireyo, notum facimus omnibus, quòd
rebus bello turbatis, metuentes à grassatoribus, accepi-
mus in fidem nostram ac tutelam, de manu dilectorum
Capellanorum Decani & Capituli Ecclesiæ nostræ di-
cti loci de Lireyo, sacra eiusdem Ecclesiæ vasa & san-
ctuaria infrà recensita: inprimis pannum, in quo est
figura ac representatio Sudarij Domini nostri Iesu
Christi, (loquitur Humbertus ex mente Clemen-
tis Antipapæ, quam alio loco reiiciemus) clausum
arcâ Charniænsis familiae calatâ insignibus. Item cru-
cem ex argento deauratam, trunci lignei specie, ramis
undique decisis, quâ vera Crucis particula includitur;
superiori parte, quatuor Euangelistarum iconismis in-
signem; ab imo verò cornu, Charniense gentilitium
stemma in scuto sustinentem. Item Angelum argen-
teum inauratum, turri tribus nixa columnis insiden-
tem, & utraque manu, clausum vasculo capillum
unum sanctissimæ Dei Matris exhibentem; in eâque
turri impositam basi equestrem statuam, Charniænsia
insignia gestantem. Ceteram supellectilem sacram
recen-*

recenset; Deiparæ Virginis puerum IESVM gestantis, sanctorum Ioannis Baptistæ & Ioannis Euangelistæ argentea signa: vas argenteum inauratum, in quo phialæ aliquot continentes *oleum beata Maria de Sardonay*, ciborium, thuribulum, minores duas hierothecas, omnia ex argento; tres altarium mappas. *Quæ omnia in castello nostro de Monte forti tutius custodienda accepimus, atque in fidem nostram recepimus à dictis Decano & Capitulo dictæ Ecclesiæ nostræ: ac sanctè spondemus nostro nomine, omniumque in quorum manus nostrâ causâ venire possent, nos illa eidem Ecclesiæ restituros, sedatis Francia tumultibus, & quoties dicti nostri Cappellani repetierint. In cuius rei fidem, præsentis litteras signo nostro obsignauimus, datas die sextâ Iulij, anno M. CCCC. XVIII.*

Diu fuit depositum in Humberti potestate: quo mortuo, vocatur in ius Margarita de Charny in Curiam Dolanam, vt sanctum Sudarium, aliasque Lipsanothecas, iam inde ab annis quinque & viginti, Humberti eius quondam coniugis tutelæ ac fidei creditum restitueret. Et tunc quidem aliam omnem religiosam supellectilem postulantibus exhibuit, sacrosanctum verò Sudarium negauit se id temporis reddituram; obtendens, rem esse familiæ suæ, quippe *illud ab auo suo*

O

Gau-

Ex dua-
bus tabu-
lis tran-
sactionis,
datis in
Curia Do-
lan^{1,8} &
9. Maij,
1443.

Gaufrido de Charny bello quondam partum fuisse; patere direptioni ac populationibus Lirensē Ecclesiam; cautionem suam esse, ne quā vi adorandum illud Dei munus eriperetur. Lite contestatā, ita denique conuenit, vt Margaritæ sacri depositi custodia in triennium prorogaretur, nempe ad octauam diem Maij anni M.CCCC.XLVI. eā adiectā conditione, vt certam Lirensi Ecclesiæ pecuniæ summam penderet, in emolumentorum, quæ ipsi à Sudario obuentura erant, aliquam compensationem. Exaëto triennio, similibus de causis, similique factā sponfione persoluendæ pecuniæ, impetrat Margarita ab Officiali Curiae Bisontinæ, dato instrumento xviii. Iulij, M.CD.XLVII. prorogationem custodiæ S. Sudarij advsque festum diem sanctorum Simonis & Iudæ, vicesimum octauum Octobris anni M.CD.XLIX. quo diē illucescente, ne tum quidem pia femina illo se diuino præsidio spoliari passa est; quin ad veteres excusationes, adiecto insuper promisso, se arcem munitam in Lireyo ad perpetuam sacri Sudarij omnibus retrò sæculis custodiam exstrui curaturam: pacta item solito maiorem pecuniam, per fratrem suum Carolum de Noyers, Dominum *de Vatefale & de Seigney*; abstulit à Præposito Trecensi publicas tabulas, sexto Nouembris anni M.CD.XLIX. confectas,

etas, quibus adhuc sanctum Sudarium ipsi apud se per totum triennium habere liceret. Verum illo nondum completo tempore, contigit, ut in oppido Camberiaci (quæ est Allobrogum Metropolis, & priscorum Sabaudia Ducum sedes) sacra Sindon à Margaritâ relinqueretur: citat enim Pingonius donationis tabulas, actas Camberij, vigesimâ secundâ Martij, anno M. CD. LII. & sanctæ Sindonis effigiem exhibet, expressam in nummis Ludouici Ducis, cussis anno M. CD. LIII. Fuit igitur Sindon in Burgundiâ per annos omnino triginta quatuor: nam præter citata instrumenta, & Marchionis Varambonij chartas domesticas, popularium traditione fertur, Sindonem illam quotannis publicè ostendi solitam extra S. Hippolyti fanum in aperto quodam prato, ad ripam Dubis, quod vocant *Domini pratum*. Et eius rei alia duo supersunt non obscura vestigia: alterum imago sanctæ Sindonis, anticam simul & posticam corporis partem referens, depicta ad parietem sacelli Buesserdorum, in Ecclesiâ S. Hippolyti, monumentum ibi conseruatæ Sindonis, aut insignis aliquius per eam accepti beneficij, cuius memoria intercidit: alterum arca cypressina, quæ hodieque extat in Villario sexel apud Marchionem *de Varambon*, illius loci Dominum, in quâ creditur as-

108 DE LINTEIS SEPVLCHR. CHRISTI
seruatum quondam scriniolum Charniensi insignitum stemmate, sacram Sindonem capiens.

Quæ porrò Pingonius refert de raptoribus sacræ Sindonis, quorum alteri contortæ manus, columque obuersum, alteri vsus oculorum ademptus; vtrique deinde cum pœnitentiâ sceleris, salus è vestigio restituta; deque mulo clitellario, Sindone onusto, qui ad portam ciuitatis, nequidquam premente à tergo mulione, obstinatè restitit; minimè in dubium voco: cùm id se asserat ex veteri tabellâ, Sindonis templo olim affixâ, atque ex Petri Pingonij proauis sui domesticis Commentariis hausisse; cumque de muli prodigio præsertim sit constans fama apud Sabaudos, etiam seniores, qui multò ante Pingonij librum, anno dumtaxat M.D.LXXXI. editum, id se à maioribus traditum, pro comperto habuisse testantur; adduntque, constitisse mulum ad eam portam ciuitatis, quâ itur in Burgundiam, vulgò *La porte de Maché*.

De suscepti autem à Margaritâ itineris occasione, certi nihil comperi. Narrant Sabaudi quidam, illam dedisse se viâ, vt captiuum carcere eximeret: sed vbi captiuum? addunt ex Burgundis nonnulli apud Turcas, in Græciâ, Asiâve: illa, inquit, gazam barbaris oblatam, rata captiuo salutis

luti fore, pretiosam secum suppellectilem auexit; inito prius consilio in monte, qui oppido S. Hippolyti adiacet, in Burgundiâ superiore, quem idcirco etiamnum *mali consilij montem* vocitant. Dum ergo Camberio iter habet, siue in aditu, siue in reditu, apud Ludouicum & Annam Cypriam Sabaudix Duces sacrosanctam Sindonem donum relinquit. At enim, ecquis ille captiuus? Humbertum coniugem dicunt nonnulli: falsò id quidem; cùm ex citatis cuiusdam transactionis tabulis octauâ Maij, anno M.CD.XLIII. Margarita *Humberti Comitis à Rupe vidua* dicatur. An Franciscus à Palude, dictus *de Varambon*, heres Humberti, (qui Comes à Rupe, ac Dominus Villarij-fexel dicitur in duobus instrumentis suprâ allegatis, quæ in Curiâ Dolanâ confecta sunt octauo & nono Maij, M.CD.XLIII.) qui ad bellum Turcicum cum ceterâ cruciatâ Nobilitate profectus, in manus hostium venerit, ac deinde Ludouici Ducis, vel Annæ Cypriæ operâ atque auctoritate suis redditus sit? Hoc verò adducor vt probabile iudicem; tum quòd per ea tempora infestum fuisse constet Orientem Mahumeti Secundi armis, qui etiam Constantinopolim diu obsessam expugnauit tandem vigesimâ nonâ Maij, anno Christi M.CD.LIII. vt post Martinum Crusium, Genna-

110 DE LINTEIS SEPVLCHR. CHRISTI
 dium Scholare, aliosq; adnotauit Iacobus Gordonus in Chronologiâ, non autẽ, vt alij quidam, anno M. CD. LII. tum quia Papirius Massonus, in Elogiis Ducum Sabaudię, in Ludouico, Margaritę manu datam ei à Marchione à Palude Sindonem dicit. *Quod verò, inquit, Marchionem à Palude in recordatione & memoriâ viuorum facit immortalem, donum ei, Margaritę Carnię illustris femina manu oblatum est; videlicet sacra Sindon vultum & faciem Christi referens, ceterasq; corporis partes, quanta erant, in xylinâ materiâ exhibens, quam quidem Cyprii Reges Ierosolymis attulerant.* Fortassis igitur captiuus hic Illustris, ad quem liberandum Margarita iter arripuit, Marchio à Palude fuit; qui grati animi ergò, ob acceptum à Ducibus beneficium, accedente etiam portento muli ad portam Camberiensem immoti, Margaritę suā for auctorq; extitit, vt sanctam Christi Sindonem ipsis vltro concederet. Verum quæcumque tandem causā Margaritam Camberium exciuerit, illud constat, quod ab initio narrationis huius proposui, non è Cypro, Græciãve vel Asiã proximè Camberium inuectam Sindonem; sed è Sequanis, ad quos è Campaniã aduenerat. Quæ porro exinde consecuta sunt, nunc persequamur.

CA-

CAPVT XIX.

Quid pro Sindone, ex eo tempore à Lirensibus actum.

SVRREXIT fama de Sindone Saluatoris Ducibus Allobrogum dono datâ. Et Lirenses grauius commoti queruntur iniuriam, ac in Margaritæ caput anno M.CD.LVII. ab Officialis Bifontini Sede, anathematum fulmina euocant: sed omnia in irritum cecidere. Desperatâ tandem causâ, ac Margaritâ fato functâ, Lirenses aliò consilia verunt, & à Ludouico Duce Parisiis adito, anno M.CD.LXIV. quando Sindonem ipsam auferre non poterant, annuos quinquaginta Francos auri, ad diem diuo Andreæ festum pendendos stipulantur, quibus illatum Ecclesiæ suæ damnum, ex retentione Sindonis, aliquâ saltem ratione refarciretur. Placet ipsas Ducis literas ex archiuo Trecensi proponere, prout tribus post annis, nempe M.CD.LXVII. quintâ Decembris, ex ipso autographo, ne illarum memoria interiret, omni fide à Trecensibus descriptæ, atque in publicum instrumentum transumptæ sunt.

Ludovicus Dux Sabaudie, Chablaisij, & Augustæ, sacri Romani Imperij Princeps, Vicariusq; perpetuus, Marchio in Italiâ, Pedemontium Princeps, Geben-

Gebennensis & Baugiaci Comes, Baroq, Vaudi, & Foucigniacy, ac Nicia, Vercellarum, Friburgi, Dominus, vniuersis modernis & posteris, rei gesta notitiam cum salute. Oblata nobis supplicatio pro parte venerabilium Oratorum nostrorum, Decani & Capituli Ecclesia Collegiata beata Maria de Lireyo, Trecentis Diocesis, in effectu continebat: Quod pridem agente in humanis spectabili milite Goffredo de Charny, Domino de Sauoyssy & dicti loci de Lireyo, ipse spectabilis miles pia deuotione motus, inter alias Reliquias per eum tunc collatas ipsi Ecclesia, dedit & largitus est quoddam sacratissimum Sudarium, effigiem Saluatoris & Redemptoris nostri Iesu Christi representans, per Decanum & Capitulum ipsius Ecclesia per eum fundata, tunc & in futurum existentes custodiendum, pro deuotione & salute animarum ipsius, ac benefactorum Ecclesia pradieta: etiam ut ex illius custodia, Ecclesia ipsa frequentius & libentius à Christicolis visitaretur, & ipsorum eleemosynis diuinus cultus uberius augetur. Quod quidem deuotissimum & colendum Sudarium metu guerrarum tunc ibidem vigentium, per Decanum & Canonicos ipsius Ecclesia pro tunc, repositum extitit custodiendum in manibus & potestate quondam spectabilis militis Domini Humberti Comitis Rupis, & Domini loci pradieti de Lireyo: qui morte praeventus, illud specta-
bili

bili Domina Margareta de Charny (eius quondam uxori) reliquit : quod exinde dicta Domina Margareta apud nos transtulit. Subiungentes prefati Decanus & Capitulum , eorum predictam Ecclesiam varia damna , & redituum attenuationem ex hoc sustulisse , & presentialiter sustinere : supplicantes hoc ideo , ut premissorum consideratione ipsum deuotissimum Reliquiarium sibi restituere , aut saltem oculos nostros pie & misericorditer erga eos diuertere dignareretur. Pro qua re nobiscum tractanda , concordanda , & paciscenda , ac concludenda , in presentiarum ad nos specialiter transmiserunt venerabiles viros , Dominos Nicolaum de la Rottiere & Joannem Larrecier Presbyteros dictae Ecclesiae Concanonicos , à Decano & toto Capitulo pramentionato sufficientem potestatem circa hac habentes , confirmatam , & obseruari promissam per Reuerendum in Christo Patrem Dominum Ludouicum , modernum Trecentem Episcopum , eiusque Officialem , constantibus tribus publicis literis signatis , & debite sigillatis , de quibus promptam & validam fidem fecerunt , easque penes nos reliquerunt. Nos itaque Dux prefatus , auditâ eorum supplicatione predictâ , cupientes eosdem gratiis & fauoribus amplecti , ut perinde suas solitas orationes & deprecationes valeant continuare , imò etiam augmentare , in honorem sanctissimæ & indiuiduæ Trinitatis , &

P

glo-

gloriosissima Virginis Maria, ad cuius exultationem Ecclesia prædicta fundata extitit, ut præmittitur, Et ne ob remissionem seu translationem per antelatum quondam Dominam Margaretam, de dicto sanctissimo Sudario (ut præfertur) nobis factam, iacturam patiantur: pioque & sincero deuotionis zelo, aliis etiam multis laudabilibus considerationibus animum nostrum quoad hac mouentibus, & quia sic fieri volumus, & nobis placet, dictis Decano & Capitulo, Ecclesia prædicta Collegiata de Lireyo, seu prænominatis Dominis Nicolao & Ioanni, nuntiis & procuratoribus eorum, propterea ad nos specialiter transmissis, hac omnia nomine quo agunt, euidenti utilitate dictæ Ecclesiæ pensatâ, acceptantibus & recipientibus ex nostrâ certâ scientiâ, motu proprio, ac pro nobis & nostris heredibus & successoribus uniuersis damus, donamus, largimur, conferimus, & in elemosynam, ac honorem Christi omnipotentis, proque salute & remedio animarum Illustrium progenitorum, nostriq; & nostrorum perpetuo successorum, concedimus & erogamus per presentes, quinquaginta Francos auri* p p moneta nostra Sabaudia annuales, deinceps per dictos Decanum & Capitulum, seu eorum Procuratores legitimos, ac eorum in dictâ Ecclesiâ successores, annis singulis in perpetuum lenandos, & percipiendos in quolibet Feste S. Andrea Apostoli,

* parui
ponderis

li, primo solutionis termino in instanti dicti B. Andrea Apostoli Feste incipiente. In videlicet & super preysijs, exitibus, valoribus, & alijs quibuscumque. emolumentis castri nostri Gaillardi prope Gebennam, & mandamenti eiusdem: quos, quas, & que dictis Decano & Capitulo, & suis in perpetuum successoribus propterea specialiter & expresse, ac pro nobis, & pro nostris predictis heredibus & successoribus seu causam habentibus, obligamus, & hypothecamus, per presentes, & his mediantibus, dicti Decanus & Capitulum, amodò in antea celebrare tenerentur, & sui in dicta Ecclesia successores, in magno altari dicta Ecclesie, pro salute & remedio animarum Illustrium progenitorum, nostriq, & nostrorum successorum predictorum, quolibet mense quamdiu fuerimus in humanis unam altam Missam de sancto Spiritu, & post huius carnis humana nostrum egressum, de Mortuis, cum Collectis solitis & debitis. Et ita facere promiserunt, & conuenerunt prefati Nuntij & Procuratores, nomine quo supra, tactis Euangelis sacrosanctis, in presentia Consiliariorum nostrorum subscriptorum sine obmissione aliquali, conscientias suas, & suorum in dicta Ecclesia successorum, propterea onerando. Mandantes idcirco Castellano nostro dicti castri Gaillardi, & mandamenti, presenti, & qui pro tempore fuerint, seu ipsorum loca tenentibus, sub pæ-

* per
ponderis

nâ quinquaginta marcharum argenti pro quolibet,
quatenus præmentionatos quinquaginta Francos au-
ri * p̄ p̄ dictis Decano & Capitulo, seu ipsorum legi-
timis procuratori aut procuratoribus, modo in antea
singulis annis in perpetuum, in Feste prædicto sancti
Andrea Apostoli soluant, & liberent, & realiter ac
integraliter expediant, in & super preysijs, exitibus,
& aliis promentibus dicti castri nostri Gaillardi, &
mandamenti eiusdem; sic quod merito habeant con-
tentari, recipiendo tamen per ipsos Castellanos, à præ-
fatis Decano & Capitulo, seu Procuratoribus eo-
rumdem, in primâ solutione cum copiâ presentium
debitè tabellionatâ literam guittationis, in aliis au-
tem sequentibus solutionibus, confessionem de receptâ
dumtaxat opportunam. Et nos huiusmodi quinqu-
aginta francos, quos, ut præmittitur, persoluerint an-
nuatim, eisdem Castellanis suis in computis postea
reddendis, per dilectos fideles Consiliarios, Presiden-
tem, & Magistros Camera computorum nostrorum
precipimus & iubemus indifficiliter allocari, sine ex-
ceptione & difficultate quibusvis, præmissa sic fieri &
obseruari volentes, pro nobis, & nostris prædictis he-
redibus, successoribusque, seu causam habentibus, qui-
buscumque regulis, statutis, & constitutionibus dicta
Camera, oppositionibus, exceptionibus, assignationibus,
& assignationum interruptionibus, literisq;, manda-
tis,

tis, & aliis omnibus in contrarium forè facientibus, & in perpetuum inaduerſenter concedendis, ſub quacumque verborum formâ & intellectu, reiectis penitus, & non obſtantibus. Quibus omnibus ex nunc, prout ex tunc, ac pro nobis & noſtris prædictis, ſub quorum onere huiusmodi largitionem noſtram remittimus, poſt noſtrum deceſſum prædictum protinus omnino & expreſſe derogamus, & derogatum fore volumus per præſentes, datas Pariſius die ſextâ Februarij, anno Domini M.CD. LXIV. à Natiuitate ſumpto. Sic ſignatum in margine altâ. Loys: & in margine baſſâ. J. Bolomyer & I. Gyport: & in margine altâ ſubſcriptum, per Dominum. Præſentibus Dominis Aymerico Epifcopo Montisfregalis, B. Epifcopo Nicienſi, Ioanne Compeſio Cancellario Sabaudie, Antonio de Fliſto Apoſtolico Protonotario, Amblardo de Viriaco Abbate Habundantie, Antonio Procheti Cantore Gebennenſi, Urbano Bonnardi Priore S. Viſtoris, Jacobo Richardi Præſidente, Humberto Pelluete Præſidente Gebennenſi, Ioanne Domino Baſtote Magiſtro Hoſpitij, Antonio Champiois, & Ioanne Malleti Theſaurario.

Neque his acceptis literis Lirenſes penitus con-
quieuère; quippe iactabant Philibertum Theobaldum, Margaritæ quondam à Secretis, cuiſque in cauſâ pro ſancto Sudario diſceptatâ fideiuſſo-

rem, ipsamque ad eam Margaritam (quod antè obitum absoluta non esset) inflicti olim anathematis vinculo adhuc irretiri; negabantque se consensuros ut absoluerentur. Quo audito literas dedit Dux Ludouicus Lutetiæ Parisiorum, xxiii. Maij, eiusdem anni M.CD.LXIV. ad Decanum & Capitulum de Lireyo; quibus rogauit, quando secum transegerent, & ipse perpetuam eis pecuniam pro sancto Sudario assignasset, abstinere ab eâ loquendi ratione, & Philibertum Theobaldum, atque etiam (si opus esset) Margaritam ipsam, sacris vinculis publicâ auctoritate exsolui paterentur. Anno demum M.CD.LXXIII. decimâ quartâ Maij, cum litteris ritè obsignatis destinati sunt à Lirensibus Procuratores ad Ducissam Sabaudia, Ludouici iam inde ab anno M.CD. LXVI. vitâ functi relictam, Marcus de Vaudrey Presbyter, in Decretis Licentiatus, Protonotarius Apostolicus, Canonicus & Archidiaconus Ecclesiæ Bisontinensis, & Hugo Mergey in Artibus Magister, simul annuos quinquaginta Francos auri, ex Ludouici Ducis transactione sibi debitos, & ab annis octo non persolutos exacturi; simul sacrosanctam Sindonem, præcipuum Ecclesiæ suæ decus ac præsidium enixè repetituri. Atque hic finis querelarum, quoad quidem cognoscere licuit. Nec verò fru-

frustrà tantùm, sed etiam fortasse iniuriâ sacram Sindonem Trecentes rem suam dixisse videbuntur, ei qui attenderit, quàm parum religiosè olim apud ipsos culta (quippe pro panno depicto, ut vidimus, habita:) quantum iuris ac potestatis fuerit Margaritæ Charniensi, clarissimæ feminæ, in rem auo suo partam, & in intuto loco periclitantem: quanto denique prodigio, muli ex improuiso consistentis, præpotens rerum omnium Deus, ut Ægypti quondam spolia Israëlitis, ita sacrum illud pignus Sabaudorum Principum fortissimæ piissimæque genti adiudicarit.

C A P V T X X.

Cambrèry religiosissimè habita Christi Sindon: miracula per eam edita: flammarum vim ut euaserit.

QUAE pietatem religionemque commendant, sacra ædificia, diuinorum officiorum celebritas, numismata, anathemata, votiua peregrinationes, populorum concursus, curationes supra naturæ vim, aliaque prodigia; horum nihil Sindoni apud Allobroges defuit. Proximo anno ab acceptâ Sindone, Dux Ludouicus de diuino munere palàm gloriari cœpit, cufis ex auro, ære, & argento nummis, hinc vultus suos, inde sanctam

120 DE LINTEIS SEPVLCHR. CHRISTI
 etam Sindonem ab Angelo trophæi instar subla-
 tam referentibus : cuius deinde pietatem imitati
 Carolus anno Christi M.CD.LXXXVII. & Emanuel
 Philibertus anno M. D. LXXVIII. simili emblemate
 sua aliquot numismata ornari voluerunt. Placuit
 hîc vnum omnium vetustissimum reddere ex
 Pingonio.



Firmius posuit suæ in sacrum linteum religio-
 nis monumentum Beatus Amedeus Ludoui-
 ci filius , piissimus Princeps , ac deinde ab an-
 no M.CD.LXVI. patre extincto Dux Sabaudiaë Ter-
 tius. Is primùm cùm Yolandâ coniuge, Caro-
 li VII. & Ludouici XI. Franciaë Regum , huius
 forore, illius filiâ , sacellum eleganti opere, intra
 arcis Camberiensis mœnia excitauit, quod Pau-
 lus II. Summus Pontifex dato Diplomate secundâ
 Maij anni M.CD.LXVII. in Ecclesiam Collegiatam
 crexit: & Sixtus IV. anno M. CD. LXXX. *Sanctam*
Cappellam sanctæ Sindonis appellari voluit. Hinc
 Iulius

Iulius II. Diplomate Bononiæ dato, sexto Idus Ianuarij, anno M.D.VI. rogatu Caroli Ducis, eiufque matris Claudix, Philippi quondam Ducis relictæ, Sodalitium in sancto Sacello Camberienſi inſtituit, in quo ad quingentos cenſeri poſſent: quo in Diplomate aſſerit conſpici in Sindone *imaginem & verum ſanguinem Domini noſtri Ieſu Chriſti*. Non ſolùm autem Sodalitio multa concedit priuilegia; ſed omnibus inſuper fidelibus, certis diebus ſanctam Cappellam viſentibus, in eaque orantibus, Indulgentias quaſdam largitur. Aliâ deinde Bullâ Romæ datâ ſeptimo Kalendarum Maij M.D.VI. conceſſit, vt in eo Sacello diuinum Officium ritu peculiari celebraretur; diemque ſanctæ Sindoni feſtum indixit, quartum Nonas Maïas. Acceſſerunt poſteâ aliæ noxarum remiſſiones à Laurentio de Campeggiis & Bernardo Cardinalibus Legatis, datis litteris in S. Cappellâ Camberienſi decimâ octauâ Maij, anno M.D.XVIII. Pontificatus Leonis X. anno ſexto. Alię deinde ab ipſo Leone anno eodẽ M.D.XVIII. die ſeptimâ Auguſti. Quæ demum à deceſſoribus ſuis piẽ ſanctęque vel inſtituta vel conceſſa fuerant, Clemens VII. datis anno M.D.XXXIV. tabulis affirmavit. In donariis quæ multa tempus abſtulit, illud non obſcurum, capſa ex argento inaurata ele-

Q' ganti

ganti opere, quam Margarita Austriaca, Philiberti Sabaudia Ducis octauī olim coniux, sanctæ Sindoni asseruandæ obtulit, circa annum M.D.V. vt ex sanctæ Cappellæ archiuo constat; è quo ad me hæc monumenta P. Franc. Chiffletius è Societate Iesv Sacerdos, frater meus optimus, qui mihi in hoc Opere (dum opportunè moraretur Camberij) fraternam opem suam egregiè præstitit.

Iam concursus populorum, maximè cū ad Vernetum campum spectanda Sindon exhiberetur, maximus fuit. Satis constat, B. Amedeum etsi non firmis viribus, sæpè tamen à Subalpinis ad Transalpinos humili cultu habituque, adorandæ causâ Sindonis, pedibus profectum; insequente etiam Yolanda à Franciâ, religiosissimâ coniuge. Carolum item Ducem, discusso sæuæ luis periculo, auito exemplo, traiectis itinere pedestri Alpibus, cum duodecim non ampliùs (quos sibi adiunxerat) viæ comitibus, Camberium anno M.D.XXII. ingressum, vota pro salute reduci ad sanctam Sindonem perfoluisse. Quin & Franciscum Primum, Francorum Regem, voti reum, quod ad sacrum Linteum in summo Italici belli discrimine conceperat, Lugduno Camberium, anno M. D. XVI. raro religionis exemplo pedibus aduenisse: referentibus Adorno & Pingonio. Ex
qui-

quibus intelligas, sacrum illud pignus Camberij quantâ semper in veneratione fuerit.

Nec verò diuina bonitas vinci se passa est officiis: præter ea miracula de quibus suprà, quæ tum contigere cùm primùm Sindon in Allobrogum potestatem venit, complura alia censentur sanè memorabilia. multa paucis strinxit Pingonius: *Dehinc non dictu est facile* (inquit) *quot nuncupata vota feliciter successerint, quot miraculis illustratus sit locus, comprobata conseruataq; loco sincera fides, & maiorum pura religio. Hic mutos loqui, audire surdos, videre cacos, claudos ambulare, leprâ affectos mundari, cacodemone vexatos liberari; mortuos denique reuiviscere, quoties visum est, & non semel admiratū? Testes sunt fixæ ad sacros postes tabulae, siue programmata, chartophylacia, codicilli publici: testis vniuersa Europa, cuius cū nulla non tam remota pars huc accurrerit, nullus non voti compos ad suos lares rediit. Hæc ille; qui deinde reliquis paginis vario poemate oppletis, vix quina senave miracula recenset. Indolui, & rerum gestarum monumentis apud Sabaudos summâ licet diligentia disquisitis, vix aliud quidquam comperi. In Sacello S. Sindonis, quatuor non amplius tabellæ extant, eæque vel nullâ, vel situ pænè oblitteratâ epigraphâ. Vna est adolescentis absque læsione ex ponte editissi-*

mo prolapsi; altera languentis puellæ: de quibus
 mox distinctiùs. Tertia adolescentis cuiusdam,
 qui (quantum ex laceri pæneque consumpti
 Epigrammatis verbis quibusdam colligere est) vi
 morbi penitùs excæcatus, nouemdiales ad Sin-
 donem preces vouerat, & post triduum ab illis
 inchoatis, visum diuinitùs recepit: non est adscri-
 ptum tempus; sicut neque quartæ tabulæ, ex quâ
 colligi videtur, feminam membris captam, quæ
 non nisi ligneis fulcris nixa incederet, voto Sin-
 doni nuncupato, incolumem abiisse. Plura ne
 quære in S. Sacello; nam in archiuo, ne verbum
 quidem. Fama est tamen, & affirmant viri adhuc
 superstites, prostitisse olim in eo Sacello anathe-
 mata plurima, quæ de frequentibus miraculis fi-
 dem facerent: ea verò vel incendio absumpta, vel
 aliâ temporum iniuriâ excidisse. Sed neque ipsa
 miraculo caruit miraculorum consumptrix flam-
 ma: historiam accipe ipsis Pingonij verbis, qui
 rei gestæ interfuit. *Sed dira, inquit, bellorum præsaga*
anno M.D.XXXII. demonstrata sunt, cum secundo
Nonas Decembres, Barbara Virginis festo die, no-
cte mediâ vix illabente, illud arcis Sacellum, in quo
Sindon reponebatur, flammis incognitis exarsit: ac-
currebant omnes, sed omnium diligentissimus Philib-
ertus Lambertus, Ducis à clauibus & consiliis, asci-

to secum ferrario fabro Gulielmo Pussodo nomine, & Franciscanis duobus; imperterrito animo per medios ignes gradiuntur, cancellos ignitos a maxima affixos, serasq; effringunt, Sindonem iam liquefactâ capsâ argenteâ extrahunt, & integram, cedente circum flammâ, reportant. Effusis ignibus grassabatur incendium, absumebantur marmora & columna; sed potentiore piorum hominû fide, viq; Numinis, superata est ignis natura: fugiebant flamma, & qui putabantur arsure, velut frigidore perfundeabantur, seq; ipsos sunt admirati, velut illis quondam Hebrais pueris contigisse credimus. Istud equidem palam omnes vidimus. (tunc enim aderam) & obstupuimus. Nec multo post Sindon publicè representata est integerrima; præter quod. (extra tamen sacra iconis partes) in complicatu, exigua quadam ambustionis nota, veluti perpetua miraculi testes remanserunt. Nihilominus non defuerunt, qui exustam eam max falso predicauerint. Quem casum ubi Clemens VII. Pont. Max. accepit, rem Ludouico Gorreuodo Cardinali, Sedis Apostolica Legato committit, qui inquisitione diligenti factâ, eam ipsam Sindonem, quæ antè fuerat, obsignatis tabulis affirmavit. Datæ sunt eæ Tabulæ decimâ quintâ Aprilis, anno M.D.XXXIV. ac postero die, (decimâ sextâ Aprilis) in publicâ Supplicatione Legatus ipse Apostolicus, ad diuæ Claræ Cœnobium in-

tra mœnia , sanctam Sindonem detulit , à piis Sanctimonialibus, ex leui illâ ad angulos adustione, restituendam: quo factò sacer pannus pari solemnitæ, & populi frequentîâ, in arcis Sacellum reportatus est. Sapienter super hoc miraculo philosophatus est Simon Maiolus Episcopus Vulturariensis. *Nec fortuitò id factum existimandum est, inquit, ut scilicet ambustionis in linteo signa conspicerentur, in icone autem nulla prorsus fuerit læsio. Id enim contigit, ut eâ ex re miraculi magnitudo adaugeretur, Sanguinisq; Christi priuilegium fuisse cognosceretur, non lini Cyprij aut Indici, quod non exuritur: nam si id humanâ arte fuisset aut pictum, aut delibutum, aut fortè lino Cyprio tela contexta putaretur, utrique rei vnum respondet miraculum: seruato enim lino, pigmenta omnia igni fuissent obliterata, emundato, non combusto lino: quod tamen tunc contrà euenit, ut scilicet linum certis locis combureretur, sanguis illesus perseueraret; ut non lini Cyprij priuilegium aut natura, sed diuina in icone potentia manifestaretur. Addo, & hoc magis videri cuipiam potuisse, Sindonem è lino Cyprio, siue amianto textam, nisi leuiter adusta fuisset, quòd ea è Cypro allata crederetur.*

Tom. 1.
Coll. 2.

CAPVT XXI.

Alia Sindonis Allobrogica clariora miracula.

AB illo incendio , quo superiorum temporum votiua tabulæ , & anathemata deflagrarunt , memorabilia aliquot per adorandum Linteum accepta diuinitus beneficia feruntur. Primum illud quod carmine adumbravit Pignonius : Puellam Camberianam N. Fusinam Guillielmi filiam , tantus inuaserat languor , vt stratis perpetuò affixa, ac trunco similis, vix ægra membra traheret : multis igitur in subsidium frustra vocatis numinibus , rogat denique parentes anno M.D.XXXIII. mense Maio , vt ad sanctæ Sindonis Sacellum se deportari curent. Curant ; ibi dum preces fundit, manus primum mouere incipit, tum assurgit in pedes, ac per seipsam graditur. In ipso loco percurata, actis Deo gratiis, longam vitam exinde viuit. Atque huius, ni fallor, miraculi *μνημόσυρον* tabella in Sacello superest, iacentem in cubili puellam vtcumque referens. Ab illâ malum præsens depulsum, alius imminenti exitio subductus est. Ad Rumiliacum Sabaudia oppidum , quaternis quinisque à Camberio leucis communibus diffitum, geminos colles à vertice com-

committit pons lapideus , quem torrens amnis
 vulgò *Cherant* dubiis incrementis subterfluit: lon-
 gitudò pontis passuum circiter quadraginta, alti-
 tudo summa vrbatarum ædium tecta, adeo que
 turres ipsas æquare dicitur; qui mensi sunt, affir-
 mant, quà altissimus est, quinque & sexaginta
 Geometricos pedes attolli. In eo ponte dum e-
 quitat Rumiliacensis adolescens (Petro Burgun-
 do nomen fuit) chirurgi filius, fortè in alium item
 equitem incurrit: & nescio quibus intemperiiis
 inter ferocientes equos oritur rixa, cum horrido
 hinnitu; nec fræno sustineri potuere: incutitur
 alter alteri; & Petrus cum equo, quo ferebatur, è
 ponte præceps ruit. Vidit eminus periculum in-
 felix pater, *O sancta Sindon*, ait, *filium meum*
serua. Iuuit dixisse, contrito equo contusoque,
 adolescens illæsus ac sospes euasit. Hoc Aprili
 mense anni M. D. xxxiv. & versu rem depinxit
 Pingonius. Appensa in sancto Sacello tabu-
 la beneficium testata est; & Petrus Burgundus
 Camberium itare solitus, ibique se Seruatori
 Christo clientem sistere, centenariò pænè par à
 paucis annis extinctus fertur. Sunt qui à matre
 pro filij salute in clamatam Sindonem dicant,
 quòd in tabellâ flexis genibus in extremo ponte
 depicta sit: sed gratias agentis illa est imago, non
 vouen-

vouentis; cùm Pingonius tunc viuens , & fama communis id patri ascribat. Verùm vtvt sit , seu pater votum concepit , siue mater , sacrosanctæ Sindonis ea virtus fuit , & Dei munus ; qui si cui benignam manum supposuerit , næ ille *cùm ceciderit , non collidetur*.

Sacri Lintei vim affirmant ista in res corporeas ; quod subiiciam , etiam in spiritales , adeoque in ipsos humani generis crudelissimos hostes. Incesserant mali genij viros aliquot , ac fœdum in modum distorquebant. Igitur mense Maio anni M.D. xxxv. cùm Sindon de more spectanda populo proponeretur , adducti energumeni ferreis vincti catenis , horrendo vlulatu & inconditis clamoribus omnia complebant : mox vt in panno explicato diuini Sanguinis ac Vulnerum notas suspexere , *Deus en adest* , exclamant , *abimus*. Dictum , factum : erupêre cum fulgore ac nebulis , stupente turbâ. Miseri illi sibi ac suis redditî , Dei beneficium agnouêre. Hæc metro illigauit Pingonius , testis ipse oculatus : & fama est , sic persæpè cacodæmones , cùm propalâm Sindon ad Verneteum campum exhiberetur , è mortalium quæ inuaseraut corporibus exturbatos.

Sed iam Sindonis dignitatem vel muti ipsi prædicent. Referam quod contigit in Pingonij villâ

R

Spi-

Spineteâ agri Taurinensis, quinto Kalendas No-
 uembris, anno M.D.LXXVIII. aliquot hebdomadis à
 Sindone Taurinum translata; de quâ translatione
 dicendum inferiùs. Vtar verò Pingonij verbis ip-
 sis eò libentiùs, quòd in domestico miraculo de-
 scribendo diligentior fuit. *Dùm scribendi finem
 facio, stylum iterum rei nouo miraculo adducor sume-
 re, quod vidi, quod domi gestum est, quod tota nouit
 vicinia. Id unum testor ego, nec subicere possum aut
 debeo. Anno superiore mutum quemdam Philiberta
 uxor in villâ Spineteâ nostrâ, agri Taurinensis, alen-
 dum fouendumq; commiseratione ducta susceperat.
 Is quinquennio antea ostiatim victum queritabat,
 nulu & articulorum signis animi sensa, non voce ali-
 quâ exprimere poterat, nisi quòd sicuti bruta ulula-
 ret; lingua in globum contracta, mandenti etiam offi-
 cium negabat, atque iniectis in os digitis, tritum den-
 tibus cibum in fauces demittere covebatur. Miseran-
 dus certè adolescens, ceterum ad operas non impiger,
 frugi, fidus, amabilis, acri memoriâ, nec tardo ingenio,
 & ad pietatem procliu. Quid accidit? Nuper cum
 Dux Emmanuel monitos quoscumque per praconem,
 ad urbis compita, tubis resonantibus voluisset, ut ad
 spectandam Sindonem statis diebus pararentur, ieiun-
 niorum, orationum, eleemosynarum beneficio, noxa-
 rum denique expiatione: ipse quoque, (ut patremsa-
 milias*

miliæ decet) & vxor, domesticos ad idipsum sumus exhortati. Muto inprimis varia exempla adducta sunt, quibus loquendi facultas diuini Numinis virtute (cuius certissima vestigia in Sindone refulgent) est restituta: idq; superioribus annis, Burgundæ virginis nobilissimæ, Camberij in ipso Sindonis aspectu feliciter obtigisse adferebatur. Ille verò hæc secum ita agit, ut exactis aliquot post diebus, tandem summo manè, qui dies v. Kalendas Nouembr. septuagesimo octauo de villâ redit, jam non mutus, mirantibus nobis fatur, & palam genibus inclinatus, gratias Deo agit, sanctamq; Christi Sindonem laudibus extollit, quam quinquies vidisse se, ad quinque Vulnerum Christo illatorum memoriam affirmat, & ieiunia quadam, quoad vixerit, Deo vouisse. Atque cum ieiunare cœpisset, præcedente nocte, somno profundo excitatum, dissolutam sibi linguam, cum cruoris effusione, cruentum os ubi aquâ abluit, IESVM CHRISTVM exclamasse, CHRISTIQUE SINDONEM, atque ita sospitem redditum fuisse. De singulis à nobis rogatus certiores nos facit, Baptistam se vocari, Chary oppido natum, patre Michaële, obscuro genere, matris nomen ignorare, & ijs iam diu orbatum, decimum octauum annum attingere, ut ex aspectu dignoscitur, sex abhinc annis non fuisse locutum, inuadente quodam morbo, siue magæ cuiusdam malis artibus conti-

R 2 gerit:

gerit: linguam nunc explicatam profert, nulla nodi aut cicatricis apparent vestigia, nec ad mansum ullis vltra opusest dactylis: & (ut paucis) quod prius apud homines desperatum fuerat, præsens Dei maximi summo munere, remedium adeptus fuisse cernitur. Ab hoc tempore pauca omnino censentur miracula, eaquæ potiùs in communi sermone, quàm in scriptis; quæ quia nec valdè illustria sunt, nec satis explorata, idcirco omittenda censeui.

CAPVT XXII.

*Quæ in loca Camberio deportata S. Sindon:
Taurinum denique ut venerit.*

SACRAM Sindonem Camberio exportatam primùm lego anno M.D.III. ad paucos dies, ut in Sebusianis Philippo Hispaniarum Regi spectanda præberetur: nec multò post à Claudiâ Ducissâ in arcem Billiacam ad triennium, nempe ad annum vsque M.D.VI. Exinde à Carolo Duce anno M.D.XXXV. in Subalpinos; apud quos septem & viginti annos seruata est: ac anno tandem M.D.LXII. postliminiò reuerfa, sed ad sexdecim dumtaxat annos; quibus elapsis Augustam Taurinorum inuecta est. Singula persequor. *Philbertus quoque Secundus* (inquit Pingonius) *Philippi*

lippi ex priore coniuge Margaritâ Borboniâ filius, cum patri successisset, duxissetq; Margaritam Austriacam, filiam Maximiliani Imperatoris, sororemque Regis Hispaniarum Philippi, hunc ipsum Philippum in arce Pontis Indis, Sebusiani agri, splendidissimè excepit anno M.D.III. & spectanda Sindonis ibi (quâ potissimum de causâ venerat) copiam fecit. De mortuo mox Philiberto, Carolus ex secundis nuptiis frater, cum Claudiâ matre rerum potitur. Hac sanctimonie incomparabilis femina, inter pretiosum mundum & iocalia hanc habebat Sindonem, & in Billiacâ arce Beugesij, ubi ad pietatem secesserat, religiosè diu conseruauit; donec anno M.D.VI. Caroli filij Ducis precibus, & patria votis, Camberianis populis restituit. Mox alterâ sequenti paginâ, Nec multo post, ait, ingrauescentibus bellis, expulsoq; Carolo Duce anno M.D.XXXV. pignus illud reditura aliquando salutis, ipse secum studiosissimè Vercellas detulit, & quamdiu vixit conseruauit. Eo verò vitâ functo anno M.D.LIII. expilatis à Prorege Carolo Cosseo Brissaco, mense Nouembri Vercellis, nihil tamen Sindoni sinistri contingere potuit: ille siquidem cum affectis appropinquans, obstupuit, pedem retraxit, hæc inuiolata Sindon Emmanueli Philiberto successoris conseruata est. Posteaquam autem fauente summo Numine pax illuxit anno M.D.LIX. restitutusq; est Emmanuel, du-

*Etâ Margaritâ à Franciâ, Regum filiâ, sorore, amitâ, & matre verè Regij Caroli Emmanuelis, Sindonem hanc Camberij reportari piè iussit, anno M.D.LXII. Per hæc quoque tempora Sindonem Niciæ aliquamdiu asseruatam fuisse, minimè dubium est, affirmatque Salmeron tunc viuens. Sindon etiam munda, inquit, quâ fuit sepeliendus Dominus, & inuoluendus à Iosepho ab Arimathiâ, quæ etiam hodie Niciæ ostenditur, reliquit integram Christi figuram, &c. Et Tractatu quadragesimo nono: Hanc autem (Sindonem quæ vtramq; corporis faciem refert) Dux Sabaudia in ciuitate suâ Ducali, vulgò Zamberic, prius habuit; deinde verò propter bella in Niciam Prouinciæ ciuitatem transtulit; vbi in die Sabbati sancti venerabiliter toti populo spectanda proponitur. Vt denique Camberio Taurinum Sindon translata sit, autumnno anni M. D. LXXVIII. sic narrat Pingonius ipso initio sui libri: Laboratum est graui pestilentia annis superioribus per maiorem Italia partem; Mediolano maximè malè cessit: peiusque timendum fuerat, nisi tot, tantis populis, tanta tamque ampla ciuitati fauissent Superi, & à Superis demissus Carolus Borromeus tituli S. Prædixis Cardinalis, & regionis Archiepiscopus vigilantissimus, opem sedulam tulisset. Is opibus quibus abundat, egen-
tes leuare, præsentia suâ morbo implicitos confirmare,
ora-*

Tom. 10.
Tr. 35.

oratione quâ pollet, & reipsâ languentes passim erigere, diuino etiam cibo reficere, nihil contagionis aut periculi deuitare, nihil humile aut minimum detrectare: quantum animo conniti, officio & labore contendere posset, id omne aquâ omnium & unâ salutis ratione exponere. Cûmque vetus fama inoleuisset, Camberij Sabaudorum emporio sacrosanctam Sindonem religiosissimè asseruari, ad quam nulli frustra aduersis temporibus confugissent, ille quoque, uti vir eximiè religiosus ac pius, ad ea vota confugit, & eò pedes accedere, supplexq; ibi Numen implorare & venerari proposuit. Quam rem ubi Dux Emmanuel Philibertus intellexit, non modo excipiendi tanti viri, sed etiam minuendi longi itineris, vel iniecto ipsis Transalpinis populis summo spectanda Sindonis desiderio, cogitationem suscepit. Itaque quamprimum Camberio Taurinum aduehi Sindonem, paucis arbitris (quasi aliud agens, uti ferunt tempora) mandat, comitante viro grauisimo Ludouico Milliæto Fabricarum Barone, Sabaudi Senatus summo Praside, qui paulo antè ad fœdus Helueticum feriendum solemniter à Duce ascitus fuerat. Tunc fortè Dux in Lucenti castellum, ad primum ab urbe Taurinâ lapidem secesserat, qui ad se primò allatam Sindonem magnâ cum veneratione prostratus excepit. Hoc Nonis Septembris anni huius sæculi LXXVIII. atque ad XVIII. Kalendas Octobres,

bres, Taurinum adducere distulit: quo die Exaltationi Crucis sacro, nihil ad pietatis carimonias pratermissum fuit. Multis deinde persequitur celebritatem peregrinationis S. Caroli Borromæi, quam etiam longâ Epistolâ descripsit Franciscus Adornus è Societate I E S V, qui sancto Carolo in eo itinere comes fuit; & retulit Ioannes Tonsus in Vitâ Emmanuelis Philiberti. Afferit porrò Pingonius, Ducem Emmanuelem Philibertum, pluribus litteris anno M. D. LXXVIII. ad Camberienfes datis, Sindonem ipsis se restitutum promississe: & fertur, Carolum Emmanuelem Ducem, ac Victorem Amedeum Principem eius filium, idipsum Camberiensibus pollicitos. Sanè queruntur Sabaudi, ex quo diuino illo pignore ac præsidio spoliati sunt, se perpetuis calamitatibus conflictatos: adduntque, Sindonem diuinitùs sibi adiudicatam videri, tum prisco illo muli ad portam Camberiensem consistentis miraculo; tum verò etiam, quòd multò pluribus atque illustrioribus apud se miraculis claruerit, quàm ex quo trans Alpes deuecta est.

CAPVT XXII

*Aliquid pro veritate Sindonis Taurinensis, contra
sententiam iniquam Clementis Antipapa.*

HENRICVS de Pietauiâ, & Petrus de Arceys, Trecentenses quondam Episcopi, de hac Sindone, cum in ipsorum Diœcesi asseruabatur, quàm malè senserint, ex dictis Capite decimosextimo satis intellectum est; quidque Clemens VII. Antipapa temerè de illâ sanxerit. Quod quia passim iactari scio in Franciâ & Burgundiâ, per quas plurima tabularum ad Sindonem Allobrogicam pertinentium sparsa sunt exemplaria, mearum partium esse duxi, scrupulum hunc populo eximere; ne cuius Sindonis cultus tantum piis mentibus præsidij attulit atque emolumenti, ea, sensim latius sparso illo rumore, aliis atque alijs despectui esse inciperet. *Nihil tam sacrum est*, inquit Seneca, *quod sacrilegium non inueniat*. Et verò, si ipsa, quibus certius esse nihil potest, fidei nostræ mysteria, integri aliquando, & maximi populi, Arij, Nestorij, Caluini, Lutheri, aliorumque hæresiarcharum deliria secuti, vocarunt in dubium; mirum nemini videri debet, si de Christi ac Sanctorum veris Reliquiis, quibusdam in locis

S ali-

138 DE LINTEIS SEPVLCHR. CHRISTI
aliquando dubitatum est. Scio, quod ex S. Augu-
stino & Glabro refert Baronius, anno Chri-
sti CCC.LXXXVI. & rursus anno M.XXVII. extitisse in-
terdum quosdam, qui falsas Reliquias lucri causâ
distraherent: sed impostores illi coërciti sunt, &
patefactæ illorum fraudes, non ferente Deo, vt in
iis quæ ad Religionem spectant publicus error in
Christianum populum irreperet. Et quamuis he-
reticus hoc ipso non sit (vt docent Theologi) si
quis de quarundam Reliquiarû veritate dubitet:
qui tamen pretiosiora quædam Lipsana, & longo
temporis decursu præcipuâ Religione culta, &
à prudentissimis quibusque pro veris habita, &
clarissimis diuinitus affirmata miraculis in du-
bium reuocet, næ ille stultissimæ temeritatis reus
iudicandus sit, & hæretico proximus. Iam Sin-
donis Allobrogicæ sanctitatem quid non com-
mendat? testimonia de cælo data recensui; quòd
qui eam furto abstulerant, cælitus castigati, cæli-
tus curati; quòd flammis inuicta, quòd dæmo-
nibus terrori, quòd saluti periclitantibus fuit.
Quid quòd tam diu tractata, vsu ipso non deteri-
tur? quid fulgor ille diuinus, qui nec eam à picto-
ribus exprimi patitur, & intimum pietatis sen-
sum, sacrumque horrorem, ac lacrymas ciet,
num cæleste nescio quid, & humano maius of-
tendit?

tendit? Quid quod Xystus IV. Pontifex Maximus in Opusculo de Corpore & sanguine Christi, in hoc sacro Linteo verum Christi sanguinem & imaginē, ab ipso Christi corpore diuinitus impressam conspici asserit: quod Sindonis elogium refert & amplectitur Iulius II. dato Diplomate ad annum M. D. VI. additque insuper, eam Sindonem, quippe sacri corporis & sanguinis attactu consecratam, non minùs quàm veram Christi crucem adorari debere? Quòd si constitisset, vt exposuit Petrus de Arceys, pannum illum humanâ manu depictum fuisse; cur quæso cum Gaufridus de Charny Lirensis Ecclesiæ piissimus fundator, tam pretioso scriniolo, propriis cælato insignibus reposuisset? cur Gaufridus alter, Gaufridi fundatoris filius, causam illam de ostensione Sudarij, ad Regem, ad Legatum Pontificium, ad Pontificem euocasset? cur Lirenses in Reliquiarum suarum Catalogo (suprà relato, in litteris Humberti Comitis) Sudarium primo loco reposuissent? cur dixisset Præpositus Trecentis, in Instrumento superiùs citato, anni M. CD. XLIX. *illud Jesu Christi Sudarium, esse præcipuum iocale Lirensis Ecclesiæ?* cur denique Margarita, rei ad familiam suam pertinentis satis conscia, eam Sindonem semel adepta, tam obstinatè retinuisset, vt

non Lirensium flagitationibus, non Iudicum sententiis, non multis pecuniariis ad eam restituendam vniquam adigeretur? nouerat illa scilicet domestici thesauri pretium, quod in Lirensi oppidulo vel ignotum delitescere, vel prædonibus propositum esse, pati non poterat. Falsa igitur, & diuinis humanisque testimoniis repugnantia locutus est Petrus de Arceys, siue quia ob præpeditam in cā causā auctoritatem suam, grauius commoto, de suo aliquid affingere promptissimum fuit; siue quia in rebus tot ante annos ab Henrico Episcopo gestis, hallucinari facile potuit. Pudet equidem in Episcopo Catholico idipsum cernere, quod in nefandis hæreticis Ecclesia damnat: licuerit enim Petro de Arceys miracula Lirensis Sindonis criminari, & pro confictis habere (qui hæreticorum hodie mos est;) quid verò dicturus esset de miraculis, quæ per illam apud Allobroges, tam multa tamque illustria contigere? num ea vocaret in dubium, quæ luce palam, in oculis ciuitatum ac populorum patrata sunt? Iam vt ad Trecentium Theologorum ineptias veniam, qui Christi corporis figuram remansisse negant in Sindonibus, quòd talis relictæ figuræ, nulla in Scripturis fiat mentio: ecquid aliud in sacra Sudaria iactauit Calvinus? *Euangelista*, inquit, *non scri-*

scribunt Christum imaginem sui corporis, Sindoni illi impressisse; mentiuntur ergo Papista, & imperitam multitudinem miserè seducunt, cum hoc affirmant. En quo patrono gaudet præceptis ipsorum & temeraria sententia. Audiant igitur cum Caluino, quomodo & sacris Linteis impressa Christi effigies, & aliæ non scriptæ traditiones, in Scripturis ipsis delitescant: *Sunt & alia multa, quæ fecit Jesus,* Cap. vii.
(inquit Ioannes) quæ si scribantur per singula, nec ipsum arbitror mundum capere posse eos qui scribendi sunt libros. Quod denique addidit Petrus, Sindonem Lirensensem arte humanâ depictam fuisse, tam mihi falsum esse constat, quàm verum est illum ex invidiâ, aliâve animi perturbatione, (inde scilicet exortâ, quòd duplici iam sententiâ silentium ipsi in causâ Sindonis impositum fuisset) talia fingere potuisse, aut, ut quàm mitissimè loquar, res ignorare ante annos triginta quinque in eâ controuersiâ gestas ab Henrico de Piçtauiâ; inter quem & ipsum, alij duo Trecentenses Episcopi intercessère. Omnino, cui iusticiæ mentis supersit, ad libranda rerum momenta; quique tot legitimorum Pontificum sanctissimæ æquissimæque decreta, bruto illi Pseudo-Pontificis fulmini, & paucorum perturbationi, tot diuina humanaque testimonia opponere no-

142 DE LINTEIS SEPVLCHR. CHRISTI
rit; libellum Petri de Arceys, atque etiam Cle-
mentis Antipapædictum, cuius piperis cucul-
lo posthabet.

C A P V T X X I V.

*Sindonem Taurinensem unde Gaufridus de Charny
trecentis pænè abhinc annis acceperit.*

HIC se noua aperit quæstio, vndenam Gau-
fridus Charniensis veram illam Christi
Sindonem acceperit, quam trecentis pænè ab-
hinc annis in Lirensi Ecclesiâ à se fundatâ con-
stituit. Ac mihi quidem historiarum monu-
menta, resque præsertim à Gaufrido gestas perlu-
stranti, certi nihil occurrit. Natus est Gaufridus
clarissimâ in Burgundiæ Ducatu familiâ de *Char-*
ny, cuius hodieque nomen retinet latissimus ager
(diruto eiusdem nominis castro) à Chabotio-
rum gente nunc possessus. Hunc apud rerum
Francicarum Scriptores primùm lego anno Chri-
sti M. CCC. XL. à Philippo Valesio Francorum Re-
ge, cum aliis Ducibus ac Magnatibus, Tornacum
missum, ad tolerandam, quæ ab Eduardo III.
Anglorum Rege parabatur, obsidionem. Inde
anno M. CCC. XLII. præfectum postremo agmini
exercitus Francorum in Britanniam ducti ad Ve-
netos

netos (ſeu Vannetenſes) Anglorum obſidione liberandos. Tum anno M.CCC.XLVI. Bethuniæ in Arteſiꝝ Comitatu, per tres hebdomadas obſeſſum à Belgis, qui cum Angliſ in itâ ſocietate Francos infeſtabantur; eos denique re infeſtâ abire coëgiſſe. Ad hæc anno M.CCC.XLVII. quo tempore Anglus Calitium obſidebat, in exercitu Philippi Regis, geſtaſſe Regium vexillũ, Aurifſtammam. Poſteà cùm Picardiæ fuiſſet conſtitutus Prorex, Kalendis Ianuariis anni M.CCC.XLIX. ab Aymerico illo Longobardo proditum, veniſſe in hoſtium manus: deinde verò liberatum (diuinitus an humanitus, alibi dixi) anno M.CCC.LI. ad Ardeam, vicinam Calitio urbem, cum aliis Francis, Anglorum aciem inſigni prælio proſtigat: ibique captum inter ceteros Aymericum proditorem, iuſſum à Gaufrido in perfidiæ pœnam, apud S. Audomarum quatuor in partes diſtrahi. Anno denique M.CCC.LVI. XIX. Septembris, in funeſtâ illâ clade Piſtauieſi, in quâ haud procul Auguſtorio Piſtonum, captus ab Angliſ, Duce Valliorum Principe, abductuſque in Angliam Rex ipſe Ioannes, eiufque filius Philippus Dux Turonenſis, poſteà Dux Burgundiæ, cognomento Audax, cæſus Dux Athenienſis Comeſtabilis, proſtigata miſerandum in modum Francica Nobilitas, ipſum

sum quoque Gaufridum de Charny, Regium vexillum gestantem cecidisse. Verum in his omnibus nihil ad Sindonis originem. Ioannes Boterus in Ludouico Sabaudia Duce, dicit eam à Rege Ierosolymitano in Cyprum allatam. Papirius Massonus item in Ludouico, Ierosolymis aduectam ait à Cypriis Regibus. Ioannes Tonsus à Regibus Ierosolymitanis ad Reges Cyprios peruenisse. Similia Alphonsus Paleotus, & ex his alij recentiores. Sed cum isti omnes, vno excepto Massono, errent in Margaritæ familiâ ac patrio solo, nec meminerint Sindonis à Gaufrido Charniensi olim in Galliis possessæ iam inde ab anno M.CCC.LIII. pronum est suspicari, hos Auctores ab Annæ Cypriæ (cui Sindon à Margaritâ primò tradita est) familiâ inductos fuisse, vt Sindonem è Cypro deriuarent. Margarita de Charny in tabulis citatis anni M.CD.XLIII. Sindonem illam asseruit ab auo suo Gaufrido bello partam; sed vbi, & quo tempore, minimè aperit. Illa haud dubiè è Palæstinâ in Græciam allata fuerit, inde verò in Franciam per sacros milites. Quibuscumque tandem viis, & quacumque ratione sacer ille pannus ad Gaufridum peruenit, constat eum esse ex illis vnum, quem ipsummet Christi corpus suis distinxit lineamentis; siue eo linteo inuolutum in sepul-

sepulchro fuerit, (vt vulgus existimat;) siue ob-
 ctum dumtaxat ante pollincturam, de quo nunc
 agendum paulò accuratiùs.

CAPVT XXV.

*Sindonem Allobrogicam excepiſſe cruentum Chriſti
 corpus, & de Cruce recens depositum; non illud in
 ſepulchro poſt pollincturam obtexiſſe.*

PINGONIUS & Palcotus Calſtino & hæreticis
 obiicientibus, Sindoni, ſi vera eſſet, debuiſſe
 imprimi inſtitarum notas, quibus ex ritu ſepul-
 turæ Iudaicæ, Chriſti manus & pedes ligari o-
 portuit; non autem capitis, quod proprio Suda-
 rio inuoluebatur; reſpondent, ideò non apparere
 inſtitarum veſtigia in Sindone Taurinenſi, quòd
 ea ſacroſanctum Chriſti corpus non in ſepulchro
 ipſo iam lotum, vnctumque, ac inſtitis ligatum
 complexa ſit, ſed cruentum, & recens è cruce de-
 poſitum exceperit. *Numquid enim non conueniat*
(inquit Pingonius) Chriſtum mortuum duos nobi-
liſſimos habuiſſe pollinctores, vnum Joſephum Ari-
mathenſem Decurionem, aſſiduum ſiue diuitem; al-
terum Nicodemum, itidem virum pium: emptam-
que à Joſepho Sindonem mundam, à Nicodemo aro-
mata aloës & myrrha: Sindonem, vt depositus de

T cru-

cruce Christus illicò tegetur, inuolueretur, honestè exciperetur, donec de sepulturâ & apparatu prospèctum esset, & inuolutus in monumentum deferretur: aromata autem, ut postquam delatus esset in hortum, ad fores monumenti, ritè lauari, inungi, linteis siue ligaminibus aut fasciis, quæ odorata iam diximus, obligari posset. Atque ita utrumque subsistet, & Sindonis veritas, & sepultura ritus. Neque certè pollinctura eò loci satis commodè aut honestè ab officiosissimis viris peragi potuit, neque satis tutè, cum maximè Iosephus dicatur à Joanne occultus fuisse Christi discipulus, propter metum Iudeorum. Igitur distinctè ut dicamus, hunc sepultura apparatus hoc ordine rectè exposuerimus: ut Ioseph primò corpus Iesu è cruce receperit; secundo receptum hac Sindone inuoluerit, seu contexerit potiùs, tertio ad ostium monumenti delatum, unguentisq; delibutum, aliis linteis ad hoc ipsum paratis circumuoluerit, sicq; ligatum, atque inunctum, patria more sepulchro condiderit. Quis enim vero simillimum non dicat, Iosephum non aliter mundam Sindonem mercatum fuisse, quàm ut sacrosanctum corpus de cruce depositum statim exciperet, totumque à capite ad pedes, ad decorem & reuerentiam obnuberet? Quare rem sic se habuisse dixerimus, Sindonem hanc pedescirciter duodecim longam, tres latam & eo amplius, stratam extensamq; primum humi, aut in
 appa-

apparatâ tabulâ fuisse, tum de cruce refixum, deductumve, medio linteo ad tabulam superimpositum; deinde Sindonem reliquam à capite ad calces reiectam, & toti corpori accommodatam; atque ita elatum, & in monumento positum. Inde facile contigit, ut corpus flagris, sentibus, plagisq; acerbissimis recens saucium, eductis clavis, cruore fluens, tabo sudoreq; madens, refricatis ex agitatione corporis vulneribus, ex vuido intinxerit, singula impresserit, & ipsammet formam in Sindone repræsentauerit, concurrentibus circa medium linteum verticibus, complicatis manibus, & pedibus ad utramque oram hinc inde protensis, unde auersi & aduersi hominis adumbratam effigiem, & integram symmetriam, quasi quibusdam descriptis delineamentis deprehendas, præsertim si ex obliquo, captato figura lumine, remotis facibus intueare: ut videre est, non modo contemplari, argumento ab effectu & reipsâ validissimo. Hæc ille accuratè satis; cui si quis opponeret Bullam Iulij II. datam anno M.D.VI. ubi dicit Sindonem Camberiensem eam esse, in quâ Dominus noster Iesus Christus in monumento positus, inuolutus fuit; responderet, (& appositè) Pontificem non eo loco decretum sancire, sed ex vulgi sententiâ loqui. De hac igitur totâ re, ut dicam quod sentio, illud inprimis affirmare aulam cum Pingonio, Sindone Allobrogicâ non

fuisse inuolutum Christi corpus in sepulchro, sed tantum ante pollincturam, ex quo è cruce reflexum est: quod quidem ut existimem, non facit ea quæ Pingonio id maximè videtur suasisse Caluini obiectio (alio enim loco rationem attuli, cur neque in Sudario Vefontino, quod intra sepulchrum ipsum latuisse dubium non est, institarum notæ extare debuerint;) sed alia argumenta maximè duo. Primum est, quòd in Taurinensi linteo cruenti corporis existunt vestigia, sparso in brachiis, vultu, pectore, humeris, aliisque corporis partibus, & coagulato sanguine, iis ipsis locis, quibus hæere debuit, pro situ & membrorum positione, quam Christus è cruce pendens habuit. Illum autem concretum sanguinem lotione atque vnctione detersum, dubitari nequit, cum neque vlla eius appareant vestigia in Vefontino Sudario, quod curato iam corpori appressum, retulit tantum notas sanguineas quinque Vulnerum grandiorum. Igitur Sindon Taurinensis non in sepulchro, sed ante pollincturam diuino corpori adhæsit, & diffuso circumquaque redemptionis sanguine liberaliter infecta est. Alteram rationem mihi suppeditat velum, (quod Aquisgrani ostenditur,) quo Christi crucifixi pudenda obtecta sunt; cuius veli in
vtra-

vtraque Sindonis parte distinctissimè cernuntur vestigia: vnde etiam probat Salmeron, Christum ^{Tom. 10. Tr. 35.} cruci affixum iis partibus tectum fuisse. Illud autem nemo iure dicet, in sepulchro relictum, cum nullum eius vestigium extet in Vefontino Sudario; neque sic obtectas vmquam mortuorum partes, ratione vllâ vel auctoritate probari possit. Sic igitur rem gestam arbitror: deposito de cruce sacro corpori detracta est spinea corona, relictum velum quo partes obtegebantur. Quia verò nec commodè nec tutè satis curari potuit cadauer à Iosepho & Nicodemo viris honoratis, & occultis præ metu discipulis, in ipso cruciatus loco, debuit aliò deferri: at quomodo honestè, nisi tectum? In tabulâ igitur ligneâ, linteo stratâ extensum est; quod linteum deinde à capitis vertice ad pedes reiectum, vtrique corporis faciei adhæsit: sic obductum, delatum est ad pollincturæ locum, non procul à sepulchro; vbi ritè perfusum inunctum-que, aliis pannis, & nominatim Sudario Vefontino inuolutum est. Sindonem enim quâ recens è cruce exceptum fuerat, quippe vndique cruentatam, perluto perpurgatoque corpori iterùm admoueri non decuit. Illud igitur Linteum, quo tectum Christi corpus à cruce ad pollincturæ locum deportatū est, Sindon est Taurinensis: quam

Pingonio non abnegem, præcipuè significari Sindonem illâ mundâ, quam mercatus Ioseph, eaque depositum Domini corpus inuoluisse dicitur: quamquam ea vox *munda Sindonis* (vt alibi iam monui) ad sepulchralia quoque lintea extendenda videatur.

Cap. 10. Atque ex dictis apparet, Sindonem Taurinensem non esse Sudarium, quod Ioannes dicit fuisse super caput Domini; (quidquid in contrarium afferat Paleotus cum Mallonio:) nam Sudarium intra ipsâ sepulchri septa corpus vestiebat, Sindonem autem illa intra sepulchrum non fuit. Quòd verò nec sit Sudarium illud, de quo mira refert Beda; alio loco demonstraui ex linteorum longitudine diuersâ.

CAPVT XXVI.

De Sindone Compendiensi.

COMPENDIENSES in Picardiâ Gallię prouinciâ, seruant in Ecclesiâ S. Cornelij lintheum candidum, ad instar serici aërij tenue, quod *Christi Domini Sindonem* vocant; eò loci per Carolum Caluum, translatus ab Aquisgrano, vbi priùs habebatur munere Caroli Magni Imperatoris. Hoc manuscripti codices docent, firmantque
Nico-

Nicolaus Gillius in Carolo Caluo & Philippus de Bergamo in Chronico anno D.CCC.X. quibus operæpretium addere visum est Instrumentum hoc præclarum archiui Compendiensis.

Vniuersis orthodoxis atque fidei Catholica cultoribus, Focaldus de Bonneual Sueſſionenſis Episcopus ſalutem in Domino ſempiternam. Notum facimus quòd hodie data præſentium ex ordinatione, & ſedulâ Domini noſtri Franciſci Francorum Regis piſſimi huiusce nominis Primi eſſagitatione, in venerabili Eccleſiâ Cœnobij B. M. Virginis, & ſanctorum Martyrum Cornelij & Cypriani de Compendio, Ordinis S. Benedicti, ad Romanam Curiam nullo medio pertinentis in Sueſſionenſi Diœceſi, nobiſcum congregatis Reuerendis in Chriſto Patribus, Franciſco Episcopo Ambianenſi, Ioanne Oliuier Abbate Monasterij S. Medardi Sueſſionenſis, ipſius Domini noſtri Regis Sereniſſimi Chronographo; Nicolao Parent Abbate Monasterij B. Mariæ de Vrſicampo Nouiomenſis Diœceſis, ſacra Theologia Profeſſore; Fratre Guilermo Parui, præſati Domini Regis confeſſionum audiotore ordinario, & pro Rege aſſiſtente, necnon venerabilibus & Religioſis Fratribus, Roberto Orget Priore Clauſtrali, Petro de Marâ Theſaurario, Antonio Brion Priore Prioratus S. Petri Cœpendienſis, Ioanne Parquier Præpoſito, & aliis Religioſis dictæ Eccleſiæ
Com-

Compendiensis simul assistentibus ; unà cum circum-
spectis viris, Magistro Roberto Cenalis sacra Theolo-
gia Professore, Pœnitentiarioq̃, Suefsionensi, Magistro
Laurentio le Tondeur Curia spiritualis Cõpendiensis
communi Vicario, Ioanne Datiches Ecclesia Collegia-
ta S. Clementis Compendiensis Decano ; honorabili-
busq̃ viris, Magistro Laurentio le Caron in Legibus
Licentiato, ac Domini Balliui Siluanectensis Locum-
tenente, Magistro Petro Meurien Procuratore Regio,
& Magistris Nicolao de Henault & Laurentio
Thibaud Iurisperitis , memorati Cœnobij Compen-
diensis Consiliariis , pluribꝯque alijs & Ecclesiasticis
& secularibus viris, ad aperiendam capsam purissimo
auro conflatam, gemmisq̃ pretiosissimis fabricatam,
inquâ quidem sacrum & venerabile Lintheamen ab
Euangelistâ Sindon munda nuncupatum , & quo
Dominicum corpus triduo in sepulchro inuolutum est,
ab Imperatore siquidē Carolo viro Christianissimo &
totius Orbis Monarchâ magnifico , in prasato Com-
pendiensi Cœnobio repositū, & cum cordus eximiâ de-
uotione in vase eburneo conditum, & postmodum in
huiuscemodi capsâ, à Mathilde piâ Anglorū Reginâ
transmissa , ad Philippi Dei providentiâ Francorum
Regis Serenissimi deuotam intentionē , in eius presen-
tiâ & plurimorum Reuerendorum Prasulum , alia-
rumq̃ dignitatum personarum, unà cum innumerosâ
plebis

plebis multitudine extitit introclusum; prout id nobis per litteras authenticas ipsius Regis Philippi, quarum subscribitur tenor, constanti fide innotuit.

In nomine Patris, & Filij, & Spiritus sancti, sanctæ & indiuiduæ Trinitatis. Philippus Dei providentiâ Francorum Rex pijsimus, ammonitus diuinâ Dei propitiatione, & Fratrum Compendiensis Ecclesiæ supplici commotione, & præcipuè creberrimâ flagitatione Christianissimæ Mathildis Anglorum Regine, placuit nobis, ut Domini & Salvatoris Reliquias, quas Imperator Carolus* vir Christianissimus, & totius orbis Monarcha magnificus, Compendij in loco Regio & venerabili posuerat, & cum summâ deuotione in vase eburneo condiderat, inde in aliud vas, quod prædicta Anglorum Regina auro, gemmis & pretiosissimis lapidibus mirificè ornatum & decoratum Ecclesiæ Compendiensi transmiserat, deponeremus. Factum est igitur hoc sicut ordinatum & dispositum fuerat ab Episcopis, & Christi fidelibus, die Dominicâ Latæ Ierusalem, quæ est media Quadragesimæ: & peractis triduanis ieiuniis, exposita sunt illa sacrorum sacra, Lintheamen videlicet in quo Dominicum corpus in sepulchro iacuisse perhibetur, quod Sindonem secundum Euangelistam nominamus. Et ex eburneo in supradicto vase aureo deposita, cum gratiarum actione, & votis fidelium, congregatâ innumerabili

& infinitâ Christianorum multitudine. Ad memoriam itaque tam præclara tamq̃, celeberrima solemnitate, statutum & decretum est à nobis, & ab Episcopis nostris, quatenus prædicta Dominica media Quadragesima, omni tempore sollemnis & authentica, apud omnes fideles, qui ad eundem locum pro indulgentiâ suorum peccaminum, per merita beatorum Martyrum Cornelij & Cypriani impetrandâ, omni annorum reuolutione redirent, haberetur & celebraretur. His igitur feliciter expletis, & perpetualiter sicut decreuerat firmatis, donauimus eidem Ecclesiæ, Fratribus videlicet & Thesaurario communiter telonium totius negotiationis, necnon & latronem, & omne ius & iustitiam fori, telonium etiam panis, & omnia fore-facta fori, in quocumque loco commissæ fuerint, per tres dies, ipso videlicet die Dominica solemnitate, & antecedente & subsequente die eiusdem celebrationis. Quòd si acciderit forum esse de iure S. Clementis, vel S. Mauricij, statutum & concessum est à nobis, ut decem solidos accipiant pro telonio suo Canonici prædictarum Ecclesiarum à Fratribus & Thesaurario S. Cornelij. Constituimus etiam concedente Thesaurario, & me confirmante, ut in tribus supradictis diebus, totius oblationis, quidquid in Ecclesiâ aut extra Ecclesiam oblatum fuerit, mediam partem habeant Canonici, reliqua verò sit Thesaurarij. Hæc autem

tem

tem omnia quæ superius diximus, eo tenore Ecclesia tradidimus, ut per singulos annos, infra Quadragesimales dies, pascant Fratres Ecclesia eleemosynarium unum in eleemosynâ Caroli, pro salute & remedio animæ meæ, & antecessorum, successorūq; nostrorum. Et ut inuiolabilis & indiuulsa permaneat traditio nostra, Regiâ auctoritate indiximus, & excommunicari ab Episcopis nostris fecimus, ne aliquis ex nostris successoribus vel familiaribus præsumat prædictæ Ecclesiæ subtrahere, quod ei firmiter & perpetualiter tradidimus. Quocircâ præceptum istud manu propriâ firmavimus ✠, & sicut decreuimus & stabiluimus, ita impressione nostri sigilli signari fecimus, & Regiâ auctoritate ratum & firmum perpetualiter esse præcipimus. Actum est hoc Compendij in Palatio Regio, anno ab incarnato Verbo Dei M. XCII. Indictione XV. Hubertus Cancellarius scripsit & subscripsit.

SIGNVM PHILIPPI GLORIOSI FRANCORVM REGIS.

Sanè siquidem negotio huiusmodi assumpto, non abs re visum est, eodem contextu illud exequi, prout hac in re vires præberet Dominus. Igitur ieiuniis, excubiis peractis, & orationibus crebris ad eundem Dominum effusis, atque capsâ huiusmodi super altare Reuestiarij præfati prætensâ ac expositâ, & ex eâ per aurifabrum ingeniosum diligenti opere laminâ argenteâ inferius exinde actâ, quodam ligneo & admodum

paruo ostio reſerato, in eadem capsâ prius se obtulit
 paruum linteolum parui Corporalis instar plicis tribus
 complicatum: subsequenter fasciculum panno sericeo
 diuersorum colorum loris sericeis circumligatû, infrâ
 inuentum, inde extractum est: quo siquidem explica-
 to, aliud lineum pannum, in cuius extremitatibus tres
 erant lineæ diuersorum colorum uno artificio contextæ,
 unâ cum alio paruo panno sericeo albo, in quibus, in
 rotundo globo, longitudinis trium palmarum, & la-
 titudinis duarum, similibus modo & formâ quibus
 pijsſimus ille Philippus Francorum Rex prænotatus
 introcludi decreuerat illud augustiſſimum ſacraſiſſi-
 mumq; maximè venerandum linteamen ex puriſſimo
 & tenuiſſimo lino contextum extitit repertum. Tunc
 præſatus Reuerendus Pater Ambianenſis, Præſuli-
 bus, Abbatibus S. Medardi, noſtra Domina de Vrſi-
 cāpo, Confessore Regio, Priore clauſtrali, Theſaurario,
 ac Notariis ſubrogatis ſecum aſſiſtentibus, eidem oſcu-
 la figens, longiuſculam habuit ſupplicationem, genibus
 flexis Chriſtum omnium Sanctorum Regem laudan-
 do, venerando, adorando, & ipſum in ſuis exuiis
 inuocando. Nec mora, ad nos idem Ambianenſis Præ-
 ſul, illud ſacraſiſſimum paſſionis D. N. Ieſu Chriſti
 pignus, ad ſacratum & maius altare, maiorem in
 modum, venerandis Sanctorum Reliquiis, pretioſis la-
 pillis, nonnulliſq; ornamentis adornatû, Sacrificium
 (quod

(quod peculiariter Missam nuncupamus) celebrantes, pro suâ humanitate attulit. Quod itaque ad manus modestissimè acceptum, officiosè, purè, sanctè & deuotè, non sine lacrymis venerari & adorari censentes, in finem Sacrificij super altare (Christum Dominum nostrum representans) cum reuerentiâ collocauimus. Proinde Sacrificio Missæ expleto, ac Cantico latinitæ & exultationis, Veni creator Spiritus, (quatenus suæ charitatis ignem immitteret, roremq; calestem infunderet) decantato, libet illud exuiarum Christi pignus astanti plebi, pronè, supinè, & Domino iugiter seruienti, ac intentè spectandum præferre, ad Dei beneficium agnoscendum & venerandum, qui suâ bonitate cunctis lucet & clarescit: unde publicus declamator ad huiuscemodi plebem, pro manifestandâ veritate, & eorum mentes à falsitatis errore astus maligni (qui ad decipiendas animas callidissimus est Sophistes) auertendo, verba fecit. Tandem nostro ex Officio nos unâ cum Prasulibus & Officiariis Regis prælibatis, illud venerandissimum Christi pignus in eius capsâ recondi decernentes, ex Fratrum Religiosorum præfati Cænobij, proborumq; virorum Compendiensium sedulâ ac importunâ instantiâ, solemnem Processionem (in quâ nobiscum Prasules, Fratres Cænobij, Prædicatores, Minores, Ecclesiasticiq; plebs Compendiensis conueniens) instituimus: nequit enim pa-

ternitas nostra silentio praterire , quòd ille populus Compendiensis admodum deuotus in Concione publicâ tunc habitâ in atrio Cœnobij, ad illa visibilia passionis D.N. Iesu Christi monumenta venerandissimâ deuotione afficiebatur, quadringentis vigintiq; quatuor annis latitata, spectanda oculis corporeis offerri, non quòd fidem in hisce quæ offerebantur collocaret , sed quòd ab Ecclesiâ recepta ac verè approbata arbitraretur. Demum circa horam tertiam postmeridianam, nos suprasatus Episcopus Suefionensis ad instantiam supradicti Domini Cōfessoris Regij, unâ nobis astantibus dictis Dominis Patribus religiosis Priore & Thesaurario, Officiariis Regiis & Notariis, sacrum & sanctissimum Linteum pramemoratū successiue modo & formâ quibus inuolutum & inuentum fuerat, in eius capsâ recondi fecimus, sigillisque Reuerendi in Christo Patris prædicti Domini Ambianensis Præfulis, Conuentusq; prædicti Cœnobij Compendiensis, ac superscripti Domini Locumtenentis Ballui Siluane-tensis communiri huiusmodi capsam ad laminam argenteam, de parte inferiori; eam reponi cum Reliquiis (donec ex consilio Serenissimi Regis Francisci alioqui ordinatum extitisset) iussimus & mandauimus. Ad laudem D.N. Iesu Christi, qui pro nobis mortuus & sepultus est, verè descendit ad inferos, regna tartarea iustè subacturus, perfracturus, spoliaturus;

rus, qui verè tertiâ die resurrexit à mortuis, sedet nunc in dexteram Patris; cui cum aeterno Patre & Spiritu sancto communis honor, par gloria, aqua potestas per infinita seculorum secula. Amen. De & super quibus omnibus & singulis litteras per Notarios subsignatos fieri mandauimus & iussimus, unâ cum appensione sigilli nostri. Acta fuerunt hac hodie vicesimâ primâ Octobris, anno Domini millesimo quingentesimo decimo sexto.

Ego Antonius Raguet Presbyter, Artium liberalium Magister Sueſſionensis Diœcesis, publicus facultate Apostolicâ & Imperiali, Curiaq; spiritualis Beluacensis Notarius iuratus, quia præfatis Congregationi, capsæ apertioni, sanctissimæ Sindonis D. N. Iesu Christi inuentioni, omnibusq; aliis & singulis, dum sic (ut præmittitur) per prædictum Dominum Episcopum Sueſſionensem, & coram eo agerentur & fierent, præsens fui: eaq; sic fieri vidi & audiui, ac innotam sumpsi, signoq; & nomine meis solitis & consuetis, unâ cum præfati Domini Episcopi Sueſſionensis sigilli appensione præsentem litteras signavi, in fidem, robur & testimonium præmissorum requisitus & rogatus. Sic signatum, M. Fabri, Reuerendi in Christo Patris & Domini D. Ambianensis Episcopi Secretarius: de Beauregard Secretarius præfati Reuerendi Domini Sueſſionensis Episcopi, & Araquet.

¶

& sigillatum tribus sigillis in cerâ rubeâ sub duplici caudâ pergameni impendentibus.

Sindonem Compendiensem, cuius tam vetus est in Galliâ Belgicâ religio, quamque Claudius Campegius in libello de Locis sanctis Galliæ, scribit imagine Christi Domini minimè signatam esse; dixerim ego toti Christi corpori intra monumento septa extrinsecus circumuolutam, supra institas ac Sudarium Vescontinum; quemadmodum Taurinense linteum idem Christi corpus cruentum ac rigidum è cruce excepit.

CAPVT XXVII.

Alia othonia pro linteis Christi sepulchralibus habita: ectypa pleraque: sanctuaria: brandea: linteamina Martyrum, & veterum Christianorum.

OΘONION Græcè significat quoduis λινὸν ὕφασμα, *quamuis è lino texturam*, è quâ parabantur *linea*, seu vestes è lino contextæ. Glossæ veteres habent, *linreamen*, ὀθόνιον; *lintearius*, ἰθονιακός, & ὀθονιοπώλης: alibi, numero multitudinis, *lintea*, ὀθόνια; vt in funere Meletij Episcopi Antiocheni, Gregorius Nyssenus dixit πανθύνικως, *Sindones mundas*; & in mysterio Christi rediuiui, Ioannes τὰ ὀθόνια: quod arguit, plura sepulturæ Domini-
cæ

cæ adhibita fuisse, vt suprâ iam declaratum est.

Quamobrem non mirum, (inquit Gretserus) *si plu-*^{1. de}
ribus in locis plura inueniri dicantur, cum reuera plura^{Cruce}
^{c. 85.}

fuerint. Petrocorij in Monasterio Cadunio, Diocesis Cadurcensis, linteum quoddam tenue pro Christi Sudario seruant, per Monachos Bernardinos ibidem collocatum, anno Domini M.CCC.XCIX. auctore Nicolao Gillio in Chronicis. Serarius in rebus Moguntiacis ex MS. veteri narrat, S. Bilhildem accepisse à Kunegunde Principe feminâ *Sudarium quo Christi Domini caput & facies in sepulchro lecta fuissent*; eiusque partem alibi notat seruari Moguntiae in alto Virginum Monasterio, & quotannis postridie Paschatis, ex ambone quodam, facibus praelucentibus explicari, & populo monstrari. In Theatro Antiquitatum Parisiensium descriptum extat Diploma Balduini Imperatoris, datum apud S. Germanum in Laya, anno Domini M.CC.XLVII. quo concedit inter alia Ludouico Francorum Regi *partem Sudarij, quo inuolutum fuit corpus Christi in sepulchro.* Petrus à Beek in Aquisgrano suo refert, in Monasterio S. Cornelij, mille passibus Grani aquis dissito, Ludouicû Pium Imp. posuisse *Sindonem mundâ, quâ Ioseph inuoluit corpus Domini, & partem Sudarij, quod fuerat super caput eius.*

Part. 1.
cap. 8.

Fortè hæc ipsa est Sindon, quam deinde Carolus Caluus Ludouici filius Compendiensibus dedit. Sindonem Christi sibi quoque vendicant in Vrbe, Ecclesia S. Ioannis Lateranensis, & S. Mariæ Maioris, teste Attilio Serrano in libello de septem Urbis Ecclesiis. Pingonius, Mallonius, & Prosper Bonafamilia indicant, similia possidere in Lusitaniâ Turdetanos, & in Inferiore Germaniâ Traiectenses; quod tamen falsum esse certâ eruditorum relatione comperimus. In quadam Lipsanothecâ Ecclesiæ Carnotensis seruatur portio Sudarij Christi, ex Rolliardo de rebus Carnotensibus. Alias Sindonis particulas variis Sacrariis sparsas non commemoro.

Loc. cit.

Horum verò Linteorum, quæ pro veris Christi Sindonibus vel Sudariis, variis locis haberi solent, alia sunt pura & candida, alia imagine Christi Domini iacentis insignita. De pictis plerisque, credo facilè, cum Gretsero, *huiusmodi sacra pignora, & Lipsana, ex imitatione aucta, & ex prototypo sapius expressa, occasionem dedisse posteris, ut sibi persuaderent se verum exemplar possidere; cum non nisi imaginem ex primo Sudario vel Sindone effigiatam haberent: qui error omni culpâ caret, cum & in primis illis, & in his quæ ad imitationem illorum adumbrata sunt, vnus Deus, Redemptor noster honoretur.*

retur. Vlyssipone primariâ Lusitaniæ vrbe, extra muros, in Monasterio Virginum *Matris Dei de Enxobregas*, ostenditur die Iouis Hebdomadæ sanctæ, Sudarium cum imagine Christi Domini, sed ectypon. Mallonius disertè asserit, ex Camberiaco Linteo alia exemplaria excerpta esse, quæ in magnâ existimatione, vt par est, seruantur: & nos ex Vefontino idem factum suprâ ostendimus. Adde quòd olim pictum frequenter in Sindonibus Christum, adstruunt verba Leontij Episcopi Neapolitani in Cypro, quæ leguntur in Secunda Synodo Nicænâ. *Christum* (inquit) *Christiq; passionis, passim in Ecclesiis, in domibus & foro, in picturis, in SINDONIBVS, in promptuariis, vestibus, omnibus denique in locis hanc figuram ponimus; quò continuo contemplantibus nobis hac in mentem veniant, & non obliuiscamur Domini Dei nostri.*

Lib. 5. A-pol. cõtra Iudæos.

De puris & candidis Sudariis, aliæ rationes adferri possunt. Inprimis, mortuos olim, quamuis pretiosis vestibus indutos, Linteis etiam obuoluebant. Asterius vir Senatorius (apud Eusebium) cum Marino Martyri præstò adesset, ipso mortis articulo, simul atque è vitâ migrarat, *cadauer tollit, splendidâ & pretiosâ obtegit veste, atque humeris impositum inde deportat; quod cum magnifico & sumptuoso linteo obuoluisset, decenti sepulchro condidit.*

Lib. 7. Hist. c. 14.

Sur.To.1. An gradus Monachus in Vitâ Ansberti Rhomagensis Episcopi, qui floruit anno Domini DC.LXXXII. *Sanctum illud corpus magnâ fidei ambitione vestitum est, ac desuper linteis ceratis obuolutum.* Ita crediderim piè lineas aliquot *ὑποβόλας*, interiori sepulchro Christi instratas, quò molliùs quiesceret corpus inuolutum: aliquot iterùm lineas *ὑπερβόλας* eidem pietatis ergò superinductas, ante sepulchri obturationem; cùm Petrus & Ioannes dicantur vidisse à resurrectione *τὰ ὀθόνια* numero plurali: imò etiam sub institis plura linteamina diuino corpori vel substrata vel superextensa fuisse nihil vetat, vt alibi dixi.

Baron.
ad Mart.
15. Iunij,
& an. 55.
n. 12.

Legimus quoque in sacris Historiis, cùm vetus Ecclesiæ Romanæ consuetudo non tantùm abhorreret, vt corpora Sanctorum Româ transferri pateretur; sed nec tenues Reliquias ex iis detrahi vel tangi quoquomodo permetteret; solitos Christianos sudarium, vel aliquod aliud velum desuper admouere, quod dicebatur *Sanctuarium*, siue *Brandeam*, quod ex illo contactu magnam operandi miracula facultatem consequi consueuerat. S. Germanus, & eius collegæ, Legati Apostolici, in Rescripto, quod dederunt ad Hormisdam Pontificem, sub Consulatu Rustici, anno Domini

ni

ni D.XX. cùm essent Constantinopoli; *Iustinianus filius vester magnificus* (inquiunt) *res conuenientes fidei suæ faciens, Basilicam Apostolorum, in quâ desiderat SS. Apostolorum Petri ac Pauli, & B. Laurentij Reliquias esse, constituit: sperat per paruitatem nostram, ut prædictorum Sanctorum Reliquias celeriter concedatis. Habuit quidem petitio prædicti viri secundum morem Græcorum; & nos contra consuetudinem Sedis Apostolicæ exposuimus: accepit rationem. Et quia talis est eius seruator fidei, qui meretur quidquid de Sede Apostolicâ depoposcerit; & talis est qui sperat, unde & salus anima & fidei accrescat; talibus desideriis postulata competit non negare. Vnde si Beati tudini vestra videtur, Sanctuaria beatorum Apostolorum Petri & Pauli, secundum morem ei largiri præcipite; & si fieri potest, ad secundam cataraetam ipsa Sanctuaria deponere, vestrum est deliberare, &c.* Extant in MS. Codice Vaticanæ Bibliothecæ, Hormisdæ Papæ ad eosdem Legatos de eadem re scriptæ litteræ; aliæ itidem ad Iustinianum, quibus significat Pontifex se tantum Sanctuaria mittere.

Iterum anno Domini D.XCIV. cùm in memoriam S. Pauli, Constantina Augusta Ecclesiam ædificasset in suo Palatio, putauit ipsa eam decorandam esse aliquibus Apostoli Reliquiis; cuius

rei causâ scripsit ad Gregorium V. Romanum Pontificem , vt Constantinopolim mitteret eiusdem Apostoli caput , vel partem aliquam corporis. Gregorius tam liberam Augustæ petitionem benè longâ epistolâ prudenter elusit, & inter alia hæc rescripsit : *Cognoscat tranquillissima Domina , quia Romanis consuetudo non est, quando Sanctorum Reliquias dant , vt quidquam tangere præsumant de corpore ; sed tantummodo in pyxide brandeum mittitur , atque ad sacratissima corpora Martyrum ponitur ; quod leuatum , in Ecclesiâ quæ est dicanda , debitâ cum veneratione reconditur ; & tanta per hoc ibidem virtutes fiunt , ac si illuc specialiter eorum corpora deferantur. Vnde contigit , vt beata recordationis Leonis Papa temporibus (sicut à maioribus traditur) dum quidam Græci de talibus Reliquiis dubitarent , prædictus Pontifex hoc ipsum brandeum allatis forficibus inciderit , & ex ipsâ incisione sanguis effluerit . Ad finem denique , etiam ipsum S. Pauli sudarium recusauit , his verbis : Sudarium verò quod similiter transmitti iussistis , cum corpore eius est ; quod ita tangi non potest , sicut nec ad corpus illius accedi . Per brandeum & sanctuarium velum intelligi debere cense* Baroni-
us , quod alibi Gregorius appellat *velamen* admoueri solum sanctis Martyrum corpori-

L. 3. ep. 30

L. 4. ep. 44
L. 12. De
cret. 4.

poribus ; quod Romani Pontifices ad clarissimas personas & Ecclesias , pro magno munere transmittere solebant. Vnde mirum non est , si lapsu temporum , quædam illorum pro *sanctuariis* dicta sunt , ut prius , *sudaria* ; & verò attributa ipsi Christo , mirandorum quæ per ea patrabantur Auctori. Ita de clavis Dominicis , qui plures hodie reperiuntur , Baronius : *Accidit fortasse alicubi* , inquit , *ut clavis aliquis inter* ^{An. 316. n. 54.} *sacras Reliquias asseruatus , quo mystica membra Christi , nempe Martyr quispiam confixus est , idem unus ex ipsis Christi clavis fuerit existimatus. Quidquid sit , fides (ait Ambrosius) purgat facinus , cum nemo fidelium ferrum colat , sed Christi potius passionem veneretur & adoret in ferro. De linteis sepulchralibus Martyrum idem dici nihil vetat , quos constat linteis inuolui solitos. Eusebius quidam in Ægypto Diaconus , non multò post Laodiceæ in Syriâ Episcopus (Eusebio Historico teste) vigente Valeriani Cæsaris persecutione , anno Christi cc. lx. summo studio linteamina , quibus corpora beatorum Martyrum vitæ defunctorum inuoluerentur , neglecto vitæ periculo confecit. Abibum Diaconum Martyrem , ^{Baron. n. 52.} Edessæ in Syriâ passum anno ccc. xvi. propinqui & amici pretioso linteo circumdederunt. Mulieris*

Ep. 49. ris septies i&te *cruentum cadauer* (apud Hieronymum) *Clerici, quibus id officij erat, linteis obuoluerunt.* Et consuetudinem illam tenebat Præses ille, qui Tharacum Martyrem sic aliquando est allocutus: *N'onne sic te perdam, ut antea prædixi, & Reliquias tuas, ne muliercula in linteamine corpus tuum inuoluant, & vnguentis & odoribus adornent?* Neque Martyres tantum, sed & alios viros sanctos & Christianos, ministri, qui vocabantur *Labo- rantes*, cum linteis sepeliebant. Morem tetigit

Apud Surium.

10. Cath. Prudentius:

*Candore nitentia claro
Pratendere linteas mos est,
Adspersaque myrrha Sabao
Corpus medicamine seruat.*

In Cant. S. Gregorius affirmat suo tempore lota corpora, vncta, & linteis inuoluta. Discipuli S. Antonij inuolutum magistri corpus humo operuerunt.

Sur. To. 6 Corpus S. Huberti Leodiensis Episcopi *ablutum est lymphis, & circumdatum tristibus peplis.* Denique Dionysius Episcopus Alexandrinus, vbi narrat pia Christianorum officia erga defunctos, cum pestis in Ægypto grassaretur, sub Valeriano Imperatore: *Quin etiam, inquit, Sanctorum corpora manibus erectis, supinisq; excipere, gremio suo reponere, occludere oculos, ora obturare, gestare humeris*

Euseb.
1. 7. c. 17.

cada-



cadauera, decenter ornare, illis adhærescere, amicè complecti, lauare accuratè, & linteo funebri inuoluerenon grauati sunt. Idem mos etiamnum hodie viget per vniuersam Galliam & Germaniam, nisi quòd corpora ibi linteis toralibus obuoluta consuuntur, non verò institis obligantur. Fortè igitur alicubi Martyris cuiuspiam prisçi æui, aut alterius viri sancti Sudarium, pro Christi Sudario colitur.

CAPVT XXVIII.

De sepulchralibus Christi Domini fasciis distinctius.

FASCIA, *ῥαβία*, sumitur pro quouis vinculo plectili & lineo, *ῥαβία τῆς ῥαβίας*, quod est *extendere*, quia in longum extenditur, latitudine angusta. Eâ stringebantur olim vel quædam corporis partes, vel corpus vniuersum. In capite dicta est Syriacè *ῥαβία*; *ῥαβία* mitra, Græcè *διάδημα*, Latine *vitta*, de quâ intelligendus Dio Chrysostomus, Or. 66.
de Gloriâ. ubi ait: *Si quis aliis caput illasum fasciis obligaret, omnibus esset ludificatui; Regibus tamen id honestum putant, & multa hominum millia pro eo linteolo mortem oppetierunt. Vittati quoque fuerunt Sacerdotes & Poëtæ; & capillos in capite mulieres colli-*

Y ga-

a De lin-
gua Lat.
b 7. Ænei.
c 1. de
Nuptiis.

gabant fasciolâ, quam^a Varro *textam* vocat,^b Virgilius *crinalem vittam*,^c Martianus Capella *vinculum sociale crinium*. Fasciam pectoris Glossæ veteres vertunt *ἐνὸςδεσμον*, *pectorale vinculum*, quo cohibebant sinum puellæ; quas mætres studebant esse

Teretius. *Demissis humeris, victo pectore, ut graciles essent.*

Lib. 8. Adhibitæ sunt etiam in calceatu fasciæ, Plinio
cap. 57. auctore. Iureconsulti vocant *fascias crurules* &
De auro & arg. leg. *pedules*, quas reponunt inter ornamenta mulie-
bria; in quibus censenda quoque est *instila*, Luta-
tio Placidio, *fasciola quæ imam stola partem suo
pingit ornatu.*

InOrtho- Truncum corporis vniuersum, cum artubus
graph. supernis & infernis, strinxerunt in infantibus *τὰ
ἀσάγαρα*, siue *ἀσάγανώματα*, Auctori Etymio-
logici, *αἱ πρώτη φασκία*, *prima fascia*; Bedæ
cunabula, siue *panni infantie*. Ab hoc lucis ru-
Procem. lib. 7. dimento, inquit Plinius, *hominem vincula exci-
piunt, & omnium membrorum nexus*. Itaque felici-
ter natus iacet, manibus pedibusq; deuinctis, *flens
animal, ceteris imperaturum; & à suppliciis vitam
auspicatur, unam tantum ob culpam, quia natum est.*
Infantem primis constrictum vinculis hîc exhi-
bemus, ex marmoreâ pilâ veteri; Româ Antuer-
pîam

piam aduectâ, in ædes Petri Pauli Rubenij, rerum antiquarum seduli spectatoris.



Fascias infantiae Saluatoris, (siue *pannos, quibus inuoluit eum Virgo Mater*, habuit Eudoxia Theodosij coniux à Iuuenale Ierosolymitano Episcopo; quas deinde ab Eudoxiâ acceptas, Pulcheria Augusta collocauit in templo τῆς ὁδῆς ὡν, *via ducum*, cum imagine B. Virginis à S. Lucâ depictâ. Anniversariam diem festam, Augusti tricesimam primam, à Christiano populo ipsis actam, testantur encomia Patrum, apud Lipomanum, eâ die in Ecclesiâ recitari solita. Hodie creduntur diuissæ variis locis. Habentur Romæ in templo S. Mariæ Maioris, Constantinopoli illuc allatæ: Duaci, in templo S. Amati: Augustæ Vindelicorum, in æde

Lucæ c. 2.
Baron.
an. 439.

Niceph.
l. 14. c. 2.
Baron.
453. n. 22


Tom. 6.
31. Aug.

172 DE LINTEIS SEPVLCR. CHRISTI
summâ D. Virginis : in basilicâ Diuæ Carnoten-
sis , & alibi.

Nec propriis fasciis defuncti caruere : æquum
quippe erat , hominem redire ad sua initia , vt
quemadmodum lucem auspicatus fuerat , ita &
iaceret mortuus ; non tantũ in cunis , sed in sepul-
chro etiam vincula pateretur. Hesiychius vocat
ἐπιθανάτια ἐστετυλυνμένα , postremas illas institas,
quarum interuentu cadauera linteis commodiũs
obnuberẽtur. Ægyptios vinculis vfos in sepelien-
do , scripsit Herodotus , & obseruauit in Ægypto
Princeps Radziuilus. Nos quoque Venetiis cada-
uera condita vidimus , è vicinis Cairo sepulchre-
tis (è quibus mumia peti solet) allata , quæ simili-
bus tæniis circumligata erant. Romæ in quibus-
dam cœmeteriis obseruatæ sunt hæ figuræ , rudi
manu adumbratæ.

Lib. 2.

Epist. 3.



An

An Mercurij in vmbras mortuorum imperium habentis, & qui

*Traditur extinctas sumpta moderamine virga
In lucem reuocasse animas?*

Prud. 1.
contra
Symm.

Sanè, cùm imagines reliquæ in catacumbis illis Christianæ sint, & resurrectionem sæpiùs reprobant; vti Ionæ viui è ventre ceti prodeuntis, Danielis inter leones intacti, trium Puerorum in fornace Babylonicâ à morte seruatorum; crediderim ego has ad Lazari fuscitationem potiùs referendas, quam primi Christiani, in spem resurrectionis, sepulchris suis insculpi voluerint vel appingi. Atque ita censuit Ioannes Macarius in suis Hagioglyptis nondum editis. *Dum vides* (inquit) *adiculam instar templi cuiusdam, aut sacelli, ad quam gradibus ascenditur, in cuius vestibulo velut puerulus inuolutus fasciis erectus; quem virga quidam adstans attingit: infans ille, Lazarus est; adicula, monumentum; virga tangens, Christus, qui Lazarum excitat à mortuis.* In virgâ nihil hæreo, quæ potestatis miraculorum effectricis haud dubiè symbolum est: non item in ratione inuolucris, quæ Capitibus septimo & octauo satis superque explicata: sed ad illam puerilem staturam, dico, redditum suis initiis, & quasi renascentem Lazarum, rectè hoc modo pingi potuisse; quem scribit Ioan-

Orat. in
Public. &
Phar.

nes Constantinopolitanus, *in monumento cunabulis inuolutum*; & Basilus Seleuciæ Episcopus, *tamquam è sepulchro natus, & cunarum fasciis impeditum*: sic enim ille: Ε' κείθεν αἰετὶν ἡ δὲ νεκρὸς τέλει ἡμέρῃ, ἅ τ' εὖ θανάτῳ περικείμενῃ σύμβολα· καὶ τὸν θάνατον διπλυσάμεν, πλεὺς τὰ φεσολωσὶς ἡλλαῖσατο, ἀλλ' ἐφίσατο ταῖς χειρῶν, ὡς ἐκ τὰ φε τεχνεῖς, ἔ μὲν τόκον φέρων ἅ παρ' ἄνα· *Inde exiliebat mortuus, quadriduanus, mortis circumferens symbola; & cum expoliasset se morte, sepulchri stolam non mutauerat, sed adstabat cum fasciis mortuariis, tamquam è sepulchro natus, & post partum ferens infantia fascias.*

Cap. 19.

Sacrofanctum Christi corpus exanime, sudario velatum, & aliis linteaminibus inuolutum, fasciis eiusmodi obuinctum fuisse, indicat verbum ἐδένον, *ligauerunt*, in Ioannis Euangelio, quod futuram planè excludit à Iudaico ritu, iuxta quem Lazarus ligatus fuerat manus & pedes χειρῶν, hoc est, (vt Lexicum vertit) *fasciis sepulchralibus*, quæ ex telâ confectæ erant, linteo inciso, non per transversum, sed in longitudinem, sicut intextum est, sectione ad stamen directâ, vt vult Galenus. Iuuenius Poëta de Lazaro:

Lib. de
Fasciis.

*Nec mora, connexis manibus pedibusq; repente
Procedit tumulo, vultum cui linea textit,
Et totum gracilis connectit fascia corpus.*

Basi-

Basilii Oratione de eodem: Παρὴν ὁ Λάζαρος τρώ-
 παυον αὐτοχέλιον καὶ τὴ θανάτου φερόμενος. παρὴν μηδὲ
 τῶν ὑποφύων κρείων καὶ αὐτὸς τὸν ἄδην. δεδεμένος
 ἐξήλθει· ὃς πόντος ἐφεργν, ἀλλὰ χάρις ἐπέβρωσε: Aderat
 Lazarus, velut extemporaneum trophaum, aduer-
 sum mortem se proferens. aderat, ne infernum qui-
 dem relinquens heredem fasciarum sepulchralium. li-
 gatus prodiit: non enim pedes ferebant, sed gratia de-
 derat alas. Nonnus de Christo Domino:

Λεπταλέας ὀβόησαι ἐμπερώσαντο θανάτῳ

Σῶμα, πολυπλέκτω ἐλίκων ἐνώδεϊ δεσμῷ,

Ὡς ἔθ' Εὐβροίῳις ἐπιτύμβια θεσμά φυλάσσιν:

Tenuibus linteis circumdederunt mortui corpus,

Multiplici circumvolutionum fragrante vinculo,

Ut mos est Iudæis sepulchrales ritus servare.

Augustinus memorat institas, quibus totum corpus Lib. 3.
Conf. E-
uang. c. 7.
Christi alligatum est. Et Pulcheria Augusta fascias
 illas Christi Domini, quas resurgens reliquit in
 monumento, sedulo à fidelibus conservatas col-
 locavit vnà cum tumulto Domini in templo Sa-
 pientiæ à se exstructo. - *Pulcheria opus est* (inquit Lib. 1. 4.
cap. 2.
 Nicephorus) *sacrum Dei Genitricis templum, quod*
Blacherna dicitur, dignum illà ipsa Verbi Matre,
quod inhabitaret iudicatum domicilium, sicuti fi-
lio eius, quod Sapientia vocatur, cuius diuinum tu-
mulum, & sepulchrales fascias inuentas, cum ve-

nera-

176 DE LINTEIS SEPVLCHR. CHRISTI
neratione maximâ ibi reposuit. Audio partem illarum adhuc seruari in Aquitanicæ Galliæ ciuitate Albiensi.

CAPVT XXIX.

E quo lino texta sint sepulchralia lintea Christi Domini, & quo textura modo.

Lib. 19.
cap. 1.

LINVM, quasi λεῖον, *lene & aquabile*, significatione latâ sumitur pro omni eo quod aptum est ad texturam, siue id submini strentherbæ, frutices, arbores, siue etiâ lapides. Plinius Asbestino lino principatum tribuit in orbe toto, quod ignibus non absumeretur, vnde *vinum* vocabant: mappæ ex eo ardentes visæ in focis conuiuiorum, fordibus exustis, splendescentes igni magis, quàm possent aquis: rarum fuit inuentu, & difficile textu, propter breuitatem; è quo tamen olim Regum funebres tunicæ, fauillam corporis separabant ab reliquo cinere. Hoc ego linum non ex plantâ confectum puto, sed ex Amiantho lapide Cyprio, qui malleis contusus, excussâ tertâ superfluitate, capillamentis suis lini speciem retinet, atque in telam textitur: hinc vela, quæ ignibus iniecta ardent quidem, sed iniecta flammis splendidiora exeunt, auctore Dioscoride. Hoc vsum

Lib. 5.
cap. 113.

Athe-

Athenis putant Callimachum in aureâ, quam fecit, lucernâ, quæ diutissimè ardebat, oleo non nisi post exactum annum dissipato, vt scribit Pausanias: idque in Carystiâ rupe gigni tradit Plutarchus, molli & lapideo filo, è quo mantilia, retia, & reticula, capitum integumenta conficerentur.

In Atticis.

De Orac. def.

Proximus deinde honos tribuitur lino byssino, mulierum maximè deliciis, circa Elim in Achaiâ genito. Philostratus in Apollonio, byssum nasci ait, in arbore, pede populo simili, foliis autem salici: & memorat Themistius γραμματὰ δερχάια βύσσῳ λευκῇ ἐνδελιμυδία, litteras per antiquas byssocandidâ innuolatas, Susis & Ecbatanis Antiochiam missas.

Lino xylyno sua non deest gloria: nascitur in superiore parte Ægypti vergente in Arabiam, è frutice quem aliqui *gossypium* vocant, plures *xylon*: paruus est, similemque barbatae nucis defert fructum, è cuius interiore bombyce lanugo netur, è quâ lintea fiunt nullis candore mollitiæve posthabenda.

Est & *amorgis* lini species, Suidæ λινοκαλάμη, vnde *amorgina*, tenuissima lina antiquis memorata: vt omittam lina è palustri arundine, cannabi, genistâ, & cucurbitis in arboribus genitis parari solita.

Linum vulgare propriè dictum Ægyptus copiosè ferit, vt Arabiæ Indiæque merces importet. Galliæ item vniuersæ ex eo vela texunt: in Germaniâ & apud nos defossi, atque sub terrâ id opus agunt; & in Italiâ similiter, quamuis ratione aliâ. Hispania citerior habet splendorem lini præcipuum, torrentis in quo politur naturâ, qui alluit Tarraconem. Ab hoc vulgari lino, Ægyptij Sacerdotes *Linigeri* sunt denominati, de quibus sic

Lib. 2. vel
in Euter-
pe.

Herodotus: Εἴματα δὲ λινέα φορέσσι αἰὲν νεόπλута, Ἰππιδύουτες τὸ μαλιστα. *Linea ferunt vestimenta, semper recens abluta, huic rei maximè vacantes.* Et alibi: Εὐδένκασιν ἡ κιθῶνας λινέες, ὡς ἡ σκέλεα δυοσωνωτῆς, ὅς καλέσσι Καλασίρα· Ἰπὶ τῶσι ἡ εἰρένα εἵματα λευκὰ ἐπαναβληδὸν φορέσσι. ἔ μὲν τοι ἐς γε τὰ ἱερὰ ἐσφρέειαι εἰρένα, ἔδὲ συγκαταβάπτεται (φι. ἔ γ' ὅσιον. *Vestibus amiciuntur lineis, circa crura simbriatis, quas Calasiras appellant; super quas candida ferunt amacula lanæ, tamquam superiecta. Lana neque in ades sacras gestantur, neque unâ cum cadauere sepeliuntur; profanum enim est.* Pluribus de lineo texto

Apol. 1.

Apuleius: Purissimum est rebus diuinis velamentum, quippe lana, seignissimi corporis excrementum pectori detracta, iam inde Orphei & Pythagora scitis, profanus vestitus est: sed enim mundissima lini seges, inter optimas fruges terrâ exorta, non modo indu-
tui

tui & amictui sanctissimis Ægyptiorum Sacerdotibus, sed opertui quoque inde rebus sacris usurpatur.

Linum vulgare terrenum hîc intelligit Madaurenſis, cuius optimam ſegetem reponit inter fruges, quod alteri lino non conuenit: & Plutarchus

De Iſide
& Oſiride.

ipſum ex floris colore notat, vbi dicit, Iſiacos Sacerdotes φορεῖν τὰ λινὰ διὰ τὸν χεῖραν ὡς τὸ λῖνον αἰθεῖν αἰήσι, τῇ ἀειεχέει τὸν κόσμον αἰθερίῳ χαρπύπτει ποσειδάων, *ferre veſtimenta linea, propter colorem quem linum florens emittit, cerulco colori, mundum athereum circumdanti ſimilem.* Alteram rationem ſtatim ſubiungit; quod nempe lino terra ſignificetur, quia ex eâ oriatur, *eiufq; vber exhauriat,*

Lib. 11.
cap. 1.

inquit Palladius. Quæcumque autem è terrâ naſcuntur, ea munda & pura exiſtimarunt, vt apud Philoſtratum docet Apollonius. D. Hieronymus primum Sacerdotis veſtimentū, quod eſt lineum, *terram* interpretatur: & idcirco Patres volunt è lino terreno fuiſſe ſepulchralia Chriſti inuolucra.

Tr. 8. Ex.
& ad Fa-
biolam,
de veſte
Sacerd.

Remigius: *Sindon, lineus pannus eſt: linum autem ex terrâ procreatur, & cum magno labore ad candorem perducitur; designatur quòd corpus illius, quod ex terrâ, id eſt ex Virgine ſumptum eſt, per laborem paſſionis venit ad candorem immortalitatis.* Beda in Marcum: *In Eccleſiâ mos inualuit, vt ſacrificium altaris non in ſerico, neque in panno tincto, ſed in lino*

180 DE LINTEIS SEPVLCHR. CHRISTI
*terreno celebretur, sicut est corpus Domini in Sindone
mundâ sepultum; iuxta quod in gestis Pontificalibus
à B. Papâ Siluestro legimus esse statutum. Non de-
funt qui institutionem illam Eusebio Papæ anti-
quiori acceptam referant.*

Sindonem Taurinensem è lino viuo confe-
ctam non esse, tunc apparuit, quando nonnihil
ab igne passa est iniuriæ anno M.D.XXXII. vt suprà
enarraui. Paleotus è lino crasso textam dicit: Bo-
terus gossypinam facit; Papirius Massonus è xy-
linâ materiâ: totus pannus commissuram futu-
râ mve nullam habet, quàm latè excurrit: textu-
ram facit Pingonius, *nulli telarum comparabilem.*
Audio vix posse satis vel dignosci, vel describi.

De Sudario Vefontino, multoties mihi ado-
rato & viso, spondere possum, id è lino terreno
textum, pretioso, leni, & nihilominùs firmo ac
denso, eoquæ non texturæ simplicis, sed inscripto,
seu catagrapho. Quod vt omnes capiant, moneo,
è puro lino neto, aliàs, vt nunc, laboratas per lin-
teones triplicis operis telas, *albas scilicet, candidas,
& inscriptas. Fusco opponitur album, & nigrocandi-
dum,* inquit Cornelius Fronto: nam album pal-
let, & natiuum est; candidum splendescit, & est
ab arte. Album colorem Plato vult esse lætitiæ
proprium & Deorum. Canephoræ Virgines Na-
soni

soni dicuntur, *velata vestibus albis* : & *poderis*, linea Sacerdotum tunica, *Alba* dicta est, quia telâ albâ simplici texta. Gemma animæ: *Alba, in lege*, Cap. 202.
tunica lineâ, vel talaris dicitur.

Candidis linteis ob tenuitatem pertinax in-
 hæsit gratia: ea sæpè dicta inuenias *Carbasa*, à car-
 basis, splendidis ac tenuibus linis in Hispaniâ
 Tarraconensi primùm repertis, è quibus vestes
 magni pretij texebantur. Curtius: *Carbaso Indi*
corpora usque ad pedes velant; eorumq; Rex aureâ le-
eticâ, margaritis circumpendentibus recubât, distin-
ctis auro & purpurâ carbasis, quâ indutus est. Ve-
 stem, quam Apuleius *carbassinam* dixit, Petronius
 extulit, *ventum textilem in nebulâ lineâ*: Pacatus in
 Panegyrico Theodosij, *tenerum amictum, & leue*
carbasum: Panegyricus Constantini, *pallios leues,*
& sericos sinus, vitando sole, carbassina & bombyci-
na lintea. A candore porrò splendor oritur & lu-
 men. *Gyton prudens* (apud Petronium) *cùm luce,*
etiam clarâ, timeret noctis errorem, omnes pilas co-
lumnasq; notauerat cretâ, quæ lineamenta euicerunt
spississimam noctem, & notabili candore ostenderunt
errantibus viam. Hinc dixit Polybius λαμπρὰν pe-
 titorum togam; Seneca *pellucidam vestem*; Ter-
 tullianus *textum pellucidum*: & Apuleius adducit
 turbas sacris diuinis initiatas, viros feminasq; omnis

1. de Ben.
 cap. 3.
 De Pal-
 lio.
 Metam. 2.

dignitatis, & omnis ætatis, linteæ vestis candore puro
 Natal. 6. *luminosos.* Paulinus denique inter donaria sacra-
 rum ædium recenset vela,

— *ceu puro splendida lino,*

Sive coloratis textim variata figuris.

Inscripta linteæ, alba sunt, lumine candoris illu-
 strata, & adumbrata textilibus picturis, de quibus
 Iuuenalis:

— *Damasippus ad illos*

Thermarum calyces, inscriptaq; linteæ vadit.

Vbi vetus Interpres Calderinus: *Inscripta linteæ,*
id est sudaria thermarum; nam erant ita appellata à
variâ texturâ, quâ inscripta videbantur. Catullus:

Sudariumq; setabum, catagraphumq; linum.

hoc est, *inscriptum linteum.* Fiunt porro illæ texti-
 les picturæ subteminis beneficio, quod stamina
 celerrimè & ex arte percurrrens, flores, fructus,
 animalia, & alias quasvis formas in telâ depin-
 git.

Ovid. 6.
 Metam.

Tela iugo iuncta est, stamen secernit arundo,

Inseritur medium radiis subtemen acutis,

Quod digiti expediunt, atque inter stamina ductū,

Percussu feriunt inserti pectine dentes.

Ita stamini subtemen connectitur, & densatur
 textura, telaque mutuis filorum nexibus absolui-
 tur. Lux autem & fulgor, ad figuras elatiore filo
 pictas

pietas accersitur læuigatione, quæ fit instrumen-
to comprimente simul & poliente; quo fucatas
opinor vestes, Ammiano dictas *pressoriis luce ni-*
tentes. Martialis libro duodecimo, memorat *lintea* Epigr. 84.
niue candidiora: & Sidonius Apollinaris ad men- Lib. 9.
sam instruendam, imperat, vt *niue pulchriora lina* Epist. 13.
gerat Orbis; explico, lineas mappas, non simplici-
ter instar niuis candidas, sed arte textili pietas at-
que inscriptas; cuiusmodi puto fuisse illa *ἐκτεμ-*
ματὰ λαυπερὰ σινδονύφῃ, *mantilia splendida in mo-*
dum Sindonis texta, quæ (auctore Philoxeno apud Lib. 9.
Athenæum) manibus tergendis pueri ministran- Dipn.
tes præbebant. Lampridius in Elagabalo, vocat *pi-*
eta mantilia, quæ in mensam mittebat Imperator,
his eduliis picta, quæ apponerentur. Catagrapha
illa lintea maxime parabantur mensis ornandis:
cur non etiam & mortuis sepeliendis? Planè quia
erant vnguibus delibuti, opus erat firmis densis-
que linteis, quibus inuoluerentur, ne inquinaren-
tur manus *τῶν νεκροθάπτων*. Sudarium Vespontinum
Christi Seruatoris catagraphicè laboratum est,
non, vt vulgus huc vsque censuit, ad instar operis
lintearij, quod *paruum Venetum* vocant; sed alte-
rius, antiquioris longè & elegantioris.

CAPVT XXX.

*De imagine Christi, sepulchralibus linteis Vefontino
& Taurinensi impressâ : ac primum de staturâ
& symmetriâ corporis; tum de situ eiusdem &
collocatione.*

DIVINI erga nos amoris hoc fuit *μνημόσυλον*,
suam nobis in sacris Linteis imaginem relin-
quere; quo declarare, opinor, voluit Christus Do-
minus ac Redemptor noster, quàm optaret sua-
rum virtutum in animis nostris cernere expres-
sam effigiem, secundum illud votum, *Pone me ut
signaculum super cor tuum, ut signaculum super bra-
chium tuum*: ut meritò dixerit Gregorius Nyssen-
us, suæ quemque vitæ pictorem esse, artificem
huius operis esse voluntatem; colores, virtutes;
exemplar Christum esse debere; ut à quo nomen,
ab ipso formam ac rationem Christiani habere-
mus.

Cant. 8.

1. de
Perf.
Christ.
formâ.

Sindonis Taurinensis descriptionem referam
partim ex Paleoto & Mallonio, qui accurati fa-
tis; partim ex archiuo Clarissarum Camberien-
sium intra mœnia, quæ sacram imaginem diu ac
per otium contemplatâ, cùm apud ipsas (ut alibi
monui) restituenda ex incendio Sindon habere-
tur,

tur, eius lineamenta omnia simplici pioque stylo minutissimè persecutæ sunt. In Vefontinâ autem vt essem accuratissimus, effecit, quâ frequens illius aspectus, bis in anno, cùm publicè explicari solet; quâ spectatissimorum insignis Capituli Metropolitani Canonorum singularis humanitas, de quorum decreto, adorandum Sudarium, tertiâ Iunij huius anni M.DC.XXIII. septimâ die quàm populo exhibitum fuerat, à senis ex eorum coetu linteatis, in id muneris delectis, multâ circùm ardente face depositum est, ac mihi vni, arbitro dumtaxat pictore, in minore Basilicæ S. Stephani Sacratio propositum, tres ipsas horas, vt quassibet sacræ iconis mensuras caperem, eiusque depingi curarem expressissimam, quoad fieri posset, imaginem, pedali longitudine.

Instituo igitur breuem, sed accuratam comparisonem Vefontinæ imaginis *αχδερον* cum Taurinensi. Duo tamen moneo in primis: alterum, quæcumque dextra sunt in sacris linteis, sinistra fuisse in Christi corpore; & vicissim, hîc dextra, quæ illic sinistra, planè vt in speculis. Ex quo non difficulter agnoscas, quâ parte Sudarium Vefontinum, alioquin anceps, & vtrimque ferè ex æquo tinctum, corpori Christi adhæserit; nempe ex eâ quæ vulnus lateris (dextri utique, vt certa

A a fert

186 DE LINTEIS SEPVLCHR. CHRISTI
 fert traditio) ad sinistram exhibet: in quâ quidem
 facie, etsi minùs rubescunt vulnera (quod mirê-
 re) quàm in oppositâ; distinctiora sunt tamen
 corporis totius lineamenta: satisque apparet ex
 sacri panni texturâ, geminaque facie, eam par-
 tem, quæ vulnus lateris ad sinistram habet, quip-
 pe concinnior ac spectabiliorem, ad sacrum
 corpus fuisse applicitam. Sed quomodo, inquires,
 in auersâ Sudarij parte luculentiora vulnera? aut
 quâ id fieri vel potuit vel decuit? Decuit sanè, vt
 vulnorum locus ac ratio in eâ parte, non vt in spe-
 culo, dextris in sinistra mutatis, sed ordine recto,
 tamquam in imagine appareret. Id verò etiam
 facile fieri potuit, vt manans è vulneribus cruor,
 traiecto Sudario, in auersâ eius parte cumlaretur,
 consideretque, vnde magis saturum ruborem of-
 tenderet. Alterum, cuiuste memorem volo, iam
 suprâ non semel significauimus, nempe, Taurinensem
 Sindonem notatam fuisse ante pollincturam; Su-
 darium verò Vefontinum in sepulchro: itaque
 refert illa Christi corpus cruentum, & recens à
 cruce refixum; hoc verò, idem ipsum iam lotum
 ac perunctum, & in cryptâ compositum. Hinc
 nullo negotio discernes, quæ similia in vtraque
 imagine, quæ dissimilia. Vefontinum Sudarium
 longum est pedes octo, quattuor ferè latum: Sin-
 don

don autem Taurinensis, ex Paleoto, longitudi-
nem habet pedum circiter duodecim, latitudi-
nem trium; alij dicunt esse latam pedes mini-
mum quatuor, longam ferè tredecim: illud ad-
uersum tantum corpus exhibet, hæc etiam auer-
sum: tam in hac, quàm in illo, specto primum
staturam & symmetriam corporis Christi; post-
ea situm eiusdem & collocationem; ab hac vul-
nera quinque præcipua; alias deinde minutiores
cicatrices, & cruorem toto corpore sparsum: hinc
velum ad coxas; tum colorem, sacræ denique pi-
cturæ rationem ac modum, fueritne is naturalis,
an supra naturam. Singula strictim persequor.

Staturam corporis Christi, à vertice ad cal-
cem usque, in Sudario Vefontino, reperi sex pe-
dum Geometricorum, tribus digitis minus; seu,
quod eodem recidit, quinque pedum, & trium
quartarum vnius pedis, (duodenum enim digi-
torum, ut solet, pedem Mathematicum facio.)
Hoc observato, mensuras easdem applicui longi-
tudini imaginis Taurinensis, quam domi habe-
bam; & parem omnino deprehendi, magno meo
solatio: quippe ferebatur à quibusdam malè mo-
nitis, longiorem esse Christi effigiem in Sudario
Vefontino, quàm in Allobrogicâ Sindone: cui,
opinor, errori occasionem dederat, quòd statura

Christi , à vertice ad calcem & imos talos in Sindone Taurinenſi accepta, longitudini Veſontinæ imaginis à vertice ad extremos vſque pedum digitos comparata fuerat; perperam vtique , ſic enim longa eſt ſex pedes, & quinque digitos. Vera porro longitudo vtriuſque imaginis, quæ à vertice incipiens ad calcem deſinit, vtrobiſque eſt omnino eadem, nempe, vt dixi, ſenûm pedum, tribus digitis minùs: quò recidit menſura Alphonſi Paleoti, qui corporis figurã in Sindone Taurinenſi impreſſam, in anteriore parte ad quinque pedum, in poſteriore ad quatuor pedum & vnciarum decem menſuram porrigi dicit: nam, vt benè notat ibidem Mallonius, vtitur Paleotus pede Bononienſi, duodecim conſtante vnciis, qui Mathematicum pedem duabus vnciis, hoc eſt ſextã ſui parte excedit. Nec abeſſe dicet ab his menſuris Nicephorum, cùm ſtaturam corporis Chriſti ſeptem palmorum fuiſſe dicit, qui ad maximam pro variis locis ac temporibus menſurarum varietatem attendet.

Præter ſtaturam, apparet in ſacris linteis tota Chriſti externa ſpecies, & conformatio corporis, ſi vnum colorem excipias. Latitudo humerorum, vnius pedis, duorum digitorum ſeſqui: cæſaries prolixior, non admodum denſa, leniter ad criſpos decli-

declinans, & iuxta morem Nazaræorum in vertice discriminata: barba mediocriter promissa, & in medio bifurcata: frons plana & serena: nasus leni & modico tractu diffusus: recta brachia & crura: omnia demum quæ speciosum formâ præ filiis hominum deceant, nec aliena ab iis, quæ de Christi specie scripta reliquit Nicephorus, ac Lentulus Romanus in Iudæâ Præses, apud Eutropium in Annalibus.

Situs in vtraque imagine est iacentis, vixque vllius momenti discrimen inuenio, nisi in manuum decussatione: nam etsi utrobique, sinistra iconis manus, quæ dextræ Christi respondet, alteri superposita est; tamen in Vefontino linteo carpus carpo insistit; in Taurinensi metacarpus metacarpo. Itaque in Vefontino conspicua sunt vtriusque manus vulnera; in Taurinensi, manus altera vulnus alterius tegit. Addiderim insuper, quoad partium collocationem, dissipatiores videri pedum articulos in Vefontinâ effigie: nimirum pedes antea rigidos, lotiones ac largè affusa vnguenta laxauerant. Crura item paulò distractiora à se inuicem apparent in Taurinensi imagine, quàm in Vefontinâ.

CAPVT XXXI.

De vulneribus quinque præcipuis, cicatricibus minutis, & cruore, toto corpore sparso.

IAM in vulneribus quinque præcipuis, spectandus locus, magnitudo, figura. Vulnera manuum sunt in metacarpis ferè mediis; carpo tamen aliquantulum propiora, à rotunditate haud multum absunt. Negligo quorundam scrupulum, qui dubitant, fixine olim cruciarij in metacarpis, an in carpis potiùs, aut etiam in brachiis inter cubitum & radium, vt firmiùs starent. Plautum adducunt, qui in Mostellarià, *Offigantur*, inquit, *bis pedes, bis brachia*. Sed reclamant omnia, priscae imagines, vulnera S. Francisci, quæ in metacarpis: Scriptura ipsa. *Nisi videro*, inquit Thomas, *in manibus eius fixuram clauorum*. Et Christus bis ostendit discipulis, manus & pedes, & latus: vt meritò de Christo ad litteram capiatur illud Zachariæ, *Quid sunt plaga ista in medio manuum tuarum?* Neque verò ita parum cohærent metacarpi ossa in viuo & sano corpore, quin totum corpus sustinere possint. Adde, quod censent plerique, haud leuibus ducti argumentis, suppedaneum asserem, atque etiam funes ad subleuandum corpus, cruciariis adhiberi

ri solitos. Plauti locus non vrget; nam legunt multi, *obfringantur*, non vt alij, *offigantur*, vel *affigantur*. Sed etsi de confixione hæc accipias, dicam *μετωρμικῶς* locutum Comicum: si enim tribus dumtaxat quatuorve partibus homo perfoßus, configi totus dicitur; multò magis figi brachia dicentur, si figantur secundùm extremitates.

De pedum vulneribus maior est quæstio; an ex sacris Linteis lucis aliquid affulgeat ad celebrem illam difficultatem, fueritne Christi pes vterque vnico clauo fixus, an duobus. De quâ quæstione copiosè & eruditè Paleotus cum Mallonio; & Lorinus in Psalmum vigesimum primum, tam probabilibus vtrimque argumentis, vt neutram in partem certò quidquam statui posse videatur. Prudenter autem monet Paleotus, non posse nos ex Sindone Taurinensi (addo nec ex Sudario Vefontino) manifestè colligere, tribusne an quatuor clauis Seruator cruci affixus fuerit. Censet tamen ibidem Mallonius cognosci ex Sindone, vtrumque Christi pedem vnico clauo transfixum fuisse; & sinistrum quidem dextro fuisse impositum. *Ëgitur*, inquit, *plaga qua in pectusculo sinistri pedis conspicitur, latior ac patentior est, quàm qua in dextro pede conspicitur; vt ex hoc coniecturâ probabilior addatur ei sententia, quam in B. Brigittæ Reuelationibus legi-*

Cap. 19.

Versu. 17.

Cap. 19.
num. 11.

legimus, quòd pes sinister supra dextrum clauo sit affixus. Vtraque tamen plaga, tam dextri quàm sinistri pedis, circularis est, ut clauos non quadratè, sed rotundè pyramidatos agnoscamus. Illud porrò silentio obuoluendum non est, quòd vulnus dextri pedis magis à tibiâ versus digitos pedis protenditur, quàm vulnus sinistri pedis. Nam vulnus super. pectusculum dextri pedis, ab extremis digitis versus tibiâ distat tribus vnciis cum dimidiâ: vulnus autem sinistri pedis, ab extremis digitis versus tibiâ vnciis quinque distat. Cùm tamen supra pedis pectusculum, vulnera eum situm ac figuram, quam indicaui, possideant; tamen in plantâ pedis, figuram aliquantò minorem indicant, sed situm longè diuersum: vulnus enim dextri pedis, quod super pectusculum ab extremis digitis, vnciis tribus cum dimidiâ distat; in plantâ tamen ab iisdem extremis digitis, duabus tantum vnciis cum dimidiâ distat: vulnus autem sinistri pedis, quod supra colum, ab extremitate digitorum eiusdem pedis, vnciis quinque distat: in plantâ tamen quatuor non integris vnciis distat. Ex quibus denique colligit, quòd ut milites Christi corpus magis in cruce extenderent, clauos in crucem non ad angulos rectos infigebant; sed cuspidè paulò inferius vergente, ut clauus quò magis lignum tereretur, etiam Christi corpus magis extenderet. Hæc ille: ex quibus certè nemo euidenter

con-

concludat, duos pedes vnico clauo perfoſſos: nam & vulnera ferè ſunt æqualis magnitudinis, niſi quòd vulnus dextrum (quod pedi Chriſti ſiniſtro reſpondet) tantisper latius eſt, & ſaturatius altero. Si quid aliud notabis diſcriminis inter vtriuſque ſacri Lintei ſtigmata; cogita lotiones & vnguenta, vulnerum magnitudinem, figuram, imò & ſitum ipſum facilè immutare aliquatenus potuiſſe.

Vulneris ad latus inſlicti cicatrix, ſiniſtra eſt in vtraque imagine, vt nimirum dextro Chriſti lateri reſpondeat. Latiffima eſt in Veſontino Sudario, operitque fermè tres coſtas veras, quintam, ſextam, ſeptimam, oſtenditque illatum vulnus inter quintam & ſextam ex veris coſtis, prope ſternum, in dextro Chriſti latere: rotunda ferè eſt ſupernè, infernè in ellipſim protenditur: in Sindone Taurinenſi dicitur lata tres digitos. Ex quibus duos errores refellas; alterum paucorum, qui ſiniſtro lateri vulnus inſlictum putant, contra communem ſenſum SS. Patrum ac Doctorem, & contra vſum Eccleſiæ in Imaginibus: quibus fauent Reuelationes S. Brigittæ, imago Chriſti Crucifixi in corde B. Claræ inuenta, vulnus etiam quod ad dextrum latus geſtauit S. Franciſcus, vt refert S. Bonauentura in eius Vitâ; aliaque testi-

Bb

monia,

monia, quæ præter Interpretes Euangelicos, refert Daniel Mallonius in caput vicesimum Paleoti. Alterû Alexandri Halensis (ex quo S. Vincentius Ferrerius Sermone in Parasceue) Gabrielis, & aliorum apud Mallonium citato loco; qui dicunt, punctum quidem Christum in dextrâ parte, sed infra costas in hypochondrio; ita tamen, vt lanceæ mucro ad cor vsque penetrarit. *Si enim, inquit, impacta fuisset lancea costis Christi Domini, aliquod ex eius ossibus fuisset comminutum, contra prophetiam, & typum agni Paschalis.* Sed hæc ratio inanis est: numquid enim inter costas patêre potuit lanceæ cuspidi locus, vt clavis inter ossa pedum & manuum? Diuinæ autem prouidentię fuit, temerè impactum ferrum ita dirigere, vt costas ipsas non rumperet, sed medias præterlaberetur.

Extra præcipuorum quinque Vulnerum cicatrices, nullæ apparent soluti continui notæ in Sudario Vefontino, præterquam in fronte, vbi distinguere est spinarum vestigia aliquot satis confusa. Taurinensis autem Sindon, quippe quæ sacrosanctum Christi corpus cruentum ante pollicituram excepit, & manantem è vulneribus sanguinem, atque ad cutem concretum repræsentat; & minutissimas quasque verberum vibices,

ces, quæ deinde vnguentis oblitteratæ oppletæ-
 quæ sunt, distinctissimè refert. Frontem igitur ex-
 hibet cruore conspersam è spineâ coronâ manan-
 te: liuidum vultum, genas tumidas, nempe ex
 colaphis, præcipuè dextram, quæ sinistræ Chri-
 sti respondet: cæsariem barbamque aut carptim
 vellicatam, aut concreto sanguine deformatam;
 ceruicem spinis confixam & conuulneratam:
 largum cruorem è manuum, pedumque, ac late-
 ris vulneribus emissum: humeros quâ flagris, quâ
 crucis gestatione conscissos afflictosque: collum
 foedè intumescens ex funibus, catenisque, quibus
 vinctus ac raptatus: crura, brachia, lumbos, pe-
 ctus, totum corpus, vel diris ictibus contusum, vel
 flagellorum vibicibus confertim decussatis disse-
 ctum, vel sanguineis guttis vi verberum excussis
 foedè maculatum; vt meritò de Christo patiente
 exclamarit Euangelicus Vates: *A plantâ pedis vs-* Isaiæ c. 1.
que ad verticem, non est in eo sanitas.

CAPVT XXXII.

*De velo circa coxas: tum de sacrarum Imaginum
 colore, ratione & modo.*

VELI ad coxas, & partes pudendas, nulla nota
 in Sudario Vefontino; nec relictum par est

Bb 2

cre-

Tom. 10.
Tract. 36.

credere illud ipsum, quod è cruce pendentem ob-
texerat; quippe quod pollincturam prohibuisset.
In Sindone verò Taurinensi, agnosco veli huius
vestigia cum Salmerone, qui affirmat in eâ Sin-
done (quæ tum cùm scriberet, Nicæasseruaba-
tur) tam partem anteriorem quàm posteriorem
ostendere huius veli signa apertissima. Et hunc
esse communem sensum, indicant Taurinensis
Sindonis imagines, quotquot vidi (vidi autem
quamplurimas, & diuersis formis excusas) quæ
omnes velum pudendis præensum referunt. At-
que hoc distinctiùs affirmo, quòd video Paleo-
tum & Mallonium, nullâ factâ pepli huius men-
tione, eius loco agnouisse in Christi lumbis hor-
ribilem plagam, siue ex catenis, quibus constri-
ctus, siue ex verberum in eadem parte crebrò re-
petitis ictibus. Verùm illam ipsam quam pro-
ponunt imaginem, litterâ C, diligenter inspicien-
ti, satis apparet lintei cuiuspiam circa Christi
lumbos religati plicaturas in eâ potiùs, quàm vul-
nus aliquod repræsentari: neque ater & sangui-
neus color facit pro vulnere; non enim potuit ve-
lum illud non esse conspersum manante cruore è
capitis, manuum, lateris, humerorum, ac totius
thoracis, præcipuè verò lumborum crudis adhuc
& recentissimis vulneribus. Non ergo Sindon, vt

vo-

volunt, latum vulnus ad lumbos exhibet, sed velum cruentum lumbis circumligatum. Et verò quis credat, priùs detractum iis partibus velum, quàm corpus Christi à cruce ad pollincturæ locum deportaretur? Minimè autem assentior Gretsero, Iansenio, Suari, alijsque apud Lorinum existimantibus pependisse Christum è cruce planè nudum, & absque tegumento vlllo ad partes quas tegi iubet natura. Nam primò, aliud videtur Ecclesiæ sensus, quæ omnes crucifixi Domini imagines obuelatis coxis proponit. Deinde contrarium asserentem legimus Deiparam Virginem in Reuelationibus S. Brigittæ,^a duobus locis: pudori scilicet filij sui consultū, illo velamine verendis obducto: quod ipsum confirmant^b S. Anselmus,^c S. Bernardus,^d Vincentius Brunus,^e Salmeron,^f Mallonius in Paleotum, aliique benè multi. Displicet tamen^g Abulensis, cùm asserit Christum crucifixum, imò etiam sepultum fuisse cum femoralibus. *Nemo namque*, inquit, *tam durus foret, ut immemor humana verecundia, hæc auderet detrahere, nec id Christus pateretur.* Sed hæc inania, & absque auctore. Illud verò notandum pro nostrâ sententiâ; quòd plerique Patres à Gretsero & Lorino laudati, cùm Christum nudum in crucem actum affirmant, non proinde

^a Lib. 1.
c. 10. &
l. 4. c. 7.
^b Dial. de
Pass.
^c Serm. de
Pass.
^d Medit.
38.
^e To. 10.
Traët. 3. §.
^f Cap. 6.
n. 10.
^g Par. 5.
c. 42.

198 DE LINTEIS SEPVLCHR. CHRISTI
negant , peplum illi circa pudenda obligatum ;
nudusenim (à maiori scilicet parte) rectè dici po-
tuit , si illis dumtaxat obuclatis partibus , cetera
absquetegumento fuit.

In sacrarum Imaginum coloribus , materiam
specto & formam : in Taurinensi , vnicam mate-
riam agnosco ; Christi cruorem , ac saniem pretio-
sam : in Vefontinâ , præter sanguinem , etiam vn-
guenta. Forma autem coloris hæc est : Vefontina
icon extra quinque vulnera , quorum luculentus
est rubor , tota ex flauo pallefcit : Philippo II. Hi-
spaniarum Regi cùm depicta est in linteo , nullus
eam color sic e mentiri potuit , vt tinctura caryo-
phyllorum & cinnamomi , per aquam vitæ extra-
cta. Taurinensis Imago , ferè vbique purpureo
atroque constat , nec aliud pænè quidquam nisi
vulnus habet : quamuis etiam lineamenta totius
corporis distinctè satis adumbrat , ita vt corporis
totius externæ speciei ex flauo diluto atque albe-
scente delineatæ , stigmata vulnerum omnium
appicta videantur.

Superest picturæ modus ac ratio , quam affir-
mo non modò non manu factam , sed etiam su-
pra naturæ vires : primùm , quia inquinari tantùm
debuerant lintea sacro Christi corpore , vel cruen-
to , vel peruncto ; at non tam distinctè depingi.

De-





Deinde quia Sudarium sub institis toti corpori circumuolutum credimus; cùm tamen anterioris tantùm faciei lineamenta hauserit. Denique non apparet latior vultus in sacris Linteis, quàm qui homini in planâ tabulâ ex arte depicto conuenit; esset autem multò latior, si ex naturali dumtaxat genarum attractu colorem contraxisset: quod experire, si laruam aut mappam vultui admoucas, deinde id quo totus vultus tegebatur, in planum extendas; tunc enim multò latiùs excurreret, & ultra naturalis symmetriæ leges. Voluit nimirum Christus in sacris Linteis non suę tantùm mortis, sed etiam externæ corporis conformationis extare monumentum. Sudarium Vefontinum, quod tibi sermone hætenus depinxi, en tibi in ectypo, ad prototypum quam fieri potuit accuratissimè expresso, vnà cum Sindone Taurinensi, oculis subiicio.

*Inferenda hic Imago S. Sudarij Vefontini
& S. Sindonis Taurinensis.*

CAPVT XXXIIL

*De Sudario Edesseno.*Lib. 4.
c. 17.

PRAETER imagines sepulchrales Christi Domini, aliæ fuerunt in Orbe Christiano ἀρχαῖοι, quas ipse viuens antequam pateretur, & in passione ipsâ diuinitûs impressit in linteis. Φέρετο ἡ καὶ τις ἰσορία, inquit Ioannes Damascenus, ὡς ὁ Κύριος, Ἀυγάρῃ τῇ τῆς Ἐδέσσηνῶν πόλεως βασιλευσίνῃ, ζωγράφον ἀποστείλασθαι τὴν τῷ Κυρίῳ ὁμοιογραφῆσαι εἰκόνα, μὴ διωρθέντῃ τῇ ζωγραφῇ διὰ τὴν ἀποσίμβρυν τῷ πρῶτῳ λαμπρότητα, αὐτὸς ἰμάτιον τῷ οἰκίῳ πρῶτῳ τῷ θείῳ ἔ ζωπικῶν ἡρώδης, ἐναπεμάξατο τὸ ἱματίον τὸ ἐαυτοῦ ἀπὸ κόνισμα, καὶ ὕψος ἀπέσφλε τῷ ποθῆναι τῷ Ἀυγάρῳ. *Historia proditum est, cum Abagarius Edessæ Rex eo nomine pictorem misisset, ut Domini imaginem exprimeret; neque id pictor ob splendorem ex ipsius vultu manantem consequi potuisset, Dominum ipsum diuina sua ac viuifica faciei pallium admonuisse, imaginemq. suam ei impressisse; sicq. illud ad Abagarum, ut ipsius cupiditati satisfaceret, misisset.* Eadem ferè è ciuitatis Edessæ tabulariis & archiuis habet Nicephorus: *Eo quo in Christum desiderio tenebatur percussus (Abgarus Rex Edessenorum) pictorem eximium ad eum misit, eique*
ut

Lib. 2. c. 7.

ut diligenter & accuratè faciem eius in picturâ effingeret, imaginemq; pro desiderato illo sibi afferret, imperavit. Et ille quidem venit, atque in loco sublimiore stans, pingere Christi vultum, ut decebat, conabatur. Cum verò ceptum opus non succederet (diivinus quippe splendor & gratia in eius vultu coruscans impedimento erat) re eâ cognitâ, Saluator textum lineum petiit, in eoq; prius loto faciem suam exprimit, & ad Abgarum mittit. Eamdem Imaginem postea Leo Ecclesiæ Constantinopolitanæ Lector, cum descendisset in Syriam cum Regiis Apocrifariis, Edessa adorari & honorari à populo vidit, ut ipsemet testatur in secundâ ^a Synodo Nicænâ. ^b Nicephorus alibi, & ^c Euagrius antiquior narrant, quomodo vrbs Edessa à Chosroë Perfarû Rege oppugnata; servata fuerit per illam τὴν θεότευκτον εἰκόνα ἣν αὐτῶν πρῶτον χεῖρες οὐκ εἰργάσαντο; diuinitus fabricatam Imaginem, quam hominum manus non effinxerant; quamque vocabant Edesseni suæ ciuitatis Custodem & Conseruatricem; ex Oratione Constantini Porphyrogeniti. Eam tandem translata fuisse Edessâ Constantinopolim, ostendit Baronius anno Christi D. cccc. xlv. Constantini cum Romano Lacapeno Imperij consorte xxxiii. Causam & modum prisce Scriptores habent. Zonaras in Romano Lacapeno: Τέτα τὴν σκηνήν των χει-

^a Aa. 5.^b Lib. 17.^c c. 26.^d Lib. 3.^e c. 26.

Anno

944. n. 5.

Tom. 3.

Annal.

τουτ' ὁ, καὶ τὸ ἀχρόταυτον ἐκτύπωμα τὸ Σωτῆρ ὁ
 Χρῆς τὸ θεῖον χρομάκτερον ἐκομίσθη πρὸς τὴν πρὸς
 θηλυτὴν τὴν πόλιν. εἶχε μὲν γὰρ τὴν τῆς ἑξ. ἢ Ε' δ' ἑξ. ἢ δ' ἑ
 ἀλῶσαι πρὸς τὴν Ρ' ὡμαίων πολιορκήτων αὐτὴν ἐκινδύ-
 νευεν, κατεχομένη πρὸς Α' γαρτων. ἵν' ἐν φύγοις οἱ Ε' δεσε-
 νοὶ τὴν ἐκπόρην, λύτρων ταύτης τὸ θεῖον παρέχον ἐκ-
 τύπωμα. Eodem (Romano) verum poriente, (Christi
 effigies nullis facta manibus, ex diuinitus in linteo ex-
 pressa, in Imperatoriam urbem est translata. Eam-
 tum Edessa habuerat; qua cum in periculo excidij esset,
 Agareni qui tum urbem tenebant, incolumitatem hac
 effigie à Romanis redemerunt. Paulò aliter Curopa-
 lates : Cum Romanorum copiis Edessa obsideretur,
 Edesseni malis obsidionis grauitè oppressi, Legatos ad
 Imperatorem miserunt, petentes ut exercitus ab obsi-
 dione recederet; seqq. polliciti sunt pretium duros
 sanctam Christi effigiem: solutâ igitur obsidione, tra-
 dita est Imago, & ad Regiam urbem producta, eam-
 excipiente Imperatore, cum splendido atque decenti
 satellitio, per Regij cubiculi Praefectum Theophanem.
 Rem totam, vti gesta est, oratione longâ profe-
 quitur Constantinus ipse Porphyrogenitus fi-
 lius, vbi scribit, Romanum Lacapenum (qui hu-
 ius translationis ergò Edessam miserat Abramium
 Samosatæ Episcopum) sedulò aduertisse, ne in
 traditione Imaginis deciperetur, néve antigrapha
 pro

pro autographâ concederetur : extabat enim quædam alia , quæ descripta fuerat propter Persicum bellum ; & altera similis , quæ celebrabatur in Ecclesiâ Nestorianorum : ambas penes se aliquanto tempore habere voluit Imperator , quas deinde archetypâ sibi traditâ restituit. Inde multis recenset Constantinus , quænam in itinere miracula virtute sacræ Imaginis contigerint. *Caci* (inquit) *ex improvise aspiciebant , & claudi reddebantur sani membris integris ; saltabant qui longo tempore in lecto decubuerant , & sani fiebant quibus erat manus arida , & fugabatur omnis morbus & infirmitas.* Tum subiungit , Constantinopoli repositam in Phari templo , & ibi conseruatam ad gloriam , fidelium , custodiam Imperatorum , tutelam totius civitatis , & status Christianorum. Celebrata est solemnis illa depositio decimâ sextâ Augusti , quâ die hæc habentur in Græcorum Menologio : *Commemoratio Imaginis non manu factæ Domini Dei & Salvatoris nostri IESV Christi ex urbe Edessâ egressæ , & in hanc à Deo servatam & Regiam urbem deportatæ.* Circa hæc eadem tempora de hac Imagine hoc mirum contigit : Photium Patriarcham Constantinus Porphyrogenitus Imp. miserat cum literis ad S. Paulum in monte Latro anachoretam. Ille cum ad virum sanctum pervenisset , datisque

ac receptis iam litteris ad reditum accingeretur, unum ab eo Sanctus petiit, vt non manufacta Christi imagini, quam Mantile sanctum appellare mos est, lineum a-quale velū applicaret, idq; sibi mittere non grauaretur. Factum est quod postulabat, missumq; velum ex animi sententiâ, quod cum expandisset, Christi effigiem in eo ad amussim expressam, & figuram figuræ exactissimè respondentem vidit; aliis autem nihil tale apparebat.

An-944. Hæc è sancti Pauli Vitâ recitat Baronius; quibus subdit, postea bellis ingruentibus, ipsaq; ciuitate Constantinopolitanâ sæpè captâ, & ab hostibus direptâ, Dei prouidentiâ factū esse, vt eadem veneranda Imago Romam perlata fuerit, vbi hactenus colitur in titulo S. Siluestri. Alij Genuæ Liguriæ vrbe seruari volunt, in templo diui Bartholomæi. Haud dubiè primigenia est vno in loco; altera miraculo expressa in alio.

CAPVT XXXIV.

De Sudario Veronica.

Luc. 23. **P**ROPERABAT cum cruce Christus ad crucem, cum inter Ierosolymitanas mulieres, qua plangebant & lamentabantur cum, religiosa quædam femina, nomine Veronica, stans pro foribus domus suæ, (quæ fuit angularis, teste Adri-
cho-

chomio) lineum capitis sui peplum Christo por- In Th.
n. 44.
 rexit, quo faciem suam sudore & cruore diffluen-
 tem detergeret. ille verò imaginem sui vultus lin-
 teo perfectè impressit, ac Veronicæ in amoris sui
 pignus atque monumentum reddidit. Sunt qui Salmeron
Tom. 10.
Tr. 33.
 credant velum illud capitis Veronicæ oblongius,
 triplicatum fuisse; & imaginem diuinitus im-
 pressam, triplicem suscepisse; quarum vna serue-
 tur Romæ, altera Gienensi ciuitate Hispaniæ,
 tertia Ierosolymis. De eius quæ Romæ est transla-
 tione, libellum MS. seruari in Vaticanâ Biblio- An 34.
n. 138.
 thecâ testatur Baronius: & Ioannes Molanus eam
 sub Tiberio factam addit, eiusque historiam anti- Lib. 4.
Imag. c. 2.
 quissimis conscriptam characteribus Thomam
 Stapletonum Romæ perlegisse totam. Bzouius An. 1316.
n. 16. 17.
 ex veteri traditione narrat, ipsammet mulierem
 Veronicam velum illud insigne sacro Redem-
 ptoris vultu, detulisse Romam, eoque sanasse Ti-
 berium Augustum difficili morbo laborantem:
 idem deinde linteam venisse in manus S. Cle-
 mentis Papæ; postmodum à Constantino Impe-
 ratore collocatum in Basilicâ S. Petri. Ioan-
 nes VII. Papa (qui sedit anno Domini dcc. v.) ser-
 uando illi velo construxit tessellati operis *ισοπέλεκτος*,
 quod dictum est, *Domus sanctæ Dei Genitricis, &*
Sancta Maria in Beronicâ. Innocentius III. in

Sermone Dominicæ primæ post Epiphaniam, meminit Processionis Sudarij Veronicæ, à S. Petri basilicâ, vsque ad ædem Xenodochij S. Spiritus in Saxiâ, anno Domini M. CC. cuius verbis vsi sunt postea Honorius III. & Alexander IV. Pontifices successores. Bonifacius VIII. anno Domini M. CC. XCVIII. Sudarium Veronicæ à prædicto templo S. Spiritus (vbi prius ostendi solitum erat) ad basilicam Principis Apostolorum transtulit; suisque manibus ex eminentiore loco ostendit, præsentibus Iacobo Aragonum & Carolo Sicilia Regibus: atque ut eò loci tum seruaretur in posterum, tum à Summo Pontifice statis diebus ostenderetur, constituit. Denique Paulus V. idem Sudarium in nouam S. Petri basilicam transferri fecit die vigesimâ primâ Martij, anni Domini M. DC. VI. ex instrumento Iacobi Grimaldi basilicæ Vaticanæ gazophylacij Propræfecti, apud

Lœc. cit. Bzouium.

Imagines ad archetypum Romanum depictæ coluntur publicè multis locis. Celebres sunt in Galliâ duæ: vna quæ populo exhibetur Cadurci, in Vasconiâ: altera in Diocesi Laudunensi, magno peregrinantiû concursu colitur, in Cœnobio Virginum Instituti Cisterciensis, quod Monasteriolum vocant, vulgò *Monstreuil les Dames*. Eam
 anno

anno M.CC.XLIX. Româ misit Iacobus Pantaleo, gente Gallus, patriâ Tricassinus (qui factus postea Urbanus Quartus Papa) rogatus per sororem suam, Monasterioli, vt aiunt, Monialem. Placet Epistolam ipsius è Gallico Latinè redditam hîc subiicere.

Venerabilibus & deuotis Sororibus, dilectis in Domino, Abbatissa & Religiosis Conuentus Monasterioli, Iacobus de Trevis, Archidiaconus Laudunensis, Sancti Patris nostri Papa Cappellanus, salutem, ac postmodum integram perfectamque fruitionem, & claram visionem boni diu expetiti. Per relationem charissima sororis nostra intelleximus, quòd ex ardenti affectu desideratis videre, & apud vos habere faciem & figuram nostri Saluatoris, quam in nostrâ habemus custodiâ, cum quâ visus est in terris, & versatus cum hominibus speciosus præ filiis hominum: quòdque ex eius contemplatione, deuoti affectus vestri magis accenderentur, & intellectus vestri puriores redderentur. Nos igitur qui lubentissimè volumus procurare ea omnia per qua possitis acquirere gratiam Dei in hoc mundo, & aternam gloriam in futuro; cupientes, quantum in nobis erit, satisfacere sanctis desideriis supradicta sororis nostra dilecta, mittimus vobis sanctam Faciem superius memoratam. Neque attendite, quòd inuenietis eam decolorem & flaccidam. Nam

vt

ut ij, qui semper resident sub aëre temperatè frigido, & quiescunt continuò in locis amœnis, habent carnem albam & delicatam; & è contrà, qui versantur perpetuò in agris, habent perustam, nigricantem & alteratam: ita fuit hac beata Facies sole & ardore tribulationum decolorata, ut habetur in Canticis, cùm Dominus noster laboraret in agro huius mundi, pro redemptione nostrâ. Idcirco vos rogamus enixè, ut propter reuerentiam illius quem representat, recipiatis eam, ut sanctam Veronicam, seu veram ipsius imaginem & similitudinem: tractetis eam piè, leniter & condecorè, ut ex eius contemplatione melius habeatis. Memores nostri estote in vestris sanctis precibus & meditationibus; & certò credite, quod cum maximo honore & veneratione hîc videtur; nobis ea quippe per sanctos viros concessa. Actum anno gratia M.CC. XLIX. tertiâ Julij, die Luna post Festum sanctorum Petri & Pauli.

Theodoricus de Brabantia Dunensis Abbas in Comitatu Flandriæ, Ecclesiæ suæ cōsecrationem curaturus per Radulphum Morinensem & Ioannem Tornacensem Episcopos, anno Domini M.CC.LXII. sacram illam Imaginem eò detulit è Monasteriolo, quo mage solemnis foret nouæ Basilicę dedicatio: & verè ibi virtute illius, multis infirmis sanitas restituta est; cæcis visus, surdis auditus,

tus, mutis loquela, & claudis gressus. Eadem ad Fanum S. Quintini delata, anno M.CCCC.XCV. laborantibus ex oculis maximè opitulata est. *Ex monumentis Monasterio'i, & Ecclesia Dunensis.*

CAPVT XXXV.

De aliis Imaginibus Christi Domini non manu factis.

NON dubito alias Imagines è primigeniâ Romanâ per admotionem miraculo in velis expressas, vti ex Edeffenâ factum suprâ ostendimus; maximè cùm doceat antiquissimus Auctor Simocatta, quamdam Christi effigiem, sine pictoris aut hominis arte factam, Mauritij Imperatoris ævo fuisse Constantinopoli, seu potius in Romanorum castris, cuius haberent archetypum Romani. Εἰς τὸ πολέμιον παρεφαίετο, καὶ ἦν κόπῃ πολλή, Φιλιππικὸς τὸ Θεανδρικόν ἐπεφέρειτο εἰκασμα. Οὐ λόγῳ ἔκαθεν καὶ εἰς τὰ νῦν διηγεῖ θείαν ἐπισήμην μορφώσασαι, ἔχ' ὑφάντε χεῖρας * τετήνασθαι, ἢ ζωγράφῃς μεληά- * χ. τικτῇ-
δα ποικίλαι. διὰ τὰ τῷ εἰς ἀχειροποίητος ἀπὸ Γ' ὡμαῖος ταύται.
καθυμνεῖται. καὶ τὰν ἱεροστέων πσεῦδειν ἡξίωται. δὲ χέτυ-
πον γὰρ ἐκείνο θρησκένεσι Γ' ὡμαῖοι ἡ ἀρρήτων. Ταυτὸ δ'
σερατηγὸς τὰν σεβασμίων περὶ πέπλων γυμνώσας, τὰς
τάξεις ὑπέστρεχε, κρείττον' εἰς ἀνταγωνίσαι ἀρχὴς ἐν τοῖς
μεταδιδὸς τὰ σερατὸματι. *Vbi hostes appropinquare,
pulverea nubes indicio fuit, Philippius, (Dux exerci-*
tus,

Dd

tus,

tus, Mauritij Imperatoris fororius) *Dei hominis-
que Iesu Christi effigiem circumfert. Jam olim fama
emanauit, & usque hodie durat, eam effigiem non
textentis manu comparatam, aut pictoris arte colori-
busq; variatam, sed diuinitus efformatam esse. quo-
circa etiam apud Romanos, ut ἀχειροποίητο, id est,
non hominis manu confecta celebratur, & sacris di-
uinisq; honoribus colitur: habent enim archetypum
Romani, & ut sacrosanctum quid venerantur. Hanc
effigiem sacrâ veste (velo nempe) nudatam gestans
exercitum obibat, indeq; audendi generosam & inex-
pugnabilem militibus alacritatem iniiciebat. Hæc Si-
mocatta; qui mox infrâ narrat, cui sub pugnae
tempus interim seruandam crediderit Philippi-
cus. Eamdem postea diuinam iconem Priscus,
qui Philippico successit, ad componendam exer-
citus seditionem adhibuit, ac tandem Heraclius
in Persidem contra Cosdroëm profectus, in acie
circumtulit. Theophanes in Heraclio: Λαβὼν ὁ
ὁ Βασιλεὺς ἐν χερσὶ τῷ Θεανδρικλῷ μορφὴν, ἣν χεῖρες θεοῦ
ἐγραψαν, ἀλλ' οἷον ἐν εἰκόνι ὁ πάντα μορφῶν ἔ διαπλάτ-
των Λόγος, αἰδοῦ γραφῆς μόρφωσιν ὡς αἰδοῦ ποταμοῦ κύνειον
ἤνεγκεν. Καὶ τῷ πεποιθὲς τῷ θεογράφῳ τύπῳ, ἀπὸ ῥῆσιν
τῶν ἀγώνων, πᾶσι δὲ τῷ λαῷ, ὡς συναντοῖς μέχρι θανά-
του ἀγωνήσεται, ἔ ὡς τέχνῳ οἰκείῳ τῷ συναρμώσῃαι.
*Acceptâ Imperator in manus effigie, qua Christum
Deum**

Lib. 1. c. 3.

Deum & hominem referebat, nullis efficta manibus, sed quam illud quod omnia format & effingit Verbum, velut in imagine, sine picturâ figuram, tamquam sine satû & semine partum edidit. Fretus hac diuinitus effigiatâ formâ, certamen aggressus, fidem militibus populoq, suam astrinxit, se viuum mortuumq, cum illis veluti suis germanisq, liberis deuinctum, in bello & acie perseveraturum. De hac Perficâ expeditione idem cum Theophane narrat Cedrenus, nempe Imaginem Christi ab Heraclio in acie manu gestatam: & præterea addit, eamdem ab ipso contra Phocam profecto, ex Africâ Constantinopolim cum classe deportatâ; cùm ait: Ο' ὁ Ἡράκλειος πολλὰ ἔξ Α'φεικῆς ἐξοπλίσας, ἔσχετον καὶ Κωνσταντινὸν κατέλαβεν, ἡπιφερόμενος καὶ τὴν ἀχειροποίητον εἰκόνα τῆς Κυρίας καὶ Θεῆς ἡμῶν Ἰησοῦ Χριστοῦ: Interim Heraclius cum magnâ & armatâ classe Constantinopolim appellit, secum ferens etiam Seruatoris nostri imaginem, nullo manus ministerio factam.

Ex his habes, Mauritio & Heraclio imperantibus, imaginem ἀχειροποίητον seruata fuisse Constantinopoli, & inde per exercitus Duces in castra non semel deportatam. Verùm æuo Tiberij Secundi, qui Mauritio genero Imperium tradidit, in eadem vrbe iam religiosissimè custoditâ constat ex Græcorum Menologio, vndecimâ Augu-

sti, vbi hæc leguntur: Δι' ἡμῶν τοῦ Θεοῦ καὶ τοῦ Χριστοῦ ἡμῶν ἰσχυρῶς Χριστῷ.
 εἰκόν, τῷ Κυρίῳ καὶ Θεῷ καὶ σωτῆρι ἡμῶν Ἰησοῦ Χριστῷ.

Narratio de non manu factâ imagine Domini & Dei & Saluatoris nostri Iesu Christi. Et verò coniiicere auserim, iam tunc in acie prælatam (anno Christi D.LXXXI.) cùm Tiberius Regem Persarum Chosdroëm, post obitum Iustini, Romanum Imperium inuadentem, per strenuissimos Duces Iustinianum Iustini nepotem & Mauritium variis præliis fudit; ipsamque Persidem penitens deuastauit. Nummi Tiberij & Iustiniani nomine cusi id videntur innuere, in quibus auersis effigies Christi vsurpata primùm conspicitur, à diuinâ illâ Imagine forsitan mutuata: aureum vnum sic describit Nummographus:

D. N. IVSTINIANVS ET TIBERIVS PP. A. *duæ facies.*

D. N. IHS. CHRIST. REX REGNANTIVM. *imago Christi cum cruce.* alterum Iustiniani solius, etiam ex auro, vidi aliàs hac formâ:



Admiranda porrò primis illis sæculis patrata Constantinopoli, virtute sacræ Imaginis, narrantur in Græcorum Menæis, quæ non abs re visum est hîc adnectere: Εἰ ταῖς ἡμέραις Τιβερίῳ βασιλέως, θαῦμα μέγα ἐπεσθόδοξον γέγονε. Γυνὴ γάρ τις τῶμα Μαρία, συγκλητικὴ Φιλόχριστος, τὴν αἰσίαν Πατριαίαν, χήρα οὖσα, περιέπεσε πάθῃ γαλεπῇ ἐκ αἰάτω· ἐδοξαμύσα δὲ πᾶσις ἀνθρώπινῃ βοηθείας, αἰθέτε ἐαυτὴν πρὸ Θεοῦ Κυρίῳ ἡμῶν Ἰησοῦ Χριστῷ. Ἐννοιοι τοίνυν ἀγαθὴν ὑποθεμύνη αὐτῇ, δὸς ἐλλείπει τοὺς λειτουργοὺς τῇ αἰσίᾳ δεαστοικῆς καὶ ἀχειροποιήτης εἰκόθ, ἀφικέσθαι πρὸς αὐτὴν ἀξιῶσα. Τῶν δὲ πρῶτων ἐνομιμῶν, προσέπεσε τοῖς ποσὶν αὐτῶν, λέγουσα Δέομαι ὑμῶν κύριοί μου, ἐπεὶ δὴ ὁ Θεὸς διὰ τὰς ἀμαρτίας μου συνέχευσε με μαρτυρεῖσθαι ὑπὸ χαλεπῆς νόσου καὶ ὀλεθρίας, ἐλθουμένη ἐλαττωθῆαι ἀξία, δι' εὐχῶν τῶν αἰγίων ὑμῶν, δέξασθαι τὸν δεαστοικὸν καὶ ἄγιον χαρακτῆρα εἰς τὸν πανδοτελῆ μου οἶκον ἵπῃ ἡμέρας τεσσαράκοντα, καὶ ἴσως δι' αὐτὰ ποιήσῃ ἔλεος μετ' ἐμοῦ. Οἱ δὲ, τίνδε τὴν διαγωγὴν ἐκ τῆς πνευματικῆς αὐτῆς κατάσπιν ἵπῃ ἀνδρῶν, ἤγαγον τὸν ἄγιον χαρακτῆρα. Καὶ τῇ αἰσίᾳ ἀνοιχθείσης θήκης, προσεκυύησεν ἡ γυνὴ καὶ ἡσάσατο· ἐλαβῶσα βαδίκου μίτον ἰσόμετρον τῇ αἰσίᾳ εἰκόθ, τέθεικεν ἐπάνω αὐτῆς· ἔλα βαλῶσα αὐτὴν εἰς καθαρὸν σκευιόν, ἡσφαλίσατο δι' αὐτῆς καὶ δοπιθεῖσα ἐν τῇ εὐκλειᾷ αὐτῆς, ἐφώτα γάτοι λαμπρῶς ἵπῃ ἡμέρας τεσσαράκοντα, λειτουργῶσα. Πληρω-

θεισὼν ὃ πᾶν τεσσαράκοντα ἡμερῶν, ἤρξαντο αἱ ὁδοὶ αὐτῆς
 γυναικὸς γινώσκειν σφοδρὰ καὶ ἀφόρητοι, ὥστε μὴ διύαδται
 αὐτὴν μηδὲ τῆς κλίνης ἀναστῆναι. Προκαλεσαμένη ὃ
 μίαν τῶν παιδικῶν ἦν οἶδε καθαρίεραν, φησὶ πρὸς αὐ-
 τήν· Δέξαι τὴν θήκην τῆς ἀγίας εἰκόνος, ὅπως προσκυμή-
 σω, καὶ ἔνθα μικρὰν ἀνάπαυσιν τῆς συνεχύσεως με σφοδρὰς
 ὁδούς. Ἡ δὲ προσβυθίσασα εἰς τὸ ἐκτήμενον, εἶδε θαῦμα μέγα
 καὶ φοβερὸν καὶ ὡς ἀδοξον· φλόξ ἰσχυρὰς εἰς πλησιονίῳ
 γενηθεῖσα ἐκ τῆς ἀγίας θήκης ἐκείνης, ἀνέρχετο μέχρι τοῦ
 σέως, καὶ καθάπτετο τὸ ὅλον θυσιαστήριον, κατήρχετο μέ-
 χει δαπέδον, μηδὲν τὸ σκύλλον τὸ θυσιαστήριον ἐλάττειν.
 Καὶ ἐκπλαγεῖσα ἡ παῖς ἔπεσε χαμαὶ· δραμῶσα δὲ ἔτερεν,
 ἀπήγειλε τὴν κυρία αὐτῆς. Ἡ δὲ κατὰ φόβον γενομένη, κα-
 ῖλθε τοῦ κλινιδίου, καὶ βίβη πρὸς τὸ δικτῆριον ἀπελθοῦσα,
 καὶ τὴν φλόγα ἰδοῦσα, τὸ Κύριον ἐλέθον αἰετόσπορον· εἶτα
 μετεκαλέσατο τοὺς λειτουργοὺς μετὰ σωφροσύνης. Συνηκολούθη-
 σαν δὲ αὐτοῖς καὶ ὅχλος πολὺς, καὶ πάντες ἰδόντες τὸ ὡς ἀ-
 δοξον, κατεπλάγησαν. Ἀνερχομένης δὲ τῆς φλογὸς καὶ κα-
 τέρχομένης ὡς πρὸς ὁρόνους πλοῖον ὑπὸ ἀνέμου σφοδρῶς ῥιπιζο-
 μένον, ἔκραζον πάντες τὸ Κύριον ἐλέθον ὅτι ὥρας πολλὰς.
 Γενομένης δὲ ἱερᾶς ἐυχῆς, κατέπεσαν ἡ φλόξ, καὶ ἀ-
 νοίσαντες ἦλθον θήκην, διῶρον τὴν ἀγίαν δεσποτικὴν καὶ ἀχει-
 ρποιοῦσαν εἰκόνα ἀσπὶ καὶ αἰσώοντες. Λαβόντες δὲ καὶ τὸ
 βαβίικον τμήμα, ὃ ἐπέθηκεν ἡ Πατρικία, εὐρον ἐν αὐτῇ
 ἔτερον χαρακτῆρα δεσποτικὸν ἀχειρροποιῶσαν, ὃ τὸ θαῦ-
 ματον, ὅμοιον τῷ πρωτότυπῳ. Δοξασαίτες δὲ τὸν Θεόν ὅτι

τοῦτο πάντες, καὶ ἀσπασάμενοι αὐτὸν, ἔθηκαν ἐπὶ τὸ ἄλ[φ]α
 τὸ γυναικὸς, καὶ διέως αὐτὴν ὀδυῖσθαι ἀπληγάσθαι, ἡ δὲ ἰούσθ
 ἐδραπέδουσε, καὶ ἡ γυνὴ ἰάθη, καὶ τελείως εἰς ἑαυτὴν
 ἐλθούσα, ἀνέστη δοξαζούσα τὸν Θεὸν σὺν παντί τῆς ἐλθοῦσι
 μὲν τῶν πρεσβυτέρων. *Tiberio, qui Mauritium pra-*
cessit, imperante, ingens planéque insolens miracu-
lum accidit. Matrona quadam, cui Maria nomen
fuit, è Senatorio ordine, Patriciâ stirpe nata, religiosa
admodum, orбата viro, in grauem & mortiferum
inciderat morbum, cui nullâ ope humanâ succurri po-
terat. Commendanti suam salutem D. N. Iesu
Christo, res bona in mentem venit, Presbyteros sa-
cro-sancta illius à Domino sine manus operâ facta
Imaginis custodes, per certos homines accersit. Presen-
tibus supplex aduoluta, Obsecro, inquit, Domini mei,
quandoquidem ob culparum mearum noxas, à Deo,
gravi periculo soq, morbo castigor, cupio infelix ego &
indigna, per vestras preces, sanctam Domini effi-
giem ad dies quadraginta in vilissimas ades meas
transferri; forte per illam à Domino misericordiam
impetrabo. Sacerdotes animaduersâ cognitaq, illius
pietate & religione, sacram Domini Imaginem attu-
lerunt. Reclusâ ergo hierothecâ, mulier venerata Ima-
ginem & exosculata, accepit telam bombycinam,
eiusdem cum sacrâ effigie magnitudinis, illamq, ima-
gini Domini imposuit. Deinde imaginem Domini ita
tectam,

tectam, mundissimo scriniolo inclusam custodiuit, firmataq; per eam, in sacrario suo collocauit, & luminibus magnificè illustratum, dies totos quadraginta assidue coluit. Die iam quadagesimo elapso, femina cruciatus rediere grauissimi, adeoq; intolerandi, uti ne de lectulo quidem se leuare posset. Vocata ergo ex ancillis alteri, quam castiorem nouerat, Uade, inquit, adfer sacra imaginis arculam, ut adoratâ illâ, aliquod inde dolorum meorum leuamen recipiam. quæ ingressa sacellum, vidit prodigium formidabile inexpectatum. Flamma (ad asserendam sacra imaginis fidem) ex Lierothecâ illâ ad laquearia usque erupit, arâque totam complexa, ad pauimentum usque descendit, nec labem interim ullam altari intulit. Attonita puella concidit, alterâque curriculo Domine rem denuntiat: quæ territa de lectulo descendit, & totis connixa viribus, ad adiculam adrepsit, conspectâque flammâ exclamauit, Kyrie eleison: moxque accersiuist Sacerdotes, quos magna hominum comitata copia; qui omnes viso inusitato miraculo perculsi sunt. Flammâ autem adscendente ac descendente, non secus ac velum in nauigio à tempestate vehementer iactatum, omnes ad multas horas Kyrie eleison ingeminarunt. Fusis autem precibus flamma euauuit, apertâque capsulâ, sanctam Domini effigiem sine manu expressam, illasam intactâque reperere: quin & telam illam sericam à Patricia im-

impositam alteri imagini tollentes, eamdem prorsus, ac genuinâ illi archetype (ô stupendum miraculum!) Domini formâ, sine ullius ope insignitam, inuenerunt; laudatôque super hoc beneficio Numine, exosculantes imaginem, femina laboranti imposuerunt, subitoque morbi dolores omnes absterfi, mulierque sibi penitus restituta surrexit, Deo que debitas laudes, cum toto Sacerdotum & populi cœtu persoluit. Hæc Menæa: in quibus deinde traditur, venerandam illam matronam, sub vitæ finem, effigiem miraculo expressam in Cœnobio Melitenensi S. Assumptionis reponi curasse; vnde ablata per Sergium Patriarcham, nouo miraculo, Deo sic volente, est restituta. Hucusque de Imaginibus Christi Seruatoris ἀχλεγονόμῳ: de quibus si quærat,ur, quâ factæ illæ fuerint; & quidem hæ postremæ per velaminum ad primigenias applicationem; in mantili verò Abagari, & Veronicæ peplo, per contactum vultus Christi, aut sudis, aut sudore diffuentis: dicam ego omnes eas (non secus ac sepulchrales) miraculo factas fuisse; vt essent perennes & egregij typi amoris Christi Domini erga miseros mortales; vt per eas (verba sunt Sextæ Can 83. Synodi Constantinopolitanæ) manu duceremur in memoriam suâ in carne conuersationis, passionis, salutifera mortis, & prætereâ mundo facta redem-

E e ptio-

An. 392.
num. 59.

ptionis. Affirmabo prætereà illas, *digito Dei*, (vt loquitur Baronius) siue diuinæ virtutis potentiâ depictas; vti velum illud sacris Imaginibus diuinitus pictum, & appensum in Ecclesiâ S. Stephani Protomartyris, in Vzalenfi Africanæ prouinciæ ciuitate, de quo multa Euodius, eius loci Episcopus, æternæ memoriæ scriptis prodidit. De quibus omnibus si aliquis adhuc dubitet, *cogitet ille facientem* (inquit Hugo de S. Victore) *& desinet esse mirabile quidquid erit; & si mirabile esse non desierit, tamen impossibile non erit: nam si factor omnipotens cogitatur, non erit impossibile quidquid erit.*

Lib. 2. de
Sacram.
p. 4. c. 11.

CAPVT XXXVI.

*Quis cultus exhibendus Linteis sepulchralibus
Christi Domini?*

EXCELLENTISSIMVS planè, si quis alius rebus sacris exhiberi soleat: hætenus enim satis, opinor, docuimus, Lintea ista sanctissima, Christi Seruatoris esse imagines non arte humanâ, sed diuinâ expressas manu; & inter præcipua Religionis nostræ pignora iure quàm optimo censerî. Neque enim alio ducta sunt colore harum imaginum præcipua lineamenta, quàm Christi sanie
pre-

pretiosâ, vnguentis, & cruore purpureo, quem in eiusmodi notis & vestigiis liceat obseruare. Aliquid certè sanguinis in terris etiamnum superesse concedit Caietanus, vbi distinguit inter sanguinem vitalem & nutrimentalem. Vitalem siue pulsatilem ait Galenus à sinistro cordis ventriculo per aortam ferri in totum corpus; cuius è sinu cordis exclusionem, inferre tradunt Medici viuifici nectaris paupertatem. Nutrimentalem verò vult fortè Caietanus esse illum sanguinem, qui successiuè ad continuam nutritionem in hepate Christi mortalis gignebatur, eumque non fuisse totum à Christo resurgente denuò collectum: quod etiam concedit Suarez, cùm corpus humanum tantæ copię capax non sit. Pius II. in Bullâ ad Abbatem S. Mariæ, Xantonensis Diocesis, hanc opinionem non esse fidei contrariam definiuit: *Nos (inquit) qui de prædictis certam notitiam habemus, attendentes, quòd veritati fidei nullatenus repugnat, affirmare Redemptorem nostrum de sanguine præfato, ob ipsius passionis memoriam, aliquam partem in terris reliquisse, &c.* Glorietur Mantuana Ecclesia, habere se de sanguine qui fluxit de latere Christi Saluatoris, (non de latere imaginis ipsius crucifixæ in Syriâ, in Beryto ciuitate) eumque verum esse Domini sanguinem, declara-

3. p. q. 54. art. 2.

Lib. de Anat. vi-uor.

Tom. 2. 1. p. d. 47. li. 2.

DeScript.
Ecclef.in
S. Atha-
nasio.
An. 804.

In Hen-
rico III.

uit Leo III. Pontifex ante annos octingentos, ut
notat Bellarminus : & Baronius asserit, extare
Romæ Diplomata Pontificis, in quibus sanguinis
illius veritas confirmatur. Scribit etiam Mat-
thæus Parisiensis, missum fuisse ab Ierosolymitano
Patriarchâ vasculum cum vero Christi sangui-
ne, ad Henricum III. Angliæ Regem, susceptum-
que cum incredibili celebritate, prædicantibus
Episcopis, & rationem reddentibus de verita-
te illius sanguinis. In Galliæ Narbonensis vrbe
S. Maximini, seruatur verus sanguis Christi Do-
mini, phialâ vitreâ conclusus; qui quotannis die
Veneris sancto, dum passionis Dominicæ Of-
ficium recitatur, maximo miraculo cernitur
per se attolli & ebullire. Sixtus IV. in Opusculo
de Sanguine Christi, affirmat, verum eius san-
guinem & imaginem conspici in Sindone Cam-
berienâ : quod laudat & amplectitur Iulius II. in
Bullâ, quâ anno M.D.VI. Sindoni illi Festum
diem, ac proprium Officium constituit, ut a-
libi retulimus. Quare iniuriâ censuit Turre-
cremata, erroneum ac temerarium esse, verum
eiusmodi sanguinem in terris agnoscere. Ipse de-
nique Vasquez aliquam particulam effusi à Chri-
sto sanguinis, fatetur superesse in *spinis*, in *cla-
uis*, *ligno crucis*, *sudario*, & *aliis*; non in propriâ
tamen

In Can.
Inuitat.
d. 2.

3. p. d. 36.
c. 8. n. 42.

tamen formâ sanguinis , sed coloris cuiusdam purpurei.

Verùm quidquid de hac controuersia statuat, facile fuerit nostram assertionem de cultu Sudariis debito comprobare, si obseruari, aliud longè esse, imaginem *per se* adorari, & aliud, *propter se*: sicut etiam plurimum differunt, exemplar adorari in imagine, & imaginem adorari propter exemplar. Fatentur siquidem omnes Catholici, numquam imaginem propter se adorari, cum non sit propriè capax excellentiæ, cui nos submittamus; (est enim res inanima:) multi tamen contendunt adorari in se, hoc est, non in alio, aut cum alio, quod simul adoretur. Cùm igitur imago adoratur propter exemplar, in se tamen adoratur, & proximè actum illum terminat; licet tota ratio eiusmodi cultus & obseruantia, sit ipsum exemplar quod in imagine exprimitur; non secùs ac dum obseruatur Legatus propter Regem, illa dubio procul obseruantia Legato, non tamen propter se, sed Regis causâ exhibetur: & tota ratio volendi medium quod per se concupiscitur, est finis. Quando verò asserimus, exemplar adorari in imagine in quâ refulget, siue imaginem non adorari per se, sed aut per aliud, aut in alio, volumus ipsum prototypum non modò esse moti-

E c 3 uum

uum adorationis, sed ipsam etiam materiam & terminum proximum: primariò enim adoratur, & imago non nisi cum illo; ita vt ne mente quidem & intellectu seiungi queat imago à prototypo. ex quibus efficitur, vt vnicus sit imaginis & exemplaris cultus. Quare cùm verissima sit illa antiquorum tum Patrum tum Theologorum sententia, quæ imaginem ab exemplari secerni vetat, & vnicum vtriusque cultum agnoscit, quo scilicet prototypon in suo typo obseruetur; apparet quàm sancto cultu colendæ sint hæ diuinæ Christi effigies. Debet igitur semel statui nostra hæc de Imaginum veneratione sententia: quod sanè pridem accuratè præstitit Vasquez, tertiâ parte, disputatione centesimâ octauâ; vbi omnium veterum passim fuisse confirmat, capite secundo. Apertus est omnino S. Thomæ sensus, ibidem, quæstione xxv. articulo iii. docet enim eandem imagini Christi, quæ ipsi Christo, tribuendam adorationem, latriæ scilicet; quod ibidem Articulo iv. de Cruce iterùm inculcat; licet ille loquendi modus commodâ egeat, vti dicemus, expositione.

Lib. 1. pro
Can. Ap.
cap. 25.

Franciscus quoque Turrianus, hæreseôn impugnator acerrimus, idem probat ex Nicephoro Patriarchâ Constantinopolitano, qui Dialogo
Or-

Orthodoxus, quærenti hæretico, quibus sacris paginis constet adorandam Christi imaginem, respondet, *ibi scriptum esse, ubi scriptum est adorandum esse Christum, siquidem inseparabilis est à prototypo effigies*. Et paulò pòst pergit ostendere, vnum esse, imaginem & exemplar, non naturâ, sed χέ-
σει, habitudine. *Deus & homo dicitur Christus significatione nominis, & naturâ diuinitatis & humanitatis: imago verò eius, significatione nominis dicitur Christus, non autem naturâ diuinitatis & humanitatis, habetque communionem nominis & honoris, atque adorationis cum prototypo*. Reliquos Patres dabit Vasquez: omnium instar sit Basilius, qui libro de Spiritu sancto ad Amphilo-
chium, Cap. 18.
(quod etiam vsurpatur à Damasceno, & in Septimâ Synodo, actione quartâ à Ioanne Presbytero) Orat. 1.
& 3. de
Imag.

sic ait: Ὁ π βασιλεὺς λέγεται καὶ ἡ τῆ βασιλείας εἰκὼν, καὶ ἔ δύο βασιλεῖς· οὔτε γὰρ τὸ κατ' ὅλ' ἔχεται, οὔτε ἡ δόξα διαμερίζεται. Ὡς γὰρ ἡ κεκοιμισα ἡμῶν δεχὴ καὶ ἐξουσία μία, ἕτα καὶ ἡ παρ' ἡμῶν δοξολογία μία, καὶ ἔ πολλαί, διότι ἡ τῆ εἰκόν' ἔχει ἡ πρῶτος τοῦ πρωτοτύπου διαβαίνει.
Quia Rex etiā dicitur Regis imago, & non duo Reges; neque enim Imperium scinditur, neque gloria dimiditur. Quemadmodum ergo principatus & potestas una est, qua nobis dominatur; sic etiam & glorificatio à nobis una est, & non multa, propterea quod imagi-
nis

nis honor ad exemplar transit. Quibus verbis optimam causam reddit Basilius, cur vna sit Regis & imaginis Regiæ glorificatio, quia vnum est vtriusque imperium & dignitas: nulla siquidem alia dignitas & excellentia cui nos submittamus, est in imagine inanimâ, quàm ipsiusmet exemplaris quod in ipsâ refulget; ac proinde incapax prorsus est imago affectus illius interni, quo alteri propter summam eius præstantiâ nos ipsos submittimus, eiusque signa prodimus exterius. In illo autem interno affectu consistit adoratio, non autem aut in osculis, aut in genuflexionibus, quæ proximè ipsa afficiunt simulacra Quod magis illustratur à contrario: quis etenim dicat, imaginem iniuriæ cuiuspiam capacem, si vel leuiter seiungatur à prototypo?

Beff. 25.

Denique fauet prorsus Tridentinum, quod decreto de Imaginibus statuit, *Imagines venerandas; non quòd credatur inesse in iis aliqua diuinitas, vel virtus propter quam sint colenda, vel quòd ab ijs aliquid sit petendum, vel quòd fiducia sit in Imaginibus figenda, veluti olim fiebat à Gentibus, quæ in idolis spem suam collocabant; sed quoniam honor, qui exhibetur, refertur ad prototypa, quæ illa representant, ut per Imagines quas osculamur, & coram quibus caput aperimus, & procumbimus, Christum adoremus, & san-*

Sanctos quorum illa similitudinem gerunt, veneremur.
 Quæ omnia planè euincunt, quasi participato
 quodam cultu, ipsi Christo aut patienti aut de-
 mortuo debito, obseruanda esse sacra Sudaria, quæ
 imagines Christi miraculosas esse toties inculca-
 mus: quamuis hoc loquendi modo, vt latriâ di-
 cantur colenda, meritò abstinere nos velint^a Vaf-
 quez & ^b Bellarminus, consentaneè dictis Septi-
 mæ Synodi. Latria enim significat affectum inte-
 rioris seruitutis, quæ fit in spiritu & veritate, & soli
 Deo exhibetur: qui affectus non fertur in imagi-
 nem sine exemplari; quod tamen illis verbis ex-
 primi videtur, *imago adoratur latriâ*. Si verò signi-
 ficetur, opus illud externum, quo honoramus
 imaginem, nasci ab interno affectu qui latria sit,
 vera in quodam analogico sensu est propositio;
 quia eiusmodi osculum, genuflexio, aut signum
 aliud, quod proximè attingit imaginem Christi,
 ex latriâ procedit, qui cultus externus aliquando
adoratio dicitur.

Denique idem de sanctis Sudariis, quod de
 S. Cruce (quam suprà S. Thomas latriâ adorari
 dicebat) sentiendum, cùm pares vbique sint ratio-
 nes; ipsique aduersarij, qui volunt imaginem di-
 stincto cultu ab exemplari eoq; inferiori obserua-
 ri, concedunt tamen analogicè ad cultum proto-

F f typi

^a Diff. 110.

^b Lib. 2. de
 Sanctis
 cap. 22.

typi referri; atque ita Sanctorum effigies coli *duliâ secundum quid*; B. Virginis *hyperduliâ secundum quid*; & Christi proinde *latriâ secundum quid*. Sic Bellarminus libro secundo de Sanctis: & omnes præterea peculiarem superioremque Cruci Dominicæ cultum assignant, ob sacratissimi Sanguinis asperisionem, Christi contactum, & nostræ redemptionis instrumentum: quæ rationes prorsus in sanctis Sudariis militant, aliisque passionis Dominicæ instrumentis, de quibus sic Damasce-nus: Περὸ σκυνῆμιν τῆ Σταυρῆ τ' ἔξυλον, τὰς ἡλκας, τὸν ἀσπὸν, τὸν κάλαμον, τὸν λόγχην, τὴν ἱερὰν καὶ σωτήριον τὴν ἐσθῆτα, τὴν χιτῶνα, τὰς ΣΙΝΔΟΝΑΣ, τὰ παργαῖα. Nos veneramur & adoramus sanctæ Crucis lignum, clauos, spongiam, arundinem, lanceam, sacramq; illam & salutarem vestem, tunicam, SINDONES, fascias.

Rectè igitur omnino Leontius Dialogo quinto contra Iudæos, vt refert etiam Septima Synodus Articulo quarto: *Quemadmodum Iacob accipiens à filiis suis vestem sanguine conspersam Joseph, cum lacrymis osculatus est, suisq; oculis circumposuit, non ipsam vestem diligendo aut honorando hoc fecit; sed per eam arbitratus est se Joseph osculari, & in manibus habere: sic etiam Christiani omnes, Imagines Christi tenentes, nostrâque carne osculan-*
tes,

Cap. 24.
25.

Orat. 3.
de Imag.

tes, animo videmur nobis ipsum Christum amplecti.

In his igitur sanguinolentis Ioseph nostri vestibus, Iosephum ipsum, cuius vetus ille umbra fuit, toto pectore debemus venerari. Quod ad me attinet, ego diuinam imaginem, quæ refulget in Sudario nostro Bisontino, multoties sum veneratus, tamquam augustissimum nostræ salutis monumentum; & hîc ad extremum, eadem oratione compello eam, quâ olim Sudario Edeffeno impressam Constantinus Imperator Porphyrogenitus filius:

*O diuina similitudo eius, quæ mutari non potest, Patris similitudinis! O character characteris diuina substantia! O venerandum & omni honore dignum, signaculum primaria pulchritudinis Christi Dei nostri (tecum enim loquor, tamquam cum re animatâ,) conserua & custodi semper eum, qui piè & moderatè nobis imperat, & aduentus tui memoriam luculenter celebrat, quem cum tuâ benignitate ad auitam & paternam sedem extulisti; conserua eius germen, & generis successionem, & sceptrorum perpetuitatem: statum pacificum prabe Reipublica: concede ut hac Regina * ciuitatum maneat inexpugnabilis: & nos ut*

*Constantinopolis

tamur in eius regnum caeleste, eum glorificantes & ce-

228 DE LINT. SEP. CHRISTI CRISIS HIST.
*lebrantes, quoniam eum decet gloria, & adoratio, in
secula seculorum. Amen.*

Ego ne litterulam quidem immutarim in piis-
simi Cæsaris precatione; æqualis enim in omni-
bus mens mihi: orare pro inuictissimo Imperato-
re nostro Ferdinando: pro omnibus Christianis
atque Catholicis Principibus, à quibus pendet
beata tranquillitas Reipublicæ Christianæ: pro
Vesontione nostrâ, quæ vel solo diuinæ Imaginis
thesauro quem possidet, Ciuitatum cis Alpes iure
dici possit Regina: denique pro salute nostrâ,
quam concedat nobis fons & origo bonorum
omnium Deus, in quo desino; vtinam sic in ex-
tremo illo exitu, certo & incerto fine. . Amen:



SYL:

SYLLABVS AVCTORVM

Q V O S

LAVDAMVS, ILLVSTRAMVS,

A VT E M E N D A M V S.

A.



BYLENSIS.

Acta Capituli Bifontini.

Adornus.

Adrichomius.

Agellius.

Alcuinus.

D. Ambrosius.

Ammianus Marcellinus.

Angradus Monachus.

Annales Societatis I E S V.

Apuleius.

Arias Montanus.

Aristophanes.

D. Athanasius.

Athenæus.

Attilius Serranus.

D. Augustinus.

B.

B Aronius.

D. Bafilus.

Baysius.

Beda.

Bellarminus.

Bellonius.

D. Bernardus.

D. Bonauentura.

Boterus.

D. Brigitta.

Bzouius.

C.

C Aietanus.

Calderinus.

Camuzatius.

Cassianus.

Catullus.

Cedrenus.

D. Chrysostomus.

Codex Rituum Bifont.

Codex Rhemenfis vetus.

Concilium Tridentinum.

Constantinus Porphyrogenitus.

Cornelius Fronto.

Cuopalates.

Curtius.

D.

D Iuus Damascenus.

Dio Cassius.

Dio Chrysostomus.

Diodorus Siculus.

Dionysius Alexandrinus.

F f 3

Dioſce-

SYLLABVS AVCTORVM.

Dioscorides.
Donatus.
Durandus.

E.

Etymologici Auctor.
Euagrius.
Euchologium.
Euripides.
Eusebius.
Eusebius.
Euthymius.
Eutropius.

F.

Froissartes.

G.

Galenus.
Gauthierus.
Gemma animæ.
Gennadius Scholaris.
D. Germanus.
Nicol. Gillius.
Girardus Hallianus.
Glaber.
Glossæ veteres.
Gordonus.
Goropius Becanus.
D. Gregorius Magnus.
Gregorius Nazianzenus.
Gregorius Nyssenus.
Gretserus.
Guichardus.
Gutherius.

H.

HAllenfis.
Herodotus.

Hesychius.
D. Hieronymus.
Hippocrates.
Historia Lausiaca.
Historia Rhemensis.
Homerus.
Hugo de S. Victore.

I.

IAnsenius.
Innocentius III. PP.
Ioachim Abbas.
Ioannes Constantinopolita-
nus.
Isidorus.
Iustinus.
Iuuenalis.
Iuuenus.

L.

LAmpridius.
Leontius Episcopus Cy-
prius.
Leo Ostiensis.
Lexici Auctor.
Libri veteres MSS.
Lipomanus.
Lorinus.
Lucianus.
Lucretius.
Lutatius Placidius.

M.

MAcarius.
Macrobius.
Maiolus.
Mantuanus.
Martialis.

Mar.

SYLLABVS AVCTORVM.

Martianus Capella.
Martinus Cruius.
Martyrologium Romanum.
Menza Græcorum.
Menologium Græcorum.
Metaphrastes.
Molanus.
Monachus Engolismensis.
Monodus.

N.

Nicephorus.
Nonius Marcellus.
Nonnus Poëta.
Nummographus.

O.

Onomastici Auctor.
Ouidius.

P.

Pacatus.
Pacuius.
Paleotus.
Palladius.
Panegyricus Constantini.
Papirius Massonus.
Paulinus.
Pausanias.
Petronius.
Petrus à Beck.
Philippus de Bergamo.
Philoludæus.
Philostratus.
Phocyllides.
Pingtonius.
Plato.
Plautus.

Plinius.
Plutarchus.
Pollux.
Polybius.
Pomponius Mela.
Pontifices varij.
Prosper Bonafamilia.
Prudentius.

Q.

Qvadrigarius.
Quintilianus.

R.

Rabbi Iacob.
Rabbi Moyfes.
Radziuilus Princeps.
Remigius.
Ribera.
Robertus Sunella.
Rolliardus.
Ruffus Ephesus.

S.

Salmeron.
Saluianus.
Seneca.
Serarius.
Sextus Empiricus.
Sextus Philosophus.
Sidonius Apollinaris.
Sigonius.
Silius Italicus.
Simocatta.
Sixtus IV. PP.
Sophocles.
Stapletonus.
Strabo.

SYLLABVS AVCTORVM.

Suarez.
Suetonius.
Suidas.
Surius.
Synesius.
Synodi diuersæ.

T.

T Acitus.
Terentius.
Tertullianus.
Testamentum vetus.
Testamentum nouum.
Theatrum Antiquitatum Parisiensium.
Themistius.
Theophanes.
Theuetus.

D. Thomas.
Tonsus.
Tullius.
Turrecremata.
Turrianus.
Tyrius.

V.

V Alla.
Varro.
Vasconcellius.
Vasquez.
Vincentius Brunus.
D. Vincentius Ferrerius.
Virgilius.

Z.

Zonaras.



IN-

I N D E X .

R E R V M . E T V O C V M

M E M O R A B I L I V M .

A



A M V S primus parens
quo ritu sepultus. Pag. 2
Egyptij corpora terra
mandabant. 3
condiebant triplici modo. 7, 18
linteis involuebant. 6, 7
domi servabant. 8, 2
Egyptiaca cōditura triplex causa. 10
Egyptij Sacerdotes linigeri. 17, 8
179
Alba, Sacerdotum tunica. 181
Alberti & Isabella Archiducum libe-
ralitas. 75
Altare S. Sudarij Bisontini privilegio
munitum. 83
Amedeus Dux Sabaudia Sacellum
S. Sindoni edificat Camberij. 120
Amictus ex lino Egyptiaco, Sindon.
23.
Amorgis, lini species. 127
Anaboladium, Sindon. 23
S. Antonius ritus Egyptiorum de-
statum est. 2
Antonius de Vergeyo Archiepiscopus
curatus. 73
Area, subterranea crypta. 4
S. Athanasius Reliquias Sanctorum
humo condendas quare censuit. 2,
10
Angusta velata in nummis. 43
Aymericus proditor quatuor in partes
distractus. 143

B

B Alcum Dominicum. 17, 8
Brachium S. Luca. 69
Brachium S. Stephani. 56, 82
Brandem. 166

C

C Adanera in elementis sepulta. 1
Caci recipiunt visum. 75, 76
Calvinus refutatus. 33, 34, 35, 149
S. Cappella S. Sindonis in arce Cambe-
riensi. 120
Capilli B. Virginis. 56, 99, 104
Capilli mortuis incidebantur. 17
Capsa argentea S. Sindonis Cambe-
riensis. 121, 122
Captivi divinā virtute soluti ergastu-
lis. 29
Caput in duas partes divisum. 43
Caput pro toto homine. 43
Caput S. Ioannis Calybite servatur
Chrysopoli seu Vefontione. 63
Carbasa unde dicta. 181
S. Caroli Borromai peregrinatio. 134,
& seqq.
Caroli Magni facies sudario operata.
48
Carolus Calvinus ab Aquisgrano Sin-
donem Compendium transtulit. 150
Cassa ad condituram adhibita. 7
S. Cassius Narniensis Episcopus. 49
Catacumba Christianorum. 4
Cedrinum unguentum. 8
Charta Græcorum Antistitum. 63
Cg Chri-

INDEX RERVM

- Christianorum fides de resurrectione.* 4
Christiani corpora loculis condere. 3, 4
Christus frequenter pictus in Sindonibus. 163
Christus in onso capite cur sepultus. 18
Cingulum non est Sudariū. 55, 56, 57
Clauis Martyrum, clauis Christi exstigmati. 167
Clauorum Christi numerus an ex sacris linteis colligi possit. 121
Cameteria Christianorum. 4
Constantini Porphyrogeniti oratio ad Sudarij Edesseni imaginem. 227
Cornelia gens quo ritu sepulta. 2
Corpora integra condita sarcophagis. 2
Corpus Christi quomodo inuolutum. 47, 48
Crucis Dominica portio inuenta. 59
Crucis Dominica impueribilis qualitas. 28
- D**
- Dentes sunt semina corporis surrecturi.* 5
Diadema quid. 162
Dido Pallanti vestes texuit. 33
Dola urbs, Sodalityati S. Sudarij Bisontini nomen dedit. 82
Dormitoria Christianorum. 4
- E**
- Ecclesia de Lireyo exstruitur.* 28, 29
SS. Epiphanijs & Isidori corpora Veneratione. 56
Exemplaria mortuorum materialia. 12
- F**
- Facies pars capitis potior.* 44
Facies prototus corporis habitus. 45
Fascia quid. 169
- Fascia barbata, idem.* 14
Fascia crurales & pedales. 170
Fascia defunctorum. 21, 22, 172
Fascia infantia Christi. 171
Fascia sepulchrales Christi. 21, 22, 174, 175
Fascia sepulchrales totum corpus excepto capite complectebantur. 35, 36, 37
Femina apud Iudeos feminarum curabant cadauera. 17
Festus dies S. Sindonis Camberiensis. 121
Fimbria vestimentorum Christi, Veneratione. 60
Franciscus L. Rex Francorum peregrinationem instituit ad S. Sindonem Camberiensis. 122
Idem optat aperiri capsam Sindonis Compendiensis. 151
Funerum celebritas apud Ethnicos unde. 4
Fusum B. Virginis. 32
- G**
- Abbara.* 11, 13, 14, 15
Gallica Ecclesia Reliquijs dissimula. 60
Gamalielis preceptum pro sepultura cadauerum. 16
Gaufridus de Charny Sindonem collocauit in Ecclesia de Lireyo. 22
gestauit Aursflammam. 143
Glomus B. Virginis. 32
Graci faciem mortuorum Sacerdotum aere velabant. 48
- H**
- Hæreticus ardente febre absumptus.* 71
Henricus Comes, parens Regum Lusitania. 60
Hierolistrata Bisontinus S. Sudarium deferit

ET VOCVM MEMORABILIVM.

- desert Vesontionem. **52**
Fumbertus Comes à Rupe Sindonem
Lirensen accepit in custodiam.
103, 104
- I**
Iacob quomodo cruentam vestem
Ioseph osculans sit. **226**
Idola in muniis reperta. **11**
Idola mortuorum in vicis collocata.
15, 16
Ignis, animata bellua creditus Aegyptiis. **10**
Imagines ægyptiæ quomodo factæ.
217
Imaginum Christi in Sudariis color,
materia, pictura. **198**
Imaginum cuius qualis esse debeat.
221
Imago Christi non manu facta. **209**
deferunt in aciem **210, 211**
mira patris Constantinopoli. **213**
Infantes quare minimè cremarentur **1**
Infista quid. **170**
Infiste sepulchrales quomodo circum-
nolutæ. **48**
Infiste non debuerunt notari in Sud-
ario Bisontino. **34, 42**
Ioachimi Abbatis de Sudario capitis
Christi vaticinium. **55**
Iudæa femina velata. **44**
Iudæi Aegyptum habitauerunt. **7**
duplici modo cadavera curabāt. **16**
Iudæi corpora terra mandabant. **3**
ungebant. **18**
linceis involuebant. **6, 16, 19, 20,**
21, 22
Iudæi Sudarij Dominici primi possessor-
es fuerunt. **30**
- L**
Lana in sacris non usurpata. **178**
Lancea lateris Christi. **52**
- Larva mortuis adhibita in Aegypto.*
14
Lanabantur cadavera ante pollinellu-
ram. **18**
Lazari suscitati imago. **39, 172**
Lazarus cum in statera pueri depi-
ctus. **173**
Leonardus de Gruetius miraculose sa-
natus. **70**
Linteæ alba, candida, inscripta. **181,**
182, 183
Linteæ sepulchralia Christi sunt ex
lino terreno. **179**
Linteorum pluralitas in sepultura
Christi. **22, 48, 164**
Linteamina sub insitis in sepultura
Iudaicæ. **41**
Linteum ante faciem morientium. **42**
Linteum quo Christus pedes discipu-
lorum terxit incombustibile. **28, 29**
Linum asbestinum, sine vinum. **176**
Linum byssinum. **177**
Linum catagraphum. **182**
Linum Cyprium non exurit. **126**
Linum vulgare terrenum. **178, 179**
Linum xylum. **177**
Ludonici Ducis Sabaudia charta pro
Sindone Camberiensis. **111**
- M**
Antile Abagari quare dictum
Sudarium. **44**
Munus & pedes, artus integros si-
gnificant. **38**
Mappula, Sudarium Sacerdotis. **26**
Margarita Carina. **21**
fuit Burgunda. **24**
Sindonem Ducibus Sabaudia reli-
quis. **109**
Maria mater Domini diu vixit in
Aegypto. **32**
Matildis Anglia Regina capsum
Gg 1 an-

INDEX RERVM

<i>anream pro Sindone Compendiensis</i>	<i>Sindone Compendiensis.</i>	192
<i>mist.</i>	<i>Philippus II. Rex Catholicus exemplar S. Sudarij Vefontini postulat.</i>	72
<i>Matrona vela funebria texebant propinquis & amicis.</i>	<i>Praprij Dominici portio Vefontione.</i>	60
<i>Ministri Laborantes mortuos sepeliebant.</i>	<i>Poderis, tunica Sacerdotis.</i>	181
<i>Miracula binain suscitatione Lazari.</i>	<i>Poppa Augusta corpus conditum.</i>	37
<i>Mitra quid.</i>	<i>Poppa incedebar velata.</i>	43
<i>Mors, albus noctis puer.</i>	<i>Pueri fasciis, sen vinculis ligati.</i>	372
<i>Mortuus suscitatus virtute S. Sudarij Vefontini.</i>		170
<i>Mumia sunt condita cadauera.</i>	R	
<i>Myrrha ad condituram adhibita.</i>	<i>Reliquiarum veritatem que arguans.</i>	51
N	<i>Reliquiarum falsarum exhibitores coërciti.</i>	138
<i>Nili inundatio causa Aegyptiacae conditura.</i>	<i>Resurrectionis sensus in animis Ebreorum.</i>	415
<i>Nistrum in conditurâ Aegyptiacâ usurpatum.</i>	<i>Richardus Pica Rhemensis Archiepiscopus, patriâ Bisontinum.</i>	69
<i>Numa Rex quomodo sepultus.</i>	S	
<i>Nummi Sindonem Camberiensem preferentes.</i>	<i>Sacellum S. Sudarij Vefontini, antea fuit S. Maimbodo sacrum.</i>	71
O	<i>Sacerdotes velati.</i>	44
<i>Oculi claudiebantur defunctis.</i>	<i>Salinarum urbs Sodalitati S. Sudarij Vefontini nomen dedit.</i>	82
<i>Oleum B. Mariae de Sardonay.</i>	<i>Sanctuarium pro Sudariis.</i>	164, 167
<i>Orarium, Sudarium.</i>	<i>Sanguis alius vitalis, alius nutritivus.</i>	119
<i>Ossa sunt semina resurrectionis.</i>	<i>Sanguinis aliquid in terris Christus reliquit.</i>	<i>ibidem</i>
<i>Oñirn, sine barbata fascia.</i>	<i>Sanguis lateris Christi servatur Mantua.</i>	<i>ibid.</i>
<i>Oñirior quid.</i>	<i>Sanguis verus Christi habetur in urbe S. Maximini.</i>	120
P	<i>Sapphirum, liber vetustus.</i>	61
<i>Pellen B. Virginis.</i>	<i>Scriniolum argenteum S. Sudarij Vefontini.</i>	71, 86
<i>Pedes & manus, artus integros significanc.</i>	<i>Semizymbium, sen semisepulchrale.</i>	42
<i>Penelope texuit funebre linceum Laerti.</i>	<i>Sepultura ritus varij.</i>	1
<i>Persona sen larva mortui in Aegypto adhibita.</i>	<i>antiquior in terra.</i>	2
<i>Pestis sedata Vefontione, virtute S. Sudarij.</i>		Se-
<i>Philippi Regis Francorum charta pro</i>		

ET VOCVM MEMORABILIVM.

<i>Sepulchra variè nominata.</i>	5	<i>translata Taurinum.</i>	134
<i>Sepulchri Dominici longitudo.</i>	29	<i>Sodalitas S. Sudarij Vefontini.</i>	81
<i>Serapio Sindonites.</i>	24	<i>Sodalitium S. Sindonis Camberiensis.</i>	
<i>Sindon quid.</i>	23, 24		121
<i>Sindon munda in Euangelio quid significet.</i>	20, 22, 41	<i>Sordes pretiosa ex abluto Christi corpore, ubi.</i>	18
<i>Sindone amittus super nudo in Marci Euangelio.</i>	24	<i>de Spinâ coronæ Domini aliquid Vefontione.</i>	60
<i>Sindon Compendiensis.</i>	150, 162	<i>Statura Christi in Sudariis qualis.</i>	187
<i>imagine Christi signata non est.</i>	160	<i>Subucula linea Christi Domini ubi.</i>	32
<i>Sindon Taurinensis, quæ Lirensis primum, deinde Camberiensis & Allobroga dicta, unde in Franciam aduecta.</i>	144	<i>Sudaria lino texta.</i>	26, 179
<i>à Gaufredo de Charny bello parata.</i>	106, 144	<i>Sudaria Martyrum & Sanctorum.</i>	
<i>eius longitudo & latitudo.</i>	29, 187		163, 167
<i>eius descriptio.</i>	184, & seq.	<i>Sudaria pleraque eclipa.</i>	162
	195	<i>Sudaria Setaba.</i>	26
<i>non est Sudarium capitis Christi.</i>	30, 150	<i>Sudariis qualis cultus exhiberi debeat.</i>	225
<i>non obiectus Christum in sepulchro.</i>	21, 34	<i>Sudarium vox Syriaca & Latina.</i>	25, 58
<i>notata fuit sanguine Christi ante pollincturam.</i>	145, 186, 194	<i>faciei proprium.</i>	44
<i>seruata est primum in Campaniâ.</i>	95, 99	<i>vsurpatum in re funebri.</i>	27
<i>à Trecentibus malè habita.</i>	100	<i>Sudarium capitis Domini longum pedes octo.</i>	28, 29
<i>cultus eius malè prohibuit à Clemente VII. Antipapâ.</i>	102	<i>totum corpus anterius obtegebat.</i>	42, 45, 49
<i>veritas eius defensa.</i>	137	<i>virtus eius incombustibilis.</i>	28
<i>venit deinde in Humberti Comitæ à Rupe potestatem.</i>	103, 104	<i>cultum in ciuitate Saracenorum.</i>	50
<i>seruatur in Burgundiâ, in fano S. Hippolyti.</i>	104, 107	<i>Sudarium Christi, quo sudorem sanguineum deterfis in monte Olineti.</i>	27
<i>Margarita Humberti vidua donat illam Ducibus Sabaudia.</i>	107	<i>Sudarium Christi & Apostolorum imagines continens.</i>	32
<i>& seqq.</i>		<i>Sudarium Edessenum.</i>	200
<i>miracula eius patrata Camberij.</i>	92, 123, & seqq.	<i>translatum Constantinopolim.</i>	201
<i>flammæ euadit.</i>	124	<i>ubi nunc seruetur.</i>	204
		<i>Sudarium Moguntinum.</i>	49, 161
		<i>Sudarium S. Pauli Apostoli.</i>	44, 166
		<i>Sudarium Petrocorsense.</i>	161
		<i>Sudarium Veronica.</i>	204
		<i>Romam quando translatum.</i>	205
		<i>celebres eius Imagines Cadurci & Monasterioli.</i>	206

INDEX RERVM ET VOCVM MEMORAB.

<i>Sudarium Vlyssiponenſe, eſtypon.</i>	<i>163</i>	<i>S. Theodoli Reliquie.</i>	<i>82</i>
<i>Sudarium Veſontinum, ſiue Biſontinum, eſt Sudarium capitis Chriſti, de quo S. Ioannes & Beda.</i>	<i>29, 40</i>	<i>Thūs in conditurā non uſurpabant Egyptij.</i>	<i>7</i>
<i>per B. Virginem Iosepho conſeſſum.</i>	<i>31</i>	<i>Tornodori in Gallia uiget cultus S. Sudarij Biſontini.</i>	<i>82</i>
<i>videri & per ipſam textum.</i>	<i>32</i>	<i>Trecenſim Theologorum ineptia reſutata.</i>	<i>140</i>
<i>non eſt cingulum Domini.</i>	<i>55</i>	<i>Tumba Chriſtianorum.</i>	<i>4</i>
<i>in Palaſtinā pecuniā redempti.</i>	<i>52</i>	<i>Tunica inconfuſilis Chriſti.</i>	<i>32</i>
<i>Veſontionem perlatum.</i>	<i>50, 52</i>		
<i>oſtenſionis eius ritus antiquus.</i>	<i>54</i>	V	
<i>eius deſcriptio.</i>	<i>185</i>	<i>Ela deſunctorū punicea, alba.</i>	<i>6</i>
<i>longitudo, latitudo.</i>	<i>186</i>	<i>Vela funebria, ſymbola noctis & mortis.</i>	<i>46</i>
<i>amiſſum, & recuperatum.</i>	<i>67, 68</i>	<i>Velum, capillata capitis partis proprium.</i>	<i>44</i>
<i>deſerebatur olim ad egrotos.</i>	<i>70</i>	<i>Velum coarum Chriſti crucifixi.</i>	<i>195, 196</i>
<i>eius miracula.</i>	<i>66, & ſeq.</i>	<i>ſeruatnr Aquisgrani.</i>	<i>148</i>
<i>Magnatum donaria.</i>	<i>73</i>	<i>Velum Plantilla, & Veronica cur dictum Sudarium.</i>	<i>44</i>
<i>oculis laborantes ſanat.</i>	<i>76</i>	<i>Veſtales velata.</i>	<i>43</i>
<i>dubios in fide bebetat.</i>	<i>76, 77</i>	<i>Vinum Phœnicem in conditurā uſurpatum.</i>	<i>7</i>
<i>à peſte Veſontionem liberat.</i>	<i>80</i>	<i>Virgines ſacrata Deo, velate.</i>	<i>44</i>
<i>damones vim eius non ferunt.</i>	<i>86</i>	<i>Uiri, uirorum curabant cadauera apud Egyptios.</i>	<i>17</i>
<i>imagines eius valent contra veneficia.</i>	<i>84</i>	<i>Vnliocadauerum apud Indeos vulgo recepta.</i>	<i>19</i>
<i>admiranda quadam de illo.</i>	<i>86, 87</i>	<i>differt à conditurā.</i>	<i>18</i>
<i>quando publicè oſtendatur.</i>	<i>70, 87</i>	<i>Vulnera Chriſti quinque grandiora tantum apparent in Sudario Biſontino.</i>	<i>148</i>
<i>quando per ciuitatem deferatur.</i>	<i>88</i>	<i>Vulnus lateris Chriſti.</i>	<i>123</i>
		<i>Vulnera manuum Chriſti.</i>	<i>120</i>
<i>Superſicies vnde dicta.</i>	<i>45</i>	<i>Vulnera pedum Chriſti.</i>	<i>121</i>
T			
<i>Aciti textus correſtus.</i>	<i>7</i>		
<i>Tenia quid.</i>	<i>169</i>		
<i>Teniarum uſus in ſepeliendo.</i>	<i>48, 172</i>		
<i>Texta, ſeu criminalis viſta.</i>	<i>170</i>		
<i>Theatrum Veſontione excitatum pro Sudario oſtendendo.</i>	<i>70</i>		

F I N I S.

A P-

A P P R O B A T I O.

IOANNIS IACOBI CHIFFLETII, Gubernatoris Vefontini, & Ciuis Romani, Commentarius de Sudario Vefontino, Sindone Taurinensi, & aliis Linteis sepulchralibus CHRISTI SALVATORIS, dignus est qui omnium manibus teratur; quòd varias Antiquitates, cum sacras tum profanas, hactenus non intellectas, accuratè explicet. Datum Bruxellis postridie Kal. Aprilcis, M. DC. XXIV.

*Aubertus Miræus Decanus Antwerp.
& Censor Regius.*

CVM Crisis hæc Historica de Linteis sepulchralibus CHRISTI DOMINI doctrinæ Catholicæ conformis sit, atque in ea singularia ex Antiquis proferantur monumenta, quæ non tantum instructionem Lectorum, verum etiam ad pietatem excitandam & fouendam valdè opportuna sunt, magno fructu eam typis euulgandam censeo. Antuerpiæ, Kal. Augusti, M. DC. XXIV.

*P. Coens S.T.L. Canonicus
& Lib. Censor Antwerp.*

SVMMA PRIVILEGII.

PHILIPPI IV. Hispaniarum Regis Catholici, & Potentissimi Belgarum Principis Privilegio cautum est, nequis IO. IAC. CHIFFLETTII *de Linteis sepulchralibus* CHRISTI SERVATORIS *Crisin Historicam* præter Balthasaris Moreti voluntatem vlllo modo intra sexennium imprimat, aut alibi terrarum impressam in Inferioris Germaniæ ditiones importet, venalemve habeat. Qui secùs faxit, confiscatione Librorum, & aliâ graui pœnâ mulctabitur, vti latius patet in litteris datis Bruxellæ, xxx. Maij, M. DC. XXI V.

Signat.

De Witte.

ANTVERPIÆ,
EX OFFICINA PLANTINIANA
BALTHASARIS MORETI.
M. DC. XXIV.







